

ГРАЖДАНИН, ЕГО ПРАВА И ПОВИННОСТИ.

КНИГА ДЛЯ ШКОЛЫ И ДОМА.

Доводено министерством школьства и народного просвѣщенья яко приручна книга
для учительства и для просвѣдительныхъ работниковъ по распоряж.
ч. 60479, дня 1 септембрія 1921.

1 9 2 2

ПЕРЕРОВЛЕНО ИЗ КНИГИ ПЕТРА ДЕЙМКА


„OVČANSKÁ NAUKA“.


К. КОХАННЫЙ.

EX
LIB
RIS



PAUL R. MAGOCSI





Digitized by the Internet Archive
in 2016



T - G - MASARYK ,
PRVÝ - PREZIDENT - REPUBLIKY - ČESKOSLOVENSKÉJ .

МОТТО: Чоловѣкъ рождается, але гражда-
нина треба воспитати.

ГРАЖДАНИН, ЕГО ПРАВА И ПОВИННОСТИ.

КНИГА ДЛЯ ШКОЛЫ И ДОМА.

Дозволено министерством школьства и народного просвѣщеня яко приручна книга
для учительства и для просвѣтительныхъ работников по роспорядж.
ч. 60479, дня 1 септембрія 1921.

Цѣна Кч 8·50
(и с прибавкою).

1 9 2 2

ПЕРЕРОБЛЕНО ИЗ КНИГИ ПЕТРА ДЕЙМКА
„OVČANSKÁ NAUKA“.
К. КОХАННЫЙ.

ТИПОГРАФІЯ
ДЕРЖАВНОГО КНИЖНОГО СКЛАДУ
ПРАГА.

Наш президент Ф. Г. Масарик.

„Правда мусит быти нам вѣм так свята, як была святою для Гуса, и за правду мусиме и да что вытерпѣти“.

Ф. Г. Масарик.

Фома Масарик народився 7 марта 1850 р. в бѣдной фамиліѣ моравскаго мѣсточка Годонина. Цѣлое свое житіе жив с простым народом и терпѣв разом с ним. Много труда, тяжести и терпѣливой працѣ стоило ему поки стався учителем молодых поколѣнь, профессором университета, учителем угнетенного народа и наконец вождем многих поярменных народѣв в их борѣбѣ за освобожденіе.

Когда 1914 р. была австроугорскою монархіею об'явлена война Сербіѣ, а потом союзно с Нѣмеччиною и Бельгіѣ, Россіѣ, Франціѣ и Англіѣ — туй профессор Ф. Г. Масарик без огляду на страданія, яки чекали его и его фамилію, поставився всего вагою своего розуму и духовных сил на сторону демократіи, свободы совѣсти, прогресу, на сторону малых народѣв — против насильников.

1914 р. в децембрію он утѣк из гнетущой Австроугорщины за границу. Як честовали его за границую видно из того, что 1915 р. его выименовали профессором наивысшой школы в Англіи, кембриджском университетѣ, и лондонское населеніе его горячо и любовно привитало. Витали его, яко великаго заступника интересов рускаго народа и заступника слабых народѣв.

Он видѣв духовными очима, что наступае пора, когда угнетеннѣ народы можут вырѣвнятися, встати, освободитися.

За границую он добре замѣчав всю политику относительно Чехіи и малых народѣв и где того было треба, там

возносив свои просьбы, або протесты за всѣх. Для него, почти 70-лѣтнего чоловѣка не было дня отпочинку, не было ночи: сокотив благо тых всѣх, кому посвятив свою емигрантску чинность.

В славной своѣ рѣчи в апрѣлю 1917 р. в Кіевѣ он говорив:

„Когда началась война и я увидѣв, что наши вояки (чехи) начинают поступати в направленію нашей народноѣ и славянскоѣ програмы, коли я увидѣв, як Австрія мститися на наших людях, коли я довѣдався, что на Моравіи повѣшали чоловѣкалишь зато, что мав у себе російску прокламацію освобожденія славян, я мусив сказати: Ты не можешь робити меньше, як наши вояки, як всѣ наши люди, наши wyborщики. Я рѣшив, что мушу ити разом с тими, кто воюе против Австріи. Я убѣжденый, и сесе говорю уже третій рѣк, что мѣж Чехією и Австрією, властно Габсбургами не може быти ніяких компромисѣв“.

И он истинно воював без отпочинку, честно и совѣстно за своѣй народ, за будущу чехословацку републику.

1916 р. Масарик пріѣхав до Росіи, где из малой кучки дружинникѣв почав организовати чешских легіонарѣв, будуче правидельне войско, в котором было тоже много сынѣв Подкарпатских Русинѣв. Про свои особнѣ выгоды Масарик не дбав и не падав духом и тогда, когда его любиму фамилію хапали до своих смертоносных когтей войсковы суды австроугорщины.

1918 р. 20 децембрія на пограничнѣ чешски станціи Горное Дворище остановився украшенный поѣзд. Як остановився, то дораз радостно розлягалося в воздуху: „Да живе наш президент Масарик! Нехай живе!“ Музыка заграла чешску гимну а старенькій дѣдусь Скленарь принес Масарикови по старочешскому обычаю хлѣб и соль.

Дорога до Праги и в Празѣ была единым криком радости всѣх чехѣв, выдѣввших, як их страдатель и изгнанник вертаеся побѣдителем в освобожденный край. То была искренна благодарность всѣх Масарику. На памятнѣ старого-родской площади 20 децембрія 1918 р. закончив свои привѣтны слова староста д-ра Шамаль, так: „гражданин Томаш Масарик, сын простого чоловѣка, днесь першій гражданин и голова державы, муж, который так много для народа вытер-

пѣв и працював признае сам собѣ: Для того доброго народа для той священоѣ землѣ не жалко было принести и великой жертвы!“

Масарик — президент отповѣв: „Благодарю Вам за ваши красны слова. Добре’м порозумѣв, что хотѣли съте менѣ сказати. Будьте певнѣ, что и когда буду жити там, на горѣ, мысли и сердце мое останутся тут на долинь. Нѣколи не забуду, что вийшов ’ем из простого люду. Наша держава мусит быти — демократичною. То буде правительство народа, через народ и для народа“.

А с Градчан, отки от 1526 р. правили чехами дванадцять цѣсарѣв римских и четыре цѣсари австрійски из рода Габсбургѣв — днесь от 20 децембрія 1918 р. правит по волѣ народа, его сын и застурник Т. Г. Масарик.

Подкарпатска Русь.

По мировому договору в Сен-Жерменѣ 10 септембрія 1919 р. Чехословацка республика приняла до своего державного связку братскій край подкарпатских русинѣв. Чехословакія обязалася установити руску територію южно от Карпат в границах, опредѣленных главными союзными и участными державами, яко автономну единицу в Чехословацкой Державѣ и воздати Подкарпатской Руси найвысшее самоуправленіе, сровняющее с едностью Чехословацкой Державы.

Краина русинов южно от Карпат буде мати особенный **сойм**. Сесь Сойм выконовати буде законодавну власть во всѣх языковых, школьных и религійных вопросах, в дѣлах мѣстной администраціи и в других вопросах, которые призначат ему законы Чехословацкой республики. Губернатор Подкарпатской Руси, выименованный Президентом республики, буде отвѣчательный рускому Сойму.

Чехословацкая республика со дня добровольного присоединенія к собѣ Подкарпатской Руси всѣми силами стараеся пѣдняти культурно и административно сесю краину, стараеся абы каждый Русин и Русинка жили счастливѣйшим людским житіем.

Подкарпатска Русь буде мати своих членѣв в Народнѣм

Собранию и Сенатъ чехословацкой республики, выбранных на закладъ вообщаго выборного порядку в республицѣ.

Подробности выборов до Сойму и правах выборов устанавливаются особенными распоряженіями.

18. февраля 1920 р. была выдана генералом Еноком от имени и приказу правительства призов к народу :

Ч. прес. 299.

Генеральный статут автономной Подкарпатской Руси.

Прокламація.

В имени и по приказу правительства Чешскословенской Республики, як найвысшій начальник Подкарпатской Руси подаю до вѣдомости и оголошую :

Столѣтни бажаня поневоленных народов исполнены.

Подкарпатская Русь е свободна а Чешскословенска Республика приступае до того, чтобы безпроволочно, скорше чѣм буде скликанный сойм, положить основу до автономной Руси в тѣх дѣлах, в котрых належит народу по парижскому договору самостойно рѣшати.

Для того в сталой дбайливости про добро автономной краины и поступаючи по духу взятых на себе ухвал, правительство Чешскословенской Республики рѣшило выдати : „Генеральный Статут для Организациі и Администраціи Подкарпатской Руси.“

По зрѣлой розвазѣ покликало правительство Чешскословенской Республики для справ Подкарпатской Руси администратора и надѣся, что вызначнѣйши патріоти, беручи участь в управѣ краины, в директоріи, будут его изо всѣх сил подпоровати в его нелегкой задачѣ :

Генеральный статут слѣдует :

Генеральный Статут

для Организациі и Администраціи Подкарпатской Руси, приключенной к Чехословенской Республикѣ Мировою Конференціей.

Правительство, по прелиминарных конференціях с передовыми гражданами и представителями Подкарпатской Руси, предлагает слѣдующи главны засады для организациі и администраціи Подкарпатской Руси :

I.

На Парижской Мировой Конференціи пріятый был слѣдующій Договор между пятью Великими Державами и Чехословенскою Республикою :

Часть 1.

Чехословакія обязывается установить Руску Территорію южно от Карпат в границах опредѣленных славными Союзными и Участными Державами, яко автономну единицу в Чехословенском Статѣ, и воздати еѣ найвысшее самоуправленіе сровняющее с единостію Чехословенскаго Стата.

Часть 2.

Краина Русинов южно от Карпат будет мати особенный Сойм. Сей Сойм выконовати будет, законодавну власть во всѣх языковых, школьных и религійных вопросах, в дѣлах мѣстной администраціи и в других вопросах, которых законы Чехословенской Республики призначат ему. Губернатор краины Русинов, который выименован будет Президентом Чехословенской Республики, отвѣчательный будет Русскому Сойму.

Часть 3.

Чехословакія обязуется, же урядники в краинѣ Русинов избраны будут, на сколько лем возможно, из меж обывателей сей территоріи.

Часть 4.

Чехословакія гарантирует краинѣ Русинов соотвѣтну репрезентацію в Парламентѣ Чехословенской Республики, в которому Парламенту она зашлет послов, избранных в мыслѣ конституціи Чехословенской Республики. Но сіи послы не будут мати права голосованія в Чехословенском Парламентѣ в таких законодарных вопросах, яки данны суть Руському Сойму.

II.

Территоріальна Комиссія Мировой Конференціи в Парижѣ установила границы сим способом:

а) Демаркаційна линія между Словаками и Русинами идет прямо от города Чап в сѣверной части города Ужгорода так, же желѣзница оставляет в Словакіи, а Ужгород в Подкарпатской Руси, оттуда вдоль рѣки Ужа к Карпатам:

вся територія восточно от сей лінії будет уважатися за Автономну Русску Территорію.

б) Южна граница Автономной Русской Территоріи установлена была Мировою Конференціей так, же граница против Мадьярії тягнется от Чапа на юг; желѣзница от Чапа остается на Русской Территоріи аж к Мараморош-Сиготу, который город припадает Румынії; дальше граница идет частично рѣкою Тисою на восток к границѣ сѣверной, котора отвѣчает границѣ между бывшими Угорщиною и Галичиною.

в) Прото, же часть русскаго народа творит на Словенской территоріи рѣшеніем Мировой Конференціи меншинство, правительство Чехословенское отпоручило представителям обоих народов, чтобы согласились на евентуальне придѣленіе совищающей русской территоріи ко Автономной Русской Территоріи.

III.

Имя и язык.

1. До правосильного рѣшенія избранным Соймом будет употреблятися историчное имя „Подкарпатская Русь“ мимо того можно уживати имя „Русинско“.

2. Во всѣх школах народный язык будет языком ученія, и так само будет урядовым языком вообще.

Так само потребно есть, чтобы русински школы были як скоро лем може организованны. Русинскій язык есть языком ученія в первых классах и поступает к высшим классам всѣх школ. На переходное время в теперешных школах лишается мадыарскій язык в высших классах, но обязательна наука русинского языка.

Школы Мадярскаго меньшинства храненны суть як всѣ меньшинства миноритным установленіем Мировой Конференціи и законами и установленіем Республики.

IV.

Чтобы в территоріи водворился порядок и чтобы основы новой статной и автономной администраціи были положены, правительство по первой (1) части сего договора выименует дочастно **Администратора**, Которому данно будет потребное число урядников.

Правительство выименует дочастную Русскую Автономную Директорію. Директорія будет порадным сбором для законо-

давства и администрації всѣхъ языковыхъ, школьныхъ и религійныхъ дѣл и для дѣл мѣстной администрації такъ само для выименованія и пропущенія всѣхъ урядниковъ и служащихъ, повѣренныхъ веденіемъ и администрацію вышеупомянутыхъ дѣл. Сіи урядники выименованы будутъ администраторомъ и будутъ ему подчинены и отвѣчательны.

Если бы Администраторъ и Директоріумъ не могли согласитися в даякомъ дѣлѣ, описанномъ в прежнемъ параграфѣ, сіе дѣло предложено будетъ Президенту Чехословенской Республики, или даякой иной особѣ, из'явше администратора, которою бы Президентъ уважалъ отвѣтной и которой передалъ-бы сію власть. Рѣшеніе Президента или его повѣренныхъ замѣстителей будетъ конечное и обязующее. До того рѣшенія спорное дѣло не есть правосильно скончено.

Директоріумъ установится по отдѣленіямъ. Директоріумъ можетъ быти выслухано такъ само при рѣшеніи общихъ статныхъ дѣл.

Директоріи будутъ для веденія его агендъ нужныя силы назначены Администраторомъ.

Урядъ Администратора и Автономной Директоріи перестанетъ, коли Автономна Конституція Подкарпатской Руси, основана на пунктахъ рѣшенія Мировой Конференціи и введена будетъ в жизнь.

Выборъ членовъ Русскаго Сойма переведется не позднѣйше якъ 90 дней по выборахъ до общаго народнаго Парламента Чехословакии.

Функція Администратора и Директоріи суть дочасны и провизорны, ихъ права и обязанности не будутъ уважанны за прецедентъ для будущности.

Подкарпатска Русь будетъ мати свои собствены публичны **Финансы**. До дефинитивнаго управленія статъ покрываетъ потребны административны выдатки. Сіи выдатки будутъ окремно засчитаны.

Ужгород, 18-го ноября 1919. года.

Найвысшій Начальникъ Подкарпатской Руси
Генералъ ЭННОКъ с. р.

Изъ розказу министра внутреннихъ дѣл
подписалъ

Др БРЕЙХА с. р.,
якъ администраторъ.

26 апрѣля 1920 р. вышло иншакоє распоряженіє правительства по которому „на чолѣ Подкарпатской Руси єсть дочастный губернатор, именованный президентом чехословацкой Республики на проект правительства на добу, пока не устроится Сойм Подкарпатской Руси.

Дочасный губернатор сложит до рук президента республики обѣтъ слѣдующаго содержанія: „Обѣцяю на свою честь и совѣсть, же совѣстно и **безсторонно** буду исполняты свои повинности и уважаты буду на конституціональны законы“.

В круг дѣйствія губернатора Подкарпатской Руси принадлежит :

1. заступати Подкарпатску Русь при розбирательствах с правительством.

2. по дальшим установленіям сего распоряженія правити розбирательством губерніальной рады

3. подписовати распоряженія и приказы выданы гражданскою администраціею для цѣлой Подкарпатской Руси.

Вообще губернатор сокотит всѣх законов и дѣл, особенно политических, которы относятся до администраціи Подкарпатской Руси.

На помощь губернаторовы президент республики назначает ему вицегубернатора, который єсть прямым начальником всѣх референтов, придѣленных гражданской Управѣ Подкарпатской Руси и посредствует между референтами и правительством.

Если бы в да яком дѣлѣ не было согласія между губернатором и вицегубернатором, то дѣло передается правительству.

Упомянута губерніальная рада состоит из губернатора, яко предсѣдателя, вицегубернатора, из 10 выбранных членѡв и 4 членѡв, назначенных правительством.

Члены губерніальной рады выбираются из выборных старост всѣх округѡв.

Губерніальная рада собирается на воззваніє губернатора наименьше раз в мѣсяцѣ.

Губерніальная рада может правосильно розбирати и рѣшаты дѣла, если мимо губернатора и вицегубернатора присутно будет наименьше пять членѡв избранных и двух членѡв правительством и менованных.

Установленієм губерніальной рады перестала дѣятель-

ность директоріи и отвѣдальность за правильной бѣг житія Подкарпатской Руси має губернатор, або, в его отшествію, вице-губернатор.

Першим губернатором був назначен д-р Георгій Жаткович, першим вице-губернатором Петр Еренфельд.

Так Чехословацкая республика старается что найближе по́дойти и помощи всѣм нуждам и желаніям руского народа во всѣх направленіях.

Отношеніе чоловѣка к природѣ.

Чоловѣк в грунтѣ своем есть близкій остальным созданіям природы, понеже розвивается, яко ростлина, а живе и чувствуете, яко животное. Але животное живе только, абы успокоило свои тѣлеснѣ потребности; оно не способно совершенствоватися, розвиватися духовно и чоловѣк скоро передогналъ дикі-творенія а главно тым, что крѣм языка, слова має тоже и духовныя сокровища, способность пониманія чужой мысли, освоити и соединяти да колько мыслей, находити причину и послѣдствія дѣлъ и явленій въ природѣ, в души чоловѣка другого. Дух учинив чоловѣка паном свѣта. Не сила тѣлесна, але дух чоловѣка побѣдив природу, заставивши ю, абы кормила его своими дарами, подчинив свои волѣ и найдичійших звѣрей, абы служили ему, запряг собѣ на помощь и найбільши силы природы: воду, воздух, огонь и электричество. Единый из животного царства, чоловѣк, хоснуе знарядями, которѣ сам собѣ зготовив, дѣлится с другими своими дослѣдами и знаніями, як словесно, так и письменно, еще и сам пробуете искусственно ци то, або друге явленіе на свѣтѣ подчиняется силѣ чоловѣка. Особенно така научна проба природы, збавила чоловѣка от лишноѣ работы, давши ему на помощь машину, котора працуете за него. На машины и на звѣрята перенес он найтяжшу часть свои тѣлесноѣ работы.

Ровночасно розвивався чоловѣк в нравственне существо высшого ряду, получивши чувство красоты и нравственный скарб, як, напр., право, справедливость и стремленіе насаждати их в житя. Тым больше и больше отдаляется от животных и досягае почести и благородства.

Не досягає сего величія без свого причиненія. Абы удержав мѣж остальным творством свое высоке положеніе он повинен розширяти и проглублювати свои цѣли—тым больше, если хоче быти совершеннымъ. Мусит остерегатися всего, что приближає его к низшому, животному творству.

Всѣ старанія свои має обращати на то, абы в цѣлом своим житію, что наибольше отличився от простых природных сотвореній и досягнув, колько може близко, стремленій совершенного, доконалого существа. Цѣле его житіє мусит быти великим желанієм создати высшу форму. На скільки вѣдомый своего владычества над остальными созданіями, на стѣлько чувствуете и свое ничтожество перед величієм всемира, перед тою сокрытою силою, котора есть прапричиною всѣх явленій во всемиру, глубокоѣ тайны которого не удалось доси открыты. Прецѣнь на конец и он подчинится безжалостнѣ смерти! Сесе кротит людску гордость, которою бы мог похвалитися, если бы источник силы був в нем самом, але понеже источник всей силы происходит из того великого безименного, має чоловік пышнитися лиш тым, что сам вытворив из даров всемиру. А то есть самополѣпшеніє.

Нравственнѣсть. Нас повысшає над звѣрятами наша нравственна способнѣсть. Анѣ рѣчь не повысшає нас так, ибо и для звѣрят голос есть средством порозумѣня; анѣ душа, ибо и у многих звѣрят есть да что подобного; только, и на першѣм мѣстѣ, наша способнѣсть быти нравственными.

Нравственность есть сила нашоѣ волѣ чинити добрѣ дѣла и остерегатися злых. Але не можна строго высчитати дѣла добрѣ и злѣ. Житіє поставит нас до таких случайностей, яких нѣкто не може предчувствовати. На счастье грунтовне правило нравственности есть простое: живи так, абы твои желанія и чины не шкодили житію твоих ближних. Таинство людскоѣ нравственности есть абы наши починанія были в согласію с нашою совѣстію. Она—найлѣпша книга, из котороѣ можна учитися нравственности.

Совѣсть. С совѣстію появляемся на свѣт Божій, она живе в нас, в способностях нашего сердца и души.

Коли почуєме пробужденіє совѣсти? Станєся так, если попробуєм судити свои дѣла, помышленія, чувства, або дѣла других. Як видиме, что кто без принужденія, с охотою защищає невинно нападеного, або, як плавец кидаєся до воды,

абы спасти незнакомаго утопающаго, то наш розум хвалит такія чины, наше сердце обдивовуе их, чувствуеме, что такіи чоловѣк заслугуе похвалы и награды, что мали бы сьме его починанія наподобляти. Из такихъ чувствъ вырастаютъ желанія чинити добрѣ дѣла самому, ибо сердце подсказуе намъ, ци то дѣло причиняе намъ внутренне удовольствіе, пышность, ци смутокъ, упреканія, ци стыдъ. Сеся совѣсть есть нашъ найвысшій законъ хоть и не писанный, и найсильнѣйшій нашъ руководитель, который наказуе послѣдній приговоръ надъ нашими дѣянiями.

Розумѣме совѣсть чисту, пряму и неспорчену. А такую должно выпѣстовати, якъ и всѣ душевны качества. В дитинѣ совѣсть пробуждаютъ и розвиваютъ родичи: ненько и мама; ихъ похвала насъ учитъ добру, ганьба указуе намъ зло. Залежитъ значитъ на правильности и чувствительности ихъ совѣсти. В школѣ тоже учатъ что есть добро и зло, что заслугуе похвалы и что кары. И селяне, и общество, и наши пріятелѣ и чтеніе маюť впливъ на розвитіе нашей совѣсти. Отъ того много залежитъ, абы товариство, середъ котораго живеме, не было жестоке, абы товарищи были нѣжнѣ в своихъ чувствахъ, абы чтеніе было розумне.

И позднѣйше, в цѣломъ житiю, нашу совѣсть обробляють ученіе и мышленіе — то значитъ, что вартость совѣсти залежитъ отъ насъ самыхъ. Якъ выпѣстовати добру совѣсть? Найлѣпше частымъ позераніемъ до глубинъ свои души. Древній греческій мыслитель, философъ Сократъ учивъ: познай самого себе. Другіи мыслители Пифагоръ учивъ, абысьме каждый день себе запитали: „что чинивъ емъ? Якъ то чинивъ? Что забывъ учинити? Якъ бы менѣ подобалося, коли бы други поводилися зо мною такъ, якъ я с ними?...“ Такими правильными переглядами свого внутреннего бытія учиниме свою совѣсть прямѣйшою и приведемъ свои дѣла в согласіе с добромъ. Але не доста только выпѣстовати способность к добру и отличати сесе отъ зла; важнѣйшимъ есть привести в согласіе всѣ наши починанія с приказами совѣсти.

Только потомъ можеме гордиться спокойною совѣстію. А то есть истинне сокровище, которе в пору страданія и бѣды для насъ буде найлѣпшою утѣхою. В успокоенѣмъ сердцѣ найдемъ середъ замотанаго свѣта свой внутренний рай. Много несчастій, але наибольше изъ нихъ есть, коли сами себе попрекаеме.

Закон нравственный.

Совѣсть приказуе нам чинити добро и варуватися зла. То наш закон нравственности. Его не мож зрушити, або змѣнити, он есть найвысшій и всѣм с одинаковою строгостію предписуе повинности. Можна сесь закон переступати, але наш розум протестуе против такого преступленія, ибо закон совѣсти, нравственности не допускае вынятковъ, не знае прощенія, або утаенія. Всюды, во всѣ часы он ходитъ с чоловікомъ, поки в его тѣлѣ есть душа.

Так сесь закон отличаеся от законѣвъ громадских и политическихъ, которѣ люди написали до своих законниковъ, в разныхъ землях и разныхъ вѣкахъ розличныхъ, позволяющихъ себе поправляти и отмѣняти. Таки преходящи законы были бы лишнѣ, если бы люди жили точно по закону нравственности. Понеже так не чинят муситъ взаимне общеніе мѣж людьми и отношенія одного к другому звязано быти законами писанными. Нравственный закон може быти разный у каждого по его чувствительности, але писанный закон хоче досягнути единства. Каждый, кто хоче быти совершеннымъ, муситъ жити по нравственному и писанному законамъ. Держава, в которой люди живут в согласію с сими законами была бы содруженіемъ найдоскональнѣйшихъ существъ. А до сего маеме что найблизше приступати!

Воля. Маеме в собѣ силу, котора нам в таком приближенію помагае. То способнѣсть нашоѣ души выбирати из разныхъ способовъ починаній той способъ, который признае наш розумъ, або сужденіе другихъ, за найправильнѣйшій и найлѣпшій. Сесю способность называеме воля. Она есть нашимъ приказомъ. Она управляє всѣми нашими дѣлами, поки дѣл нашихъ не вымагаютъ таки условія, которыхъ не можна змѣнити, як не можна змѣнити день в ночь. Сильноѣ воли чоловікъ не пропаде и тамъ, где слабый духомъ подчиняеся, понеже „не силы людямъ мало, але воли.“ Не смѣе наша воля переходити в упрямство, або чинити все, что хоче: певна воля муситъ быти розважна и розумна. Когда добре и истинно знаемъ причины и наслѣдки явленій, и началомъ дѣла ясно обдумали все, только тогди требуйме, абы наша воля держалася певно и неотступно.

Мусиме упражняти волю и укрѣпляти ю. А потомъ не найдеме надѣйнѣйшоѣ по надню силы к досягненію красного

и благородного желанія. Красна чеська сокольска идея каже гордо: „перескочь, переломай, але не подлѣзь!“ Воля есть матерю смѣлости и отваги, которѣ порождают героя. Не думайте, что героем есть той только, который на полѣ битвы выконав необыкновенное дѣло. Не. Героем есть той, кто побѣдив в нравственном бою с людскими слабостями, кто убыв в собѣ самом стоголовое чудовище искушеній, кто скротив своего шаленого духа, аж на покорну послушность, кто через болото безнравственного свѣта пройшов на дорогу, где свѣтит красно для всѣх солнце счастья. Сесь настоящій герой. Каждый опредѣляе собѣ цѣну сам; велики мы, ци малѣ душевно, то все есть в нашей волѣ.

Чоловѣк.

Англичаны называют доброго характерного чоловѣка джентльменом. Чоловѣк мае дбати на порядочность зовнѣшну и внутренну. Як слѣдуе умытый, побритый, причесанный, одягненьый до чистого шматя, в чисту обуву. Одежа може быти найпростѣйша, але упорядкована и чиста. Не ходит по комедіянски, але при всѣй прямоти его тѣла маюť движенія быти гибки и свободнѣ, крок легкій, певный и говор розважный. Каждѣ движеніе у такого чоловѣка природне, натурне, як движеніе крылѣв сокола.

Нравственнѣ достоянія: Чоловѣк характерный мае сильне чувство честности и нѣжну совѣсть. Сесѣ двѣ душевнѣ силы являются головными совѣтниками в его дѣлах. Принуждают, абы всегда говорив правду. Совѣсть попрекнула бы его, як бы он когось обманув, а честь его не перенесе, як дакто му докаже, что он лже. Прото стѣреже чистоту и певность свои правдивости и стараеся, абы не достав поголоску „брехун“. Его обѣт есть, як присяга.

Желаніе правдивости чинит с него прямого чоловѣка. Не умѣе прихлюбоваты, льстити, противно ему баламученя, двоякость, покрытецтво, он ворог надутих, порожных розговоров, потайных обманѣв.

Есть порядочный. Не отрѣкаеся от довгѣв, не обмане дурным товаром, анѣ подлою работою, не обкраде нѣкого неправильным рахунком, не заключае договорѣв, которых не думает сдержати. Не глядае всюди своего хосна. Не признае

свого положенія для обогащенія. Есть найтяжшим оскорбленіем, если хотят его подкупить. В урядѣ он не подглядае анѣ роднѣ, анѣ протекціи. Руководится толькo интересами штата и народа и лѣпшою нагородою для него есть спокойна совѣсть и похвалы публичности.

Есть честный в каждом смыслѣ. Да что обѣщае, сповнит, верне все, что позычит, не клеветает, не подозрѣвает, против нечестности выступает прямо и рѣшительно и не хоснуе из несчастія своего ближнего. Есть до крайности справедливый. Старается нѣкому не укривдiti и ворогови, не присвоит чужого, не порушит права других, як не хоче абы порушовали его право. Если видит дакого угнетеного, сам добровольно станется его хранителем.

Есть вѣрный в дружествѣ и любви. Можно довѣрится на него в каждом добром дѣлѣ; в горожанских и политических боях есть честный, певный в назираниі своем на свѣт, достойный довѣрія в урядѣ и правительствѣ.

Есть мужественно смѣлый, хоть и не кидаея легкомысленно до небезпеки; не похваляея своими заслугами и говорит о сих тогда, коли принужден. Помагае угнетенным и не чекае от того нагороды.

Не пышный. Нравственна сила чинит с него чоловѣка сдержанного, который управляет своими страстями и привычками, презирает жестокость насильников. Не можна его нѣчим выкликати на грубый и недостойный чоловѣка чин; ибо як сам не хоче чувствовати болести, так нею хоче ю причинити и другим.

Он — осторожный. Не интересуея чужими тайнами, а як да что дознаея, то есть нѣмый, як рыба. Можно без боязни довѣрится ему с тайнѣйшими планами: нѣкому тайны не передать.

Есть нѣжный. К людям добросердечный и щедрый, почтительный, сдержанный и охотный на каждую честную службу. Скорѣйше перенесе оскорбленіе сам, але другого не оскорбит нѣ словом, нѣ дѣлом.

Любит терпеливость. Почитае и чужи убѣжденія, але без милости борется с покрытоцтвом и фальшою, шарлатанством и обманством. Такий есть чоловѣк характеру а треба пожелати, абы о каждой людинѣ можна сказати: „то есть характерный чоловѣк“.

Сѣмья.

Малженство, сѣмья и материнство находятся под особою защитою штату. § 126 законов респу-блики.

Понятіе. Сѣмья есть наименьше, природне людске об-щеніе, складаючєся из мужа, жѣнки и дѣтей; да коли сюда належат дѣд и бабка, тета и вуйко, если живут с остальными членами сѣмьи в одном домашном кругу.

За давних часѣвъ первобытного житія мав отец над жѣн-кою и дѣтьми право живота и смерти. Теперь уже бѣльше и бѣльше то есть сдруженіе для нравственнѣ и матеріальнѣ взаимопомощи, найроскошнѣйше и найкраснѣйше из людских общеній.

Значеніе сѣмьи. Тѣлько в сѣмьѣ можно досягнути повного счастія. В самотѣ есть слабость и про то старѣ дѣв-чата и холостяки нахильнѣ к гѣркостям и недовольству. Об-ясненіем многих, что не хотят сочетатися браком, частѣйше есть велике самолюбіе и страх перед стратою свободы. Але обманюются. Что потеряем из личнѣ свободы и безхлопотности, то нам наградит сѣмейне счастіе. Уже в тѣм есть ве-ликое дѣло, что умѣеє свое бытіе придружити к другому, любленому, с которым дѣлимє счастіе и жаль житія, его не-успѣхи, успѣхи и несчастія; есть нравственна опора в том, что мы працюєє и борєєє не тѣлько про свои потребности, але и для счастія других. Потом дѣточи щебетанія спріємнат нам много часу, а праця для найчистшой цѣли спѣвучастѣ на великом дѣлѣ развитія людства, для блага и счастія будучих поколѣнѣвъ, нас внутренно задовольнит что наибѣльше, по-неже не лиш житіе, котре мы перєняли от своих родичѣвъ передаєє другим, своим дѣтям, але выпѣстуєє их, что найлѣпше, даєє им знаменитый грунт к будованю дальшого розвою людей, к достиженію чоловѣческих стремленій.

Подруж: Будьєє свѣдомѣ, что подруж есть один из най-важнѣйших наших чинѣвъ: тым можеєє дати грунт счастію цѣ-лого нашего житія, але можеєє его и знищити. Для того му-симєє рѣшатися на сєсь чин тѣлько по добром розмышленію. Без чого есть неможне счастіе в сѣмьѣ? Перше всего здо-ровля мужа и жѣнки, ибо часта ци постоянна хворѣсть в сѣмьѣ есть источником недовольства. Кромѣ того не смѣєєє

запам'ятати, що да котрѣ хоробы унаслѣдуют и дѣти, а се уже страшна отвѣтственность: приводить на свѣт существо с зародком смерті. Особенно небезпечно дружитися с членом сѣм'ѣ алкоголикѣв, сухотникѣв, або маючих хоробу венеричну. Тому да котрѣ лѣкарѣ стараються, абы закон позволяв дружитися тѣлько особам здоровым (евгеника). Подруж рѣднѣ (племянник с племянницею) мають за наслѣдок дегенерацію (упадок) роду. Крѣм требованій здоровья треба и согласія характерѣв и склонностей. Як бы мав один член подруж характер домашній, а другій гулящій, один пановачный, а другій свободу любящій, ци один бы любив красоту, а другій був жестокій, прудкій и безоглядний, один думав лем на добро, а другій на зло, то сесѣ характеры часто бы встрѣчались в мучительных сварках и непорозумѣнях, доходячих аж до преступленій.

Як буде с початку яке несогласіе, не тратьме надѣѣ. Можна много направити миром и спокойством, як много спортити можно сваркою. Мусиме пам'ятати, що сѣмейне счастье не находиме готове, але маеме его создати, створити.

Розвод е несчастіем, особенно для дѣтей. Може настати только с рѣшеніем суда. Розведена ци розлучена подруж може потом знову взятися, але только гражданским браком (цивильным). Така подруж може быти и мѣж особами разнѣ религіи, або и без религіи. Перед законом сесѣ брак ровный с малженством церковным, по котрому на пр. не може християнин повѣнчатися с жидовкою и под. Молода приносить да коли женихови придане. Як умре молода жѣнка до року без дѣтей, придане вертаеся еѣ родичам; по дальшѣм часѣ половина лишається мужови, половина дѣтям. Абы не было да яких спорѣв заключае жених с молодою малженскій договор у нотаря. Дуже нерозумно бы чинив, когда бы брав собѣ жену про еѣ маєток. Найлѣпшим „приданым“ е нѣжный характер, быстрый дух, господарнѣсть и працевитѣсть.

Воля родичѣв. Ненько и мати мають в сѣм'ѣ велику и отвѣтственну задачу. Добрый ненько стараеся печаливо о своих дѣтях. Он до них найнѣжнѣйшій, для него милѣ игры и забавки с дѣтьми, сладко их щебетаніе. Он не соромится анѣ дрѣбноѣ працѣ и коли бы мусѣв взяти утомлене дитя на плечи. Коли дѣти пѣдростають и наподобляють его, мае особенно позерати на свою рѣч, слова и привычки, абы им був добрым при-

мѣром. Не буде перед ними злый на матку, не осквернит, не понижует ю. Хотяй приходит утомленный с працѣ, не лѣнится подивитися на их школьнѣ задачи, охотно и терпѣливо выслушает их дробнѣ новотины, найде час, абы запитався на них и учителя. Своим примѣром воспитует в них порядочных людей и громадян, на старости радуется, что окружен есть благодарными и почтительными дѣтьми. Але каждый має быти свѣдомый, что только такіи ньенько має право на почтеніе и благодарность своих дѣтей, который не занедбав их.

Еще большу отвѣтственность має matka, которая есть першою учительскою своих дѣтей. Она удерживает их здоровля, а когда вырастут, развивает их душу, их нравственность.

Має быти тоже як слѣдуете ознакомлена, як поводитися, не для того абы была ученою, але абы ширила кругом себе добро. Має создати сѣмью так, абы ничего не было там жестокого и звѣрячого, абы всѣ дома были блаженѣ и домѣв поспѣхали. Будучность дѣтей наибольше зависла на мамѣ. Рѣдко, який великий ученый муж мав недобру матку, але недобрѣ матки не воспитали благородных людей. В сѣмьи середновѣковой отец быв так званою головою сѣмьи, жѣнка и дѣти были его рабы. Розвитіем мы пришли до рѣвноправности жены и так matka с ньеньком одинаково стараются о дѣтях, о их здоровью, пищи, одежи, ученіи и под. В порядочнѣ сѣмьи большого значенія може досягнути лиш той, кто мудрѣйшій. Мудрѣ родичи и с дѣтьми обращаются, як с будущими членами общества: ласкаво, достойно, нѣжно. Розумнѣ желанія выповняют, от нерозумных добрыми словами отрадят. А рѣдко, коли не перемае любовна рада, або отражуваня, приступают и до кары. Але если бы тѣ кары стали в семейству правилом, то мог бы суд отняти дѣтей от такого родителя.

• По 6. роцѣ родичи повиннѣ посылати дѣтей до школы, по 14. роцѣ дают их выучатися порядочному ремеслу, торговлѣ, або иному честному занятію. Хоть закон дає право, абы родители опредѣляли занятіе своих дѣтей, розумнѣ родичи не принуждают насильно дѣтей к противному для них занятію. Но дѣти при выборѣ занятія мали бы дбати знаня и опытности родичѣв. На 21. роцѣ дѣти стають повнолѣтними (повноправными): мають право на наслѣдство, могут свободно рѣшати о вѣнчанію и занятію, основывати самостоятельное подпріемство и под. В случаях особенных, суд має право вы-

голосити повнолѣтнѣсть и перед 21. роком, як и навпак (на примѣр у хоробомысленных) продовжити отцовску правомощь и через 21. рок.

Дѣти, потѣрѣвши ненька, або маму, суть сироты. До их повнолѣтія становят им опѣкуна (може быти и матка), который, як отец стараеся о их воспитаніи и дбае их наслѣдства. Если подружится оставшій родич знов, достане дѣтина отчима, ци ма чеху. Сесѣ бывають обычайно страхом для сирот. Але часом самѣ дѣти виноватѣ, коли наперед уже принимают нерѣдну мати, або ненька ворожо.

Да коли благородна подруж, особенно бездѣтна, принимае чужих дѣтей за властнѣ. Дѣтинѣ немалженски, поки легитимована, приналежит имя матери, (принята за собствену). Отношеніем в сѣмѣи и мѣж рѣднею запускаются перши корѣньки громадянства, общественности. Старшій брат утѣшае молодшого в его drobных неприя́тностях, охороняе его и защищае, роздѣляе его радость и печали, сердца их сростают взаимною любовью. Старша сестра бывае другим дѣтям як мала мати.

Для неѣ е радѣстею помагати меньшим, старатися за них, чесати их, одягати. Своим примѣром веде и их к доброй працѣ.

Много старших братѣв и сестер замѣнили собою умерших родителей и красно вели газдовство так, як бы того хотѣли тѣ, которым не было суждено дочекатися кѣнца своєї воспитательной задачи.

Отношеніе к челядникам, ци слугам. Если в семействѣ бывае слуга, ци яка помагаюча челядь, то мають дѣти поводитися к ним добре. Ганьба и подивитися, колы дѣти проходят коло наймита, ци челядника, як около бездушного предмета, ци коли дивлятся на него сверху, як на раба, ци коли посмѣхаются над ним. Добре воспитанѣ дѣти видят в челядѣ, як и в каждом живом чоловікові, своего ближняго.

Благотворительнѣ дома. Для сирѣт тепер устроюють взорцевѣ сиротски дома; для дѣтей, которым мама умерла по их рожденію, устроюють пріемнѣ дома, ци як им кажут, ясли; бѣднѣ жѣнки можут перед породом найти бережливе обхожденіе и помощь в родильных домах; матери, которѣ не можут доглядати за дитиною дають еѣ в день до захоронок. Але каждая мати тогды е счастлива, коли може свою дитину воспитувати сама. Новѣ, добре организо-

ванѣ штаты, стараются из чоловічності и собственных интересов, абы его населенность (популяція) не знижувалася, але помалу збольшалася. Разными способами стараются удержати молоде поколѣня здоровым. С тою цѣлею першим дѣлом стараются помагати найбільше, абы младенцам и родителькам оберегати их здоровья, а про хлопцѣв и дѣвчат до 13. року забороняют тяжку заработну працю.

Громада.

Понятіє. Рѣдко живут люди на самотѣ. Важнѣ обстоятельства примусили их, абы свои жилища строили около жилища собратѣв; с початку про лѣпшу защиту от дикого звѣря, ци помощи при пожарѣ и иных несчастіях, потѣм про удобства (абы было близко до ремесленника, ци крамаря, ци про легку справу дороги, освѣтленя и под.) и с потребы общественного житя. Из такого свободнаго содруженія да кѣлька сѣмей родилася громада.

По величинѣ и управѣ общаго житя роздѣляем громады на села, мѣстечка и города. Города мают найбільше разных прав. Споменеме для примѣру право назначенія дня торгу (на худобу, зерно, вырѣбки ремесленнѣ) и под.

Гражданин. Громадян роздѣляеме на домашних, своих людей, зайдѣв и чужинцѣв. Домашнѣ удобнѣ люди, не-маючи способности заробляти, про старость, або хоробу дѣстают помѣшь и догляд от своего села, зайды (пришельцѣ) в такѣм случаю посылаются до села, куда принадлежать, а если чинят да яки преступленія, то высылаются до своего села насильно. Але громады культурнѣ к такому безчоловѣчному чину не приступают. Абы каждый мав защиту мусит в да яки громадѣ дѣстати право жительства. Кто живе в однѣм селѣ 10 лѣт а не быв осужден, може требовати, абы село, ци город приняли его за своего члена. Личности публично працюючи, яко урядники, принадлежат до громады, где працюют. Дѣти принадлежат туды, куды напоследок принадлежав отец.

Людям, которы мают велику заслугу, даруют селяни, ци

горожани званіе честного гражданина своего села, хоть бы такой чоловікъ и не жив в честующем его осередку. Сесе велика честь, а про то мают надѣляти таким званіем то́лько в рѣдких случаях. Не то́лько честне гражданство мае почтити громадянина, але и он мае статися украшеніем села, ци города, которы его честуют.

Дѣла громады. Чинность общества, громады розлична. Доглядати и управляти вообщим маетком людей и хосновати ним для цѣлоѣ громады то есть главна работа. Удержаніе, в порядку громадянских домѡв, на примѣр школ и под. справляти мосты и дороги, старатися о освѣщенію улиц, проводить где можна, канализацію, дбати над чистотою улиц и домѡв, над безпечноsteю громадян и их маетку. Для того держит сельска управа полицайтѡв, ци дозорцѡв. Печуеся над безпомощными стариками и старухами, або над калѣками и сиротами. В да которых случаях управа выконуе штатнѣ дѣла, на примѣр сбирае податки, помагае при рекрутырцѣ и подобно.

Общественна управа. Для выконуваня всѣх дѣл громады выбирае она сама свое заступничество възглядно численности своего населенія.

До	200 жителѡв	9 членѡв
"	500	12 "
"	1000	15 "
"	1500	18 "
"	2000	24 "
"	5000	30 "
"	20000	36 "
"	50000	42 "
"	100000	48 "
больше	100000	60 "

Засѣдателем представительства общества и заступником его перед урядами и публичностею есть староста, в мѣрѣ потребности его замѣститель. Выборы таки мают силу с початку на 3 роки, а потѡм на 4.

Выборы. Грунтом для всѣх выборѡв служит так званѣ постояннѣ выборовы списки, которѣ поправляются 2 разы за рѡк (в юлію и децембрѣ). В ту пору выборовы списки на 14 днѣв вывѣшуются для публичного осмотренія. Если да

кто найдет, что он, або другій, правомочный выбирать, не находится в списке, ци в списке есть, кто не має выборного права, то може требовати, абы список був поправлений (рекламація).

Выборне право мають всѣ мужчины и жѣнки от 21. року, которѣ серед громады жили наименьше 3 мѣсяцѣ перед публикованіем списков. Збавенѣ выборного права всѣ кто: 1. по суду не має права распорядитися своим маетком; 2. чей маеток присужено продати с публичного торгу; 3. повинен дати справу о починаніях с общественным маетком, але не учинив сего; 4. був осужден на преступленіе, або проступок (при проступках через 1 рок уже має выборне право, при преступленіях через 3 р.); 5. кто находится в тюремѣ на принудительных работах. Выбирать може один выборчій тольоко на одном мѣстѣ. Партія, або группа, котора хоче кандидовать, має найпознѣйше 2 тыждни перед днем выборов предложить громадскому уряду подвійный кандидатный список, подписанный 10 — 100 выборцами (по численности населенія, при составленіи списка треба дбати законных установлень). Выбранѣ могут быти:

1. Кто має выборне право; 2. кто живе в мѣстѣ выборов хоть 1 рок; 3. кому довершилося 26 рокѣв вѣку; 4. кто точно не збавлен права выбирать. Членами общественной рады не могут быти 1. подруж; 2. родители и дѣти; 3. тесть (теща) с зятем (невѣсткою); 4. дѣти одного ненька. По приведенію всѣх предписанных формальностей, наименьше 8 днѣв перед выборами, староста вывѣсит всѣ кандидатны списки и розмножит их на одинаковѣм паперѣ одинакими буквами. Каждый выбирающій мусит наименьше 3 дни перед выборами дѣстати кандидатны списки, а в громадах больше як 1000 жителѣв и листок легитимачный. Если предложен був тольоко 1 кандидатный список, то предложенѣ считаются выбранными и выборы отпадают. То саме, если всѣ партіи предложили такое число кандидатѣв, скѣлько має выбиратися членѣв.

Выборы выполняются в недѣлю. В сесь день и день перед ним запрещается продавати спиртовы напитки. Выборами управляет комиси́я, котору назначает надзирающій уряд по одном представителю от каждой кандидующей группы (на еѣ предложеніе) и по одному замѣстителю. В громадах больше

10000 члены. выборноѣ комисіи не могутъ быти кандидатами. На предложеніе выборныхъ частей муситъ комисія припустить изъ каждой части 3 выборщикѡвъ, яко довѣренныхъ, которѣ могутъ контролювати, якъ выборне право, такъ и личность выборщика. О выборахъ записуеся протоколъ, который на концѣ подпишутъ всѣ члены комисіи.

Каждый выборщикъ муситъ свое право выконати лично. Отъ повинности выборовъ освобождается: 1. лѣкаръ; 2. особы по надъ 70 лѣтъ; 3. хворѣ, которѣ не могутъ ходити; 4. кто въ дорожѣ и подобно. Каждый выборщикъ має въ кувертѣ, котрый дѡстанетъ отъ выборовой комисіи, дати до скровищницѣ только одинъ кандидатный списокъ, въ которѡмъ анѣ перечеркувати, анѣ перемѣщати имена не смѣе. Требовати отъ выборщика, абы выбиравъ такъ, ци сякъ, або подписувати ему списки есть карно.

По скѡнченію выборчого часу выборче помѣщеніе запирается и комисія выконаетъ сочитаніе голосѡвъ (скрутиній). Каждѣ части выборщикѡвъ почислится стѡлько кандидатѡвъ, скѡлько на ню припаднеть выборчихъ листкѡвъ для неѣ поданныхъ, изъ цѣлого числа членѡвъ заступительства (пропорціональное представительство).

Въ громадахъ меньшихъ якъ 700 душъ, або въ да которыхъ мѣстахъ до 1000 душъ выбираютъ по прямой бѡльшости голосѡвъ, если проти такимъ релятивнымъ выборамъ не протестуетъ десята часть выборщикѡвъ. Коли выбираеся релятивно, то выбранѣ будутъ всѣ кандидаты тоѣ группы, котра дѡстала наибѡльше голосѡвъ. Если число голосѡвъ рѡвне, то рѣшаеся жеребомъ. Кандидаты списку, слѣдующѣ за выбранными будутъ замѣстителами, котрѣ замѣщаютъ членѡвъ громадского представительства свои группы, при случаю, когда выбранѣ не могутъ временно своего уряду выконувати, або коли покинутъ свое мѣсто въ управѣ. Замѣстительѣ занимаютъ мѣсто выбранныхъ въ томъ порядку, въ которѡмъ были въ кандидатномъ списку.

До 8 днѣвъ може каждый выборщикъ подати до общественного (сельского ци городского) уряду письменный протестъ противъ выбранныхъ. Сесѣ протесты розбираетъ политичный урядъ другоѣ инстанціи. Если до 8 днѣвъ не было подано протесту, то выборы считаются правомочными. Споры о выборахъ случайностяхъ (жалобы на несправедливе рѣшеніе ре-

кламацій, виборів до Народного Собрания и окружных представительств и подобное) рѣшае особый выборный суд.

Найдалѣ через 8 днѣв скликае доглядаючій уряд членов нового выбраного заступительства для выборов старосты, намѣстников старосты и горожанскоѣ рады. Число членов рады (считаючи в то старосту и намѣстников) чинит третину из числа членов громадского заступительства. Члены сложивши присягу на першом собраніи при предсѣдательствѣ найстаршого члена выбирают мѣж собою старосту, намѣстников и членов рады.

Абы выборы мали законну силу треба присутности бѣльше половины всѣх членов. Для подробного розрѣшенія дневных вопросов устанавливается комисія, в которѣ могут засѣдати и знаяцѣ — спеціалисты, члены громадского заступительства. К общественным, громадским выборам каждый выборщик приступает с почестею и важностею, знаячи наперед велику свою отвѣтственность. Приглянься передовсѣм до житія тых, которѣ могут быти выбранѣ до заступительства. Мусят они быти людьми честными и справедливыми, свѣдомыми и вѣрными громадѣ и штату, освѣдченѣ, и добре знаячи потребности громады.

Кто свои особистѣ дѣла ведо плохо, як може управу громады вести к добру? Кто не додержуе слова: есть льстивый, не певный в словах и рѣшеніях, як може пользоваться довѣріем общества? Кто хоче своего впливу серед людей выхоснувати для своих дѣтей, або рѣднѣ (**непотизм**), або для своего обогащенія на рахунки общества (**корупція**), сесь бы бы подлым защитником интересов громады. Дѣятельность члена громадского представительства мае служити тѣлько на хосен громадѣ и народу. Нич не смѣе чинитися тайно, але так абы могли люди, коли захотят, сконтрольовати роботу выбранного своего довѣренника. Нѣкто не мае позерати на громадскій маеток, як на дойну корову, понеже каждая и маленька шкода общества есть рѣвнож и наша (моя, твоя, его) шкода. В порядочном селѣ, ци городѣ, где добра управа, есть для всѣх граждан житіе милое и всѣм пріятне. И распорядженія общественной управы стараются дати гражданам того пріятного, что наибѣльше. В селѣ с безпорядочною управою не мают люде нѣякоѣ радости и не почувають себе безпечными перед крадежею, пожаром, хворобами и под. Живот отравляется постоянными сварками, один другому шкодит и верховодят всѣм тѣ

найгѣрши. Про то каждый способный к добрым дѣлам мусит старатися: абы в его селѣ побѣдило право, порядок, справедливость и добро.

Самоуправленіе. Право, которе закон дае людям, абы сами управляли общественными дѣлами (самоуправленіе) есть грунтом новѣйшого народоуправленія (демократіи) и показателем политичноѣ зрѣлости громадян. Самоуправленіе мають граждани стерегти, як око в головѣ и старатися, абы было найдоскональнѣйше. Если зробит ошибку самоуправа и зло, котре из того зродилося, погрозит цѣлому селу (ци городу), то мусит доглядающій уряд учинити кроки для направленія злых дѣл, змѣстити (суспендовати) общественне представительство а на мѣсто него поставити управну комисію.

Сим самым село дается пѣд опѣку, як чоловѣк, который роскидае свѣй маєток и не умѣе держатися розуму. Така опѣка — ганьба для громады и громадян ибо каже пословиця: Яки люди, таке и село.

Грошевѣ выдатки. Для порядочного выконуваня своих повинностей громада потребуе гроши. Дѣстае их: 1. доходом с сельского маєтку и с господарских пѣдприємств села (города), электричной станціи, электричных дорѣг, похоронных урядѣв и подобное; 2. придатками до податкѣв штатных, позволенных законом; 3. разными даңями (с пива, с горѣвки, с пѣсѣв, с танцѣв, забав и под.). На тѣм, як загнати гроши до кассы, абы не тягнути с бѣднѣйших и не вызвати у них недовольства, покажеся розум, ци не розумность громадского представительства. В тѣм, як дбае над просвѣщеніем народа и обогащае культурно село, укажеся душевна глубина каждого из членѣв сельской управы.

Добрѣ хоть и малѣ школы будут лѣпшою заслугою представительства, чим величавѣ шинкарнѣ и вынярнѣ; сиротчинцѣ, воспитательнѣ дома, захоронки для дѣтей, больницѣ суть лѣпшим лѣкарством общественных хорѣб, чим криминалы.

Держава.

Понятіє. Не тільки великій кусок свѣта опредѣлений границями есть держава, але и все населеніє в нѣ живучое и разумно zorganizоване для внутрєнноѣ управы и для обороны от внѣшного непріятеля.

Виды держав. Каждая держава мае певну форму, правленія. По тому, кто штатными желаніями управляє и управу выконує, рѣшаєме форму, ци устрѣй державы. За давных часѣвъ штатом управляв наслѣдственный владарь по своему властному желанію (называлося то „по милости Божой“). Такѣй штат называли абсолютною монархією. Владарь быв неограниченным паном и французскій король Людовик 14. мѣг истинно сказати гордо: „держава — то я есьм“. Державы новѣйшой поры управляются законами, которѣ зазначуют грунт штатного управления и дают певный кѣстяк, который мы зове́ме конституцією. Конститучною державою называєме: конститучну монархію, если владарь есть наслѣдственный и републикою, если головою державы есть гражданин, выбранный на нѣсколько лѣт. Сесь мае управляти на закладѣ законѣвъ, принятых посредництвом заступникѣвъ, цѣлым народом, всѣми гражданами, которѣ могли бы перемѣнити Людви́кови слова на: „Держава то есьме мы!“ В републицѣ чесько-словєнскоѣ „народ е единый источник всей державной силы“ (§ I. чеськ. конституціи).

Чехословацка република повстала 28. октября 1918. р. безкровным переворотом. Сесь день — свято освобожденія, ци народный праздник.

Недѣлимою частею чехословацкоѣ републики е Пѣдкарпатска Русь. Пѣдкарпатска Русь мае найширше право автономіи. Еѣ сойм, рѣшає: вопросы языка, науки, религіи, краєвоѣ управы, як и други дѣла, которѣ возложат на него законы чехословацкоѣ републики.

Управляє Пѣдкарпатскою Русією губернатор, назначенный президентом републики.

Задачи державы. Держава выконує управу трома спѣсѣбами: 1) выдає законы, (сила законодарна, легислатива); 2) жадає, абы граждане дѣбали законѣвъ (сила правна, юдикатура); 3) проводит законы на практицѣ (сила выконна, езекутивна).

Законы. Закон се установленьє для забезпеченя порядка и хосну державы, для упорядкованя живота граждан и их розвитія. Не для того уважаеме законы, что их маеме, але для того, что живот и маеток мают велику цѣну и треба их законом охраняти.

Розпознаем два виды законѡв: законы политичнѣ, которѣ установлюют права людей в штатѣ и законы цивильнѣ, установляючи отношенія людей меж собою.

Для цѣлоѣ чехословацкоѣ республики мае законодательну силу Народне Собранье (Народнѣ Сгромажденѣ), складаючєся из двух палат. Палата послѡв (300 членѡв) и сенат (150 членѡв).

Выбираеся так само, як во сельске самоуправленіе. Выбирати послѡв и сенаторѡв мают право всѣ граждане, жѡнки и мужчины, от 21 року (до сенату от 26 р.). Выбранный може быти каждый (кажда) не моложе 30 рокѡв (до сенату 45 лѣт). Доба на котору выбираеся посол е для палаты послѡв 6 лѣт (для сенату 8 лѣт). Про выборы до Народного Собранія цѣла наша республика роздѣлена на выборчи краи. В каждом выбираеся предписаное число послѡв и сенаторѡв.

Парламент. Працю палаты послѡв и сената веде выбранный засѣдатель и намѣстники. Они подрѡбно выпрацюют способ веденья дѣл в палатах и дневный порядок, который палата мае одобрити сама. Законы для одобренья може предлагати каждый посол, каждая палата и правительство. Обыкновенно таки предложенія законѡв даются отповѣдными комитетами, до которых политичнѣ партіи мают выслати своих найлѣпших знатокѡв, спеціалистѡв тому, что там в комитетах иде головна законодательна праця. Там закон подрѡбно переглянут, поправлят, а потѡм, выбранный комитетом референт об'явит его на пленарном (повном) собраніи палаты. Голосуют або без бесѣды (обмѣна думок), або, як то часто бывае, по розмовѣ референта начинаеся бесѣда (дискусія) по вопросу закона, и каждый може высказувати „за“, або „против“ принятія закона, и желанье змѣн. Если да котра партія хоче знеможнити одобрєніе непрятного для неѣ закона, то уперто всякими способами продовжує бесѣду для непринятія закона (опозиція). Парламент, желающій приносить хосєнь из працѣ, мусит учинити невозможным, абы меньшѡсть могла постоянно, лѣтами, калѣчити кажде его дѣло.

По скѣнченію бесѣды голосується, обыкновенно, встава-
нямъ тыхъ, кто законъ принимае. Бѣльшѣсть значитъ принятіе.
Если голосованіе дуже важне, то можна предложити голосо-
вати по-именно. Для об'явленія вѣйны, для змѣны конститу-
ції и еѣ частей нужно бѣльшости $\frac{3}{5}$. Каждый законъ приня-
тый палатою послѣвъ дається на розсмотрѣнья сенату, а если
и сенатъ прійме законъ, то сесь уже даютъ президентови для
конечного одобренія (санкціи). Только законъ, пѣдписанный
президентомъ и министрами для гражданъ правосильный естъ.

Если палата отказалася одобрити законъ правительства
то оно (всѣ министры одноголосно) може требовати, абы
голосованіе народу рѣшило, ци мае спорне предложеніе быти
закономъ. В ту пору, коли народне собраніе роспущено, або
засѣданія его скѣнчены, або отсунутѣ на пѣзнѣйше время,
тогда всѣ неотложнѣ роспоряженія и доглядъ надъ правитель-
ствомъ выконуе 24 членный комитетъ (16 членѣвъ Народного
Собранія и 8 з сенату).

Рѣшенія сего комитету мають силу закона, але Народное
Собраніе муситъ одобрити ихъ найдалѣ черезъ 2 мѣсяцѣ по со-
бранію. Сесь комитетъ не мае права: 1. выбирати президента
2. змѣняти конституцію, 3. предписувати постояннѣ грошевѣ
данѣ, 4. давати согласіе на об'явленіе вѣйны. Посолъ мае
право чинити вопросы (интерпелляції) до правительства, або
до окремыхъ министрѣвъ, если про таку интерпелляцію до-
стане хоть 20 пѣдписѣвъ другихъ послѣвъ. Предсѣдатель мини-
стрѣвъ и министры повиннѣ отповѣдати на интерпелляції. Грун-
товымъ и найважнѣйшимъ правомъ посла е имунита, забезпе-
ченіе его свободы, безкарно в парламентѣ и на собраніяхъ
говорити ѡ законахъ и правительствѣ, критикувати ихъ. За свои
голосованія в комитетахъ, або в парламентѣ передъ закономъ
не отвѣчае. Отповѣдати може тѣлько передъ дисциплинар-
нымъ судомъ парламенту (предсѣдатель призываетъ его „до по-
рядку“, до трехъ разѣвъ, потѣмъ не платятъ ему за даяку добу
жалованіе). Для преслѣдованія его по законнамъ треба согла-
сія палаты.

За посла може каждая партія кандидовати (назначати)
тѣлько осѣбъ найлѣпшого характеру и способностей. Мають
быти найпросвѣщеннѣйши и опытнѣ, которѣ бы могли поняти
каждое дѣло, предложене имъ на рѣшеніе. Каждая партія мае
в своимъ властномъ интересѣ старатися, абы назначила знаю-

щих, от всѣх спеціальностей людскоѣ працѣ и живота, по-неже задачи парламента суть дуже сложнѣ и запутанѣ, дотыкаются всѣх частей живота и тольо люде досвѣднѣ, розумнѣ и быстрѣ можут сформовати цѣнне дѣло, из безпорядочно розкиданого матеріялу. Для того треба людей чистого характера, благородных душ, которѣ бы на свою законодарную задачу позерали с точки общественногo хоснованя и добра, чинили все для блага цѣлого народа и штата державы а не для цѣлей особ и окремых людей.

Формы политической жизни. Если посол приходит к людям, которѣ его выбирают, то мусит добре поняти свою велику отповѣдность и строгу повинность: отповѣдность, абы не знѣвичив легковѣрности простодушных выборщикѣв и повинность научати тых, которѣ хотят познати добро. Кто не шануе простоту слушателей, его выбирающих и роздрочуе их недобрѣ чувства, сесь демагог, чоловѣк, который за каждую цѣну для своих цѣлей хотѣв бы баламутити народ. Демагог, як и фанатик, (чоловѣк, идучій слѣпо и безоглядно за своєю хотѣ и дурною думкою), оба обществу шкѣдливы. Въ политичном житію мусиме все чинити с розумом и не позволити, абы побѣждало лишь чувство.

Насильне принужденіе меньшости (террор), абы бѣльшѣсть приняла еѣ рѣшеніе, мусиме не позволяти. Терпѣти и честувати думки другого в политичном житію, маеме так, як и во всѣм, хотѣ бы и не соглашалисьмея с тыми думками. Розумѣся, что не маеме позволяти, абы застанцѣ старых порядкѣв робили, что хотѣли. Як все на свѣтѣ постоянно розвиваеся, так полѣпшаються и мѣняются отношенія мѣж гражданами (еволуція) и треба законы управляти с духом времени, розвою (прогреса). В рѣдких случаях, коли народ не може дочекатися спокойного розрѣшенія (реформы) своих желаній, настае революція, желаніе досягнути тих реформ при помощи насильства. Але зѣм ту революцію можна оправдати, котора принесе народу счастье и лучшій живот.

Послушность до законов. Не доста мати добрѣ законы. треба их тоже выповняти. Порядочный гражданин послушен законам: абы пѣддержати безпечность гражданских прав, матеріяльного и духовного маетку людей. Незнаніе законѣв не може быти и не е оправданіем для преступника, ибо каждый закон публикуется так, что всѣ его можут знати.

Недбаня законѣв переходит в безпорядок, нищеня слабых сильными и ставит чоловѣка на рѣвень со звѣрями. Цѣль чоловѣка есть „вперед“, а не „назад“, к „добру“, а не к „злому“!

Реакція (повернення до старого). Недбанье законѣв стаея источником реакції, помагае людям, которѣ хотѣли бы вернути права угнѣгенья слабых и с того хоснувати. Наша держава молода, бѣльшѣсть еѣ граждан любит свободу, але внутреннѣ и зовнѣшнѣ непріятелѣ чекают на случай, абы ю знищити. Як будеме дбати законѣв, то не зможут сесѣ вороги нас знищити. Легко свободу потеряти, але тяжко ю знову здобути!

Герб чеськословенскоѣ республики то лев во скоку с двома хвостами, серебряный с золотою короною, золотым языком и золотыми когтями в червонѣм полѣ.

Державный прапор есть бѣло червоный с синим клином вершком от шоста до середины.

Президент.

Ктож мае панувати над владарем?
Закон сесѣ пан всѣх!

Его выповненія. Представителем республики, або, як кажут, еѣ голова есть президент.

Президент в Чехословацкой республицѣ:

1. представляе штат за границею. Установлюе и одобряе (ратификуе) мѣждународнѣ договоры, торговельнѣ договоры и тѣ, из которых значат для штату, або граждан будучи податки; важны договоры особенно договоры вѣйсковѣ, которыми мѣняея цѣла держава потребуют согласія Народного Собранія.

2. Принимает и повѣрюе послѣв, заступникѣв у чужих держав.

3. Проголошуе военне положеніе, обѣявляет с согласія Народного Собранія вѣйну и предлагае ему для одобренія заключенный мирный договор.

4. Скликае, откладае и роспускае Народне Собраніе.

5. Мае право вертати принятѣ законы на нове розсмотреніе, або пѣдписуе их.

6. Подає Народному Собранію устно, або письменно сообщеніє о положенію республики и о дѣлах, которѣ находит потребными и хосенными.

7. Назначає и смѣщає министрѣвъ и становит число их.

8. Назначає професорѣвъ для высокихъ школъ, судѣвъ, штатныхъ урядникѣвъ и офицерѣвъ от 6. ранги починаючи.

9. Назначає дары и пенсіи на предложеніє правительства

10. Есть верховнымъ вождемъ всеѣ войсковоѣ силы.

11. Дає милѣсть, амнестию преступникамъ.

За дѣла свои не ѡтповѣдный и судимый може быти только за измѣну державѣ.

Выбѣръ президента. Выбирає его Народне Собраніє на 7 лѣтъ. Выбранный мусит быти гражданиномъ чехословенской республики, мающимъ право быти выбраннымъ до Народного Собранія.

Выборы конаются послѣднихъ 4 недѣлѣ передъ концемъ правленія урядующаго президента. Нѣкто не може быти выбранный болѣе якъ два раза. Кто бывъ два періоды, за собою слѣдующи, президентомъ, може быти выбранный зновъ ажъ по истеченію 7 лѣтъ отъ часу послѣднаго своего урядованія.

Треба, абы при выборахъ президента было присутно болѣе половины цѣлаго числа членѣвъ обохъ палатъ (Народного Собранія и Сената) и выбранный той, кто дѣстаетъ три пятыхъ части всѣхъ голосѣвъ. Если выборы не привели до цѣли, то выконуєся выбѣръ межъ тыми кандидатами, которѣ достали наиболѣе голосѣвъ. При одинаковости голосѣвъ рѣшаєся жеребомъ. Если президентъ умре або откажєся отъ своего уряду въ выборѣвъ пору, то до истеченія 14 днѣвъ выбираєся новый президентъ на дальшихъ 7 лѣтъ. Доки новый президентъ не выбранный, ци есть хорый, або занятый, такъ что не може урядовати, принадлежитъ его працю выконувати правительству (министрамъ).

Если такє положеніє продовжуется болѣе 6 мѣсяцѣвъ и, если рѣшитъ то правительство, то Народне Собраніє выбирає намѣстника президента на часъ поки перешкода не помине.

Выбранный президентъ присягає Народному Собранію своею честію и совѣстію, что буде дбати блага республики и народу и шанувати законы державы.

Правительство — администрація.

Демократія значит не владычество, але працю для завоеванія справедливости

Правительства. Есть три главных формы правительства

1. Деспотизм, форма правленія котора, к счастью уже поминула во всѣх цивилизованных краях и згадуеме ю тільки для повноты.

Было то панованя одного чоловѣка над всѣми. Деспот мав всѣ права над піддаными, а сесѣ підданѣ не мали нѣякоѣ свободы. Каждое желаніе чоловѣчности, было строго карано. Исторія панованя деспотѣв писана кровью их подданных.

2. Аристократизм, (олигархія). Так называют панованя одного сословія: военного, ци шляхтичного, ци церковных мужѣв, ци прѣсто богачѣв, або и так звану диктатуру того ци другого виду. В такѣм правительствѣ мае да кѣлько людей превелику силу. Для свои думки, або и власного хосну, угнетают граждан, выхоснуюют, лишь бы себе удовлетворити, свою касту.

3. Демократія. При такѣм правленію рѣшаючу силу мае весь народ посрединством своих представителѣв. Сесѣ способ правленія желают всѣ розвитѣ народы. Найновѣйше здѣйсненя демократичных основаній есть в републицѣ, где все правленіе без вынѣтку держит народ, выконуючій правленіе через своих выборных. Таке правительство есть правленіем народа, народом и для народа.

И демократичне правительство провождают да котрѣ зла. Одно из них підозрѣлость. Правда не было бы добре, если бы сѣме слѣпо всѣм довѣряли, которѣ хотят дѣстати довѣріе народа. Але не глядайте в каждѣм выбранѣм дораз тільки нечестнѣсть або чтось подобне, судѣме справедливо, по заслугам и заохочуйме добрых представителѣв к дальшому выконуваню добрых дѣл. Тым не отказуемесе от критизованя але варуемесе кривды, ибо несправедлива моральна кривда, то найстрашнѣйшій удар для публичного робѣтника, ослабляе вѣру в законы и порядок в штатѣ, підтинае саме житіе державы.

Задачи правительства. Повиннѣсть порядочного правительства есть двох сортѣв: помагати и защищати.

Як провадити штатну працю ? Ци мае правительство быти то́лько сторожом гражданскаго порядка, житія и блага окре-
мых людей, нѣколи не мѣшатися до господарскаго развитія,
не помагати слабым и не класти границъ для сильных ? Ци
мае штат господарювати всею землею, господарским наря-
дям, машинами, фабриками и роздѣляти для всѣх животнѣ
потребы, отповѣднѣ до выконаной працѣ ?

Ци мае вмѣшуватися до общественных умовин житя,
ровняти споры, забезпечувати на всякій спосѣб робѣтника
при его заробѣтку, добробуту, силѣ ? Ци учинит дома, землѣ,
копальнѣ, заводы, науки, маетком всѣх лѣсдей ? То все мае
рѣшати правительство. И рѣшеніе каждого из поставленных
вопросѣвъ есть претяжкое.

Друга задача есть ограниченіе. Нѣкто не буде против
того, абы была организована борьба с преступленіями. И każde
правительство стараеся при помощи образованія знеможнити
преступленія и, наказаніями преступникѣвъ, застрашити других
перед наподѣблюваніем, як и самого преступника направити
и привести на добру дорогу.

Администрація. Всѣ сесѣ задачи выповняе цѣла сѣть
урядѣвъ, установленных для того, абы каждый выконував опре-
дѣлену часть безмѣрно тяжких задач правительства на цѣлѣм
пространствѣ державы для всѣх граждан. Сесѣ уряды суть :

1. Министры.
2. Уряды им подчиненѣ.

Цѣлу сѣть управленія называеми администраціею.

Для бытія штату нема нич так шкѣдливого, як обще-
ственный безпорядок и непочитаніе законѣвъ. Абы не наступив
общественный безпорядок мают быти порядочны и певны
законы, а абы в души гражданина не загнѣздилося непо-
читаніе законѣвъ о том стараеся административа.

Каже правительство мусит дбати, абы граждане чувство-
вали себе свободными и счастливыми, абы пересвѣдчались,
что штат помагае им в житію и улегчае его, абы радѣстно
пѣдчинялися всѣм требованіям свои державы.

Уряды мусят сего дбати. Мусят точно, але без протягу
рѣшати дѣла каждого чоловѣка, без огляду на то, кто он
есть. Уряд в першѣм ряду мусит выповняти закон и урядник
не мае быти чоловѣком партіи, але воплощеною справедли-

востію. Слово „Урядно“ муси значити „найвѣрнѣйше“. Уряды нашого штату мають бути чистими, непокверненими, певними и справедливыми. Штат и всѣ его установленія важны для всѣх граждан без вынятку.

Школьство.

Побѣждалисьме бѣльше силою духа, а не тѣла, а побѣждены были по причинѣ недостатку духовной живости, нравственной выдержки и смѣлости.

Ф. Палацкій.

Цѣна ученія. Незнаніе, темнота—найбольше зло чоловіка. Несвѣдомый чоловік легко поддається повѣр'ю, стається корыстею разных мошенників, его невѣдомости бывают найлѣпшим розсадником рабства, чинят его неспосѣбным, калѣчат и его властне тѣло и его дѣла, и задержуют благороднѣ стремлѣнія других. Интелигентный (розумный) труженик виконує каждую роботу лѣпше и с бѣльшим успѣхом. Не достаточно умѣти читати, треба сего умѣнія в широком смыслѣ уживати, абы чтеніем обогатилисьме свою душу, оживили свои сужденія, росширили свои мѣркованія о свѣтѣ. Опыт нас учит, что днесь народы побѣждают главно силою духа. Видиме, як краины, колись цвѣтучи, обращались в пустыню, як тѣлько занедбалося в них просвѣщеніе (Мессопотамія), а на другой сторонѣ, як с пустынь людске усиліе и розум создали настоящій рай. Познаеме, як культурнѣ народы, которых знишив варварскій непріятель, завѣщали чоловічеству вдячнѣ и благороднѣ дѣла свои образованости, тогда, як их угнетателѣ лишили нам тѣлько свое страшне имя и ужас от их пустошенія. Все можна знищити, лем не духовный, не нравственный маєток. Когда чоловік умирає, все, что есть дѣлом его натуры, заникає с ним, кром науки, из которой потом народы почерпают свѣй хосень. Знаніе то есть найсильнѣйше оружіе!

Для того добра книжка и новинка нехай будут постоянными вашими руководителями в дорозѣ и собесѣдниками в тишинѣ семейственного житя.

Школы. Грунту всеобщаго просвѣщенія достається дѣдям в народных школах (наименше пять лѣтъ) и горожанских (еще три роки).

До высших школъ подготавлие середна школа: реальне училище для техничнаго образованія, гимназія для университету. Из женских школ средношкольным училищем есть лицей. Особеннаго образованія для разных занятій достають дѣти (крѣм университету и техник) в специальных школах: торговельных, промышленных, господарских, лѣсных, солодобницких, музыкальных (консерваторія) малярских и скульптурских (ваятельских) академій, института для образованія учителей и учительниц и под. О народных школах печується мѣсцева школьна рада, в округу—окружна школьна рада. Верховное руководство и догляд на ученіе и воспитаніе принадлежит правительству.

Внѣшкольное образованіе. Абы подоймити просвѣщеніе молодежи, котора уже не нашивуе школу, устроются курсы. При министерству есть особый отдѣл народного воспитанія, который о сѣм старається и о дѣлах художественных.

Важный крок для поширенія образованія учинило Народне Собраніе в Празѣ, принявши закон о повинности сел основывати общественны библіотеки.

Повиннѣсть ходити до школы. Абы всѣ граждани достали образованіе, есть посѣщеніе народной школы приказано законом. Повиннѣсть ходити до школы начинается по окончанію 6 рокѣв и кончается 14 роком житя. Кто без важной причины своих дѣтей не посылает до школы, той може быти покаранный покутою и арештом.

Есть то порушенія гражданской свободы, але каждый мусит с тым согласитися, понеже для каждого ясны хосенность и добро повиннаго просвѣщенія. Про то свѣдомѣ и порядочнѣе граждани посылають своих дѣтей до школы и без примусу.

Заведенія школ. Порядочно держава знае, что найлѣпшій хосен и богатства буде мати из добрых школ. Школа не дае процентѣв числовых и матеріальных, але дае бѣльше: способность творчой працѣ.

По закону мае быти школа всюду там, где на просторѣ

4 километрѣвъ есть хотѣ 40 дѣтей в школьнѣм возрастѣ. Справедливѣсть требуе, абы дѣти посылалися до школ своего народа, а не чужих. Руска дитина до русской школы, а не до мадьярской, понеже на чужѣ школѣ душа дитины портится и розвитіе дитины, еѣ духовный рѣст, за, держуется.

Закладати приватнѣ, частнѣ, воспитательнѣ, ци учебнѣ школы в границях закона есть позволительно.

Заслуги и задачи школы. Добрым дѣлом школы на вѣки буде то, что умѣла, скѣлько могла удержати искру любви до своего народа и под гнетом насильственной, непріятельской руки. Теперѣ школа мусит приготовить молодѣжь для нашей народной духовной арміи. Наша школа не буде однобока, не забуде при науцѣ и воспитанію и того, что пыльне чтеніе добрых книжок и ознакомленіе с художеством облагораживает не лем сердце, але укрѣпляет нашу способность видѣти все духовными очами и правильно рѣшати сложны вопросы державного живота.

Соціальна опѣка.

...и сказав пророк бунтующимся толпамъ: „Мы пришли из иншакого царства. Там Одинаковы законы для всѣхъ, там одинаково молітся всѣ созданія и всѣ дороги благословеннѣ свободным радостным житіемъ; там для всѣхъ Солнце одинаково тепло, сильне и ласковое.“ *А. Сова.*

Значеніе общества. Люде добровѣльно сдружилися в общества, абы лѣпше и легче защищатися ѣт непріятелей, помогати собѣ взаимно при охотѣ слову и других починаніях где рука одного слаба, а тоже, абы закрепить певно за собою выслѣдок працѣ. Нарѣвнѣ с сею матеріальною взаимностію розвивалася и взаимнѣсть душевна: люди дѣлилися своими радѣстями и горем, счастіем и страстями и таким истинно соціальным (общественным) чувством превышает людске общество интересовы сдруженія, в яких живут и да котрѣ звѣрята (газель, многи птицѣ и под.). Чоловѣкъ пови-

нен и дальше облагорожовати содружности людей, желати высших форм житія. Его культурне преимущество залежит в том, что стремится облагородити кругом себе все: растенія, звѣрята и... себе. Мусиме всѣгда памятити на исту потребнѣсть общественной взаимности (солидарности) и постоянного самоусовершенства и облагороженя общества.

Житіе серед общества принуждае нас до многих оглядѣвъ, ограничуе нашу свободу, не позволяе абсолютной вѣльности, бере от нас часть плодѣвъ нашего труда, але много бѣльше от него хоснуеме: в обществѣ себе чувствуеме безпечными, не боимся за свой маєток, общество нам указуе высшу цѣль жизни, чинит для нас возможными душевны и художественны радости и дѣлае нас участниками всего созданія рук чоловѣческих. Общественна взаимнѣсть есть главна пружина людского преуспѣянія. Из потребностей общества выросли нравственности и законы, которѣ с животом общества согласуются не розлучно.

Общество дике и цивилизоване. Первобытне дике содруженіе вызначовалося як матеріальною бѣдностею: почва (рѣля) была тверда и не оброблена, не было дорог, одежда и жилище недбалѣ; так и душевною худобностю, нравственным упадком: не просвѣщена душа не могла быти источником благородной радости; источником права была сила, побѣжденный ставався рабом побѣдителя, праця была тяжким ярмом, которе сильный накладав на слабшого. Як далеко от того содруженія нынѣшне цивилизоване общество! Непрестанною роботою удалося пѣднати житіе ко пріятнѣйшому благобыту, который мы, в постоянном полѣпшенью нашим сопричиненіем передаеме своим наслѣдникам для блага будущих поколѣнь. Усилія своего духу звертаеме на совершенство житья и на его приращеніе, облагороженіе, открываючи источники чистых удовольствій и благородных радостей; працю понимаеме, яко природный и добрый закон для всѣх, рабство ѳстранюеме яко найганебнѣйшу кривду, и свои законы закладаеме на идеалах права и свободы.

Усилія совершенствованія. А прецѣнь нас то все не вдовольняе! Видиме да которѣ несправедливости, нерѣвности в обществѣ, и они больно колят наше сердце. Глядаеме причины того и мѣркуеме о средствах загоеня, устраненія той сер-

дечной болести, хочеме приготувити цѣлому людству, и каждому одинокому чоловікови, истинне и безспорне благо.

Видиме причинену нашою недбалостю бѣду и стремиме утѣшити страданія, лякаемся нравственного упадку и стараемся его безнравственностію побѣдити добром.

Познаеме, як велика то задача по — над силы чоловіка, на око невыповнительна. Видиме, что сесю задачу не можеме всю выповнити, але прецѣнь не сложиме рук до колѣн, але побѣждаеме перешкоды безпрестанным стараніем и идеме крок за кроком ко красной цѣли: пѣдоймити общество на истинный путь радости и счастья для всѣх. Глядаючи в чоловікови его душу, находиме своих помощников, и главный из них есть чувство милосердія и порозумѣнія справедливости. Милосердіе глубоко вкорѣнилось в душу чоловіка, и потому есть основою всѣх людских благородных починаній. Жадаючи справедливостъ для себе, познаеме своим простым, здоровым сужденіем, что одинаково мусиме хотѣти свободу и право для другого, а чого собѣ желаеме, желейме и ближному каждому. Краснѣ кличи революціи: рѣвность и братство стремиме воплотити в дѣло, ибо искренности нашей души противно пустое пустословье.

Взаимность всѣх. Чоловік с чоловіком спутан тысячами невидимых духовных пут, нравственных, ци тѣлесных, и не тѣлько с чоловіком нынѣшным, але и с людьми древними и будущими. Ся взаимность то — один из наибѣльших законѣв нравственных, которыми руководствовалося (хоть того и не знало) людство во всѣ времена.

а) Взаимнѣсть тѣлесна. Таинство закона наслѣдственности нам откывае, як людски уды зависят один от другого. Як мы наслѣдовали от предков подобу, наклонности и хоробы, або сопротивленія нашего организму всему, так и нашим потомкам передаем хоробы и недостатки свои. Да колько поколѣнь мусит страдати за наши пороки нашими хоробами. Се велика отвѣтственность!

б) Взаимнѣсть господарска. Представьте собѣ: на раз счезли бы всѣ хлѣборобы, ткачи, муляри и цѣлый нарѣд робѣтников, которѣ працуют, абы люди жили, одягалися! Чоловік без охороны сей не мѣг бы воювати с природою. Представьте собѣ скѣлько робѣтников працювало на простой посудинѣ кухнѣ! Сесе спѣвучастенство выконало госпо-

дарскій розвой: ним были найдены, открыты и улѣпшены робочи инструменты, которых уже каждый для себе може выхосновывати.

в) **Взаимнѣсть** духовна. Содружна робота ученых мужов создала науку. Тѣлько благодарючи взаимнѣсти духа и роздѣленью працѣ мѣж всѣми, праця людей перемогла природу. Пригляньмеса, як всѣ ученѣ и мудрецѣ перемѣнили образ свѣта и отношенія к житью. Яка велика разница мѣж дикарем варваром, занимающимся тѣлько ловом, охотою и рыболовством, говорящим безформенною рѣчью и ученым нашої поры, который в своем кабинетѣ глядае причины заразных хороб, або поэтом, котрый мечтае и спѣвае о чоловѣческѣм братствѣ. За то дякуеме всѣм людям прошлых вѣкѣв, от которых унаслѣдовали выслѣдки их труду, як и мы отдаме плоды нашої душевной працѣ своим наступникам.

г) **Взаимность нравственна.** Одинаково заслугують благодарнѣсти наши предки за то, что постаралися, абы справедливѣсть и добро заняли лучшее, як за старых часѣв, мѣсто. Сами видиме, скѣлько жертв и геройства было треба, абы людске сердце добыло трохи нравственного прогресу. Представиме собѣ, скѣлько было треба страданья в минулости, скѣлько мученичества за часѣв рабства, абы мы днесь могли потѣшатися со свободного житья. Але много береме мы тоже из живота настоящего: наше житье нравственне подчиняеся влїянїю окружающаго нас свѣта: напр. чтенїем паподобляе часом дѣла и переживае чувства тых, с ким живеме, або о ком читае. Примѣры, которѣ у нас перед очима опредѣляют и нашу дѣятельнѣсть. Тому родители и учителя влїяют на нас найсильнѣйше, полышаючи в нас добрѣ слѣды часто на все дальнѣше житїе.

Самовоспитанїе. Треба памятати, что главными строителями нашої нравственности есьме мы сами, понеже в нас вѣчно дрѣмае найсильнѣйша способность — наша воля. Если хочеме, можеме перемогти волею и привычки свои, и не добре воспитанїе и все. Сознанїем всесторонноѣ людской общественноѣ взаимности и ролѣ, котору и мы в той взаимности граеме, мусит наша совѣсть приказовати постоянно розвитїе к лѣпшому совершенствованїю, як тѣлесному так и душевно-нравственному.

Когда познаеме средства укрѣпленья тѣла и защиты его, то мусиме тоты средства уживати. На наши силѣ залежит, абы, познавши цѣну розуму, обогащати его множеством хосенных вѣдомостей. Познавши, что наша повиннѣсть есть дѣланье добра и варованье от зла, что нравственна чистота се верх людского житья, что помѣшае нам в дорожѣ к тому верху? Наша непостояннѣсть? Вспомните постоянство в працѣ и успѣху великих людей: ци того, что вынайшов силу пары и электричество, ци яд против хоробных бацил в людском организму!.. Ци нам перешкоды дѣлают наши дурнѣ привычки? Прецѣнь мы можеме и от привычок отучитися. Запытайме смутных жителѣв темницъ, странопріимных домѣв, божевѣльных (сумашедших) домѣв, мертвецких для самогубцѣв, что их погнало на недобрый чин, на злое дѣло и научимся быти лѣпшими и чинити добро. Не глядайте всегда помощи у другого, ибо наша сила, то як пружина в часах: скручена и сокрыта в серединѣ нас самих и чекае на приказ волѣ. А коли нам не удасться перемогти себе, то не падаем духом, а пробуйме далѣ. Капля по каплѣ и камѣнь пробье!

Порядочнѣсть общества. Понеже нравственны цѣнности чоловѣка тѣсно переплетены с общественным житьем, мусит быти одною из наших задач старатися создати добре общество, загоѣти его хоробы и устранить все, что порушае спокѣйне розвитіе добрых характерѣв.

Праця и жеброта. Важну участь в созданію нравственного характеру и складу людского общества есть праця. Для того, каждый чоловѣк доброй воли мусит попрацювати. И дробну, працу щоденню и та есть найважнѣйша и каждую конайме совѣстливо, порядочно. Случается, что много людей часто лишаются без работы. Тут уже есть задача цивильной управы, абы вынайшла для сих людей занятье; оправа дорѣг, чистка города, регуляція рѣк и под. Если не можна для них достати роботу, то с публичных финансов дается им пѣдмога в безробѣтности. Порядочный гражданин стараеся, абы не мусѣв доставати сю милостыню и сам находит собѣ якоесь временно занятье, поки снову не достане отповѣдну постоянну роботу.

Жеброта то паразитство (житье с чужой працѣ и на чужѣм организмѣ). Поки она рѣдка и лишь чинится дѣдами, або бабами, ци калѣками, неспособными до работы, то еще

можно ю оправдати. Але если жебрают здоровѣ мужчины и жены, способны до працѣ, то се уже есть подлое явленье нравственного упадка и достойно ганьбы.

Еще страшнѣйша жеброта с привычки, котора часто веде к преступленіям. Абы увеличити людске сочувствіе а тым и людску щедрость, такіе помогают собѣ часто дѣтьми позыченными, або украденными, которыхъ лишают (жебраки) в тряпках на улицѣ мерзнути и спати в брудных берлогах. Найганебнѣйша жеброта дѣтей. Когда так чинят дѣти по приказанію родичѣв, то сесе доказуе, что родичи не розумѣют своего отвѣтственного родительского назначенія, лишаячи свою власну кровь натѣлесну и нравственну загубу. Цѣлое село, або город мают дбати, абы жебраючих дѣтей не было. Да коли мае безrobotный охоту працювати, але не знае о працѣ, а тоже да кто потребуе работника, але не може его найти. Для того суть посередничи конторы праці. Бродяги, не желаючи працювати, умѣщаются до принудительных рабочих домѣв.

Уряды Забезпеченя. Если бы робѣтник покалѣченный, або хорый не мѣг працювати и не доставав нѣякой пѣдпоры, то он и его сѣмья очутились бы в бѣдѣ. В таких случаях робѣтник достает пѣдпору от уряда забезпеченя при пораненіяхъ. Поки працював и зарабатыв, то малу частку со свои платнѣ вкладав до сего уряду, котрый из подобных фондѣв выплачуе каждому робѣтнику часть его платнѣ в случаѣ пораненія. Подобно дѣстает пѣдпору от больничноѣ кассы, як тѣлько захорует.

Больнична касса придѣляет ему лѣкаря и лѣкарства. Але и неробѣтники на случай старости, або хоробы забезпечуются в страховѣм товариствѣ. Договорится с таким товариством, что за исту сумму грошей, выплачувану товариству забезпеченія, скажеме до 50 лѣт, дѣстане потом от товариства цѣлу договорну сумму, як тѣлько досягне сего вѣку. Як бы до той поры умер, то сумма буде выплачена его семейству.

Господар обезпечуе (ассекуруе) свой урожай от градобитія, дѣм, стодолу и сарай от пожара, купец свои товары в магазинѣ, крамѣ, на желѣзницѣ, або на пароходѣ; кто выправляется в далеку дорогу, тот обезпечуе (ассекуруе) свой дѣм от крадежи и рабунку, а себе от пораненія при несчастіях на желѣзницѣ и под. Всѣ сесѣ осторожности защищают чоловѣка от неожиданного несчастія.

Задачи добротности. Много людей часто стратят свой маеток, або здоровля. Задача общества есть не лишити на поталу, и в несчастью своего ближнего.

Милосердіе стоит в тѣснѣмъ связку с братствомъ и справедливостію, ибо грунтомъ обоихъ естъ любовь. Любовь къ ближнему могла бы сама розрѣшити всѣ проблемы личной и соціальної нравственности.

Держава, села и города, которѣ поняли необходимость дѣла милосердія, памятаютъ в своихъ финансахъ на вспомошествованья. Але мало еще в сѣмъ направленію учинено. Много бѣды для ока людского сокрыто соромомъ и благородною гордостію, при которѣй чоловікъ умирае часто, а не воззве на помѣшь. Якъ разъ такихъ треба выглядати а бережно, сокато имъ с любовью помогти в ихъ тяжкости и бѣдѣ, про то, что в сихъ случаяхъ спасаеме найчистѣйшу душу и найнѣжнѣйше сердце.

Искренне милосердіе привело добрыхъ людей къ добровѣльному соединенію в добродѣтельнѣ общества. Они выконуютъ свою цѣль разнымъ способомъ: помагаютъ матеріально, нравственно, находятъ занятіе, стараются о сиротахъ и калѣкахъ, устрѣютъ добродѣтельнѣ дома, огрѣвальнѣ, пріюты для людей бездомныхъ, санаторіи, печуются о дѣтяхъ, надъ которыми знущаются властнѣ родителей, выучаютъ занедбану молодѣжь и такъ далѣ.

Таки общества нѣколи в своихъ дѣлахъ не маютъ руководитися политикою, або религіозностью а лишь глубокимъ чувствомъ, состраданья и любви до ближнего.

Треба, абы добродѣянне было выконано осторожно, ибо и в найгоршѣмъ чоловікові искрится капка сорому и чести.

Опѣка надъ дѣтьми. Добродѣтельнѣ общества в першѣмъ ряду стараются помагати найслабшимъ: дѣтямъ. Покинутѣ дѣти собираются в сиротчинцахъ, а где сихъ нѣтъ, то в поодинокихъ семействахъ. Про то, что дѣти часто нуждаются в перемѣнѣ воздуха, то общество вакаційныхъ осѣдлостей стараеся, абы слабыхъ дѣтей кудась в май лѣпшое мѣсто послати на освѣженье. Да где заводятъ на вакаціи вымѣну дѣтей: изъ городу в деревню, а изъ деревнѣ в городъ. Перши дыхаютъ трохи чистѣйшимъ воздухомъ, а други в замѣну того знакомятся с житіемъ в городѣ и его памятниками.

Опѣка надъ старыми. Дуже старый чоловікъ безпомощ-

нѣйшій от дѣтины. Про то на рѣвнѣ с дѣтьми много старанія горожани проявляют и для престарѣлых, абы и они могли спокѣйно и довольно дожити свои дни, которѣ колись жертвовали для блага всѣх. Общества повинно не оставити их в горю и бѣдѣ.

Опѣка над калѣками. Найбѣднѣйши щербины чоловѣческаго общества — то калѣки (слѣпѣ, глухонѣмѣ, безруки и подѣбнѣ) потребуют нашей помощи наибѣльше. Тых мусиме тоже пѣддержувати, абы наградити им хоть трохи то, что им не дала, або что у них отняла природа, ци случай.

Справедливѣсть.

Мы хочеме жити с каждым в святом мирѣ; да лишат нам что святое для нас и да за своим плугом каждый поспѣшае; свою душу посвящай якой хочеш вѣрѣ.

Ярослав Верхлицкій.

Свобода воли. Наша воля, не так свободна, абы дѣла наши спочивали тѣлько на нѣ. Велике влѣянье на наши дѣла мае наш темперамент, живѣсть, наслѣдована по родичах, наши привычки, пѣд ярмо которых нас завела наша натура, хоробы, которѣ, або не позволяют нам заняться дѣлом, або ослабляют волю, удобнѣсть котора нам не позволяе чинити дѣла милосердія. С той причины многи люди кажут, что мы свои дѣла добровѣльно не выконуеме.

Але прецѣнѣ наша воля есть свободна. Найлѣпше доказательство того же из многих способѣв рѣшенья дѣла мы выбираеме найпригоднѣйшій, глядаеме лѣпшій, мѣркуеме, ци выбранный способ добрый для выконаня; сего всего бы сѣме не чинили, если бы не малисьме нѣякой свободы волѣ. И на своих ближних позераемо, яко на свободных, або хвалиме их дѣла, або и ганьбыме. А сего бы не могли сѣме чинити, если бы не было у нас свободной волѣ, если бысьме все робили пѣд давленіем чужой силы, котору тяжко преодолѣти. Если да что чинится без розуму то не може быти достойно похвалы анѣ поганы.

Кромѣ того досвѣд, опыт, нас навчае, что силою своего духа може каждый освободитися от всѣх ланцюгов, что связуют нашу добру волю, еѣ свободу: можна удержуватися от своих привычек (питья спиртовых напитков), силою волѣ можеме переконати и силу хоробы (лѣченя сугестією), бѣднѣсть — старательною працею можеме побѣдити, а незнаніе, темноту, побѣдиме просвѣщеніем.

Отповѣдальность. Свобода нашей воли, желаніе чинити добрѣ дѣла есть тоже источником нашей отвѣтственности. Як бы мы не были внутренне свободнѣ, то не было бы треба нам боятися и отвѣта за наши дѣла: той кто нашу свободу воли вяже, тот бы и за наши дѣла отвѣчав. Нѣкто не покарае хорого на постелѣ за то, что не помагав гасити пожар, або нѣкто не буде карати ошалѣвшого без розуму, за то зло, которе причинила людям его буйность от потерѣ розуму.

Все, что уменьшае розум, снижуе отповѣдальность.

Разна бывае отповѣдальность. Дитину не можна так судити за еѣ дѣла, як доспѣлого чоловіка, непросвѣщенного так, як ученого. Кривда одинаково строго осуждати чоловіка, который чинит зло в гнѣвливости, як кажут „в сердцах“, або чоловіка спорченого дурными наговорщиками, „под'юженого“, як и того, кто свой чин выконав со спокойным розмѣркованям. Для того в гражданских законах есть полегчающе обстоятельство. Не смѣеме однако дѣлати таки ошибки, абы „полегчающими обстоятельствами“ мы оправдовали свои подлы дѣла и наклонности.

Не тѣлько за свои дѣла мы отвѣчаеме, але и за свои чувства и помышленія. Если добровѣльно держимся при своих дурных мыслѣх, то мы виновати, ибо мыслѣ легко переходят в дѣла: помышленіе на дѣло се — починающійся чин.

Часто виноваты мы и за дѣла других, если своим совѣтом, примѣром, або приказом подштьовхаеме их на злое дѣло. Из свободы и отповѣдальности происходят и наши заслуги и вина. Чим тяжша повиннѣсть, тым бѣльша слава тому, кто ю сповняе. Чоловѣк, который пожертвует свое благо, абы спасти честь своего врага, мав бы бѣльшу заслугу, чим той который спасае честь своего друга.

Повиннѣсть быти справедливым. В понятіи справедливости не тѣлько запрещенія суть, не тѣлько отрицанья: „не

кради, не бреши, не обмануй“, але е и сторона положительна, даючи раду, як да что чинити: справь кривду, захищай добро, домагайся правды! Справедливым мусит быти каждый и при всѣх случаях. Справедливы будьме и к чужинцам, чужовѣрцам и нашим политичным (партійным) непріятелям, от которых тоже жадаеме справедливости для себе. Але справедливѣсть не значит, что треба все прощати, ибо можеме в тѣм, кому прощаеме, утвердити мнѣніе, что преступленія могут быти безкарны, что и далѣ може нарушати законы людскѣсти и общества. Справедливѣсть не смѣе в собѣ то же мати анѣ крапку мести.

Кара справедлива тѣлько тогды, коли мы знаеме, что не кара наша цѣлею есть, але что она лишь средство до полѣпшенія чоловѣка.

Кто видит несправедливѣсть и не нищит ю, сесь есть соучастником злочинця, як и той, кто захищае злодѣя, або переховуе убійцу. Защищати тых, которым да кто кривдит, а особенно слабых, которѣ не умѣют боронитися, то повинѣсть каждого честного гражданина.

Примус до справедливости. Понеже не можна думати, что всѣ люди и каждый поодинокій есть доконалый, совершенный, то отношеніе чоловѣка к другому показано в точных и ясных правилах, в законах. Тѣ люди, которы бы сих законѣв не хотѣли дбати, принуждаются к тому правительством разными примусовыми средствами, угрозами, покутами, карами. Абы не было суеты и непевности при рѣшенію, ци да что законно учинено, ци не, и, абы то не рѣшав каждый по своему желанію, то выбираются для сей цѣли особѣ люди, правотари, судѣѣ. Они проглядают ци подсудимый порушив закон и невиновных освобождают а виновным присужуют кару.

Прокуратор доказуе вину с помощью свидѣтелѣв. Потребно, абы суды были что найсправедливѣйши, абы закон быв бѣльше, як судѣя, а не судѣя выше закона.

Грунтом судѣв в людовѣм, демократичнѣм штатѣ есть рѣвность всѣх граждан перед законом. Абы судѣя не был примушенный к рѣшенію правительством, або партією, ци сильным и богатым чоловѣком, для того он выконуе свой уряд независимо от всѣх а тѣлько ѳт закона. Другою

помощью и контролю для справедливости есть публичность суда. Только в случаях, где рѣшается дѣло с державною тайною, ци тайною сѣмейною, може быти публика до судовой залы не допущена (тайне розбирательство).

Але розсудок, приговор суда, мусит быти публичный.

Если засуженный (або его адвокат, защитник) считают приговор дуже прикрым, то можут касовати цѣле дѣло до высшей судовоѣ инстанціи (найвысша судова палата). Если судія признае, что преступленіе было учинено нехотячки, без замѣру, то може засудити услѣвно, то есть откласти выконання кары на исту добу (на рѣк, на два). Часто присуждае судья к отѣймленю выборного права, что есть карою не только нравственною, але и матеріальною, ибо забирае дорогу до многих общественных полегчень. Всѣ приговоры выносятся „именем республики“.

Преступленіе есть нравстенна хвороба. А як хоробу вылѣчиме тогди, если найдемо еѣ причину, так и преступленія знищиме, если знищиме их причину. Часто спричинюе злый чин алкоголь, часто безробѣтность, душевна темнота, бѣдность. Если выpoleмe из поля житя сесѣ причины, то знищиме и зло. С преступником треба заходитися дуже сердечно. Если сесь поступив проти закону случайно, то было бы непростительно для нас, если бы сѣме его смѣшали со злочинцами привычными, жестокими и безоглядными. Задача кары полѣпшити злочинця, для того случайных преступников лѣпше помѣщать не серед злочинцѣв ненаправимых, так, абы они могли без лишних попрекань свои совѣсти направитися. Особенно освобожденным, бывшим арестантам, дайме честне занятіе. В каждѣм злочинцю есть кусочек людскѣй чести и достоинства и доброму душознавцови удастся из такого испорченного чоловѣка учинити хосенного члена общества.

Особенно стараймeся, абы молодѣжь не жила мѣж преступниками.

Суды. Дѣла маетковѣ, поки цѣна присужована не перевысшае 1000 корон чес., дѣла управы полевых межѣ, дѣла аренды, споры наймовы, споры о наслѣдство, дѣла опѣкунски, поземельнѣ книги, проступки и перше слѣдство преступленья принадлежат до розбирательства окружного суда. На рѣшеніе

сих можна подати касацію до суду жупного. Если цѣна спорного перевысшае 1000 кор. ч., то такі преступленья (убійство, підпаленя, рабунок, проступки газет и политичнѣ) рѣшае суд присяжных. До сих судѣв жеребом выбираєся 12 честных граждан найменше 30-лѣтних. Они слухают цѣлое судорозбирательство и по скончанію суда рѣшают бѣльшостію голосѣв виноват подсудимый, ци не виноват. Але наказаніе в случаю осужденія кладут не они, але трохчленный суд с предсѣдателем. Чинность судѣв присяжных може быти на якусь пору приостановлена в случаях устаровленных законом. Для дѣл торговых суть торговельны суды, для ремесленных — ремесленны суды. Если суд выконуе гражданску повинность, наприклад рѣшае спор о наслѣдствѣ, то сесе гражданскій суд, а если приговорюе карно (наприклад за пошкоженіе чести,) то такий суд есть карный. Президенту республики, крѣм амнестіи, принадлежит право аболиціи, то есть приказу, абы судовые карне слѣдство не было починано, або было приостановлено.

Потреба судѣв. Порядочный гражданин поступае в каждѣм огляду так, абы судову помѣч потребовав тѣлько в случаях найнеобходнѣйших для свои защиты.

Бѣганя по судах недостойно чоловѣка. Маеме так жити, абысьме судѣв не требовали.

Приглушуйме завчас все, что може быти причиною спорѣв! Послѣдна воля, списана завчасу при свѣдителях може уберегти наших наслѣдникѣв от послѣдующих бѣганин по судах. „Рождающійся спор подобаєся потоку, котрый продираєся через гать: якъ тѣлько подрався уже его не задержати“ (Талмуд). Не клеवेशиме, а не уважайме на дробни клеветы. „Единым средством, которым можна примусити людей, абы добре о нас говорили, есть чинити добрѣ дѣла“ (Вольтер).

Повинности.

Дѣла. К чинности нас понуждаютъ разнѣ причины (мотивы). Главнѣ возбудителѣ нашей дѣятельности: желаніе повеселитися, наша натура, интерес и повиннѣсть. Мае быти забавка главною цѣлею нашихъ дѣл? Нѣтъ. Не восхваляеме людей, которѣ привыкли глядати лишь забавокъ. Але почи-таеме тотыхъ, которѣ не идутъ на забаву, на свѣй отпочинокъ, поки не удовлетворили потребностей ближнихъ. Тоже при слѣпѣмъ удовлетворенію натурѣ, ци то гнѣвливіѣсти, ци пьян-ству, ци преувеличенѣ роскоши, любви, ненавѣсти, заздрѣ-сти, бывають велики хибы, бѣльше зла, чимъ добра, если ро-зумъ не може наклонностей нашей природы задержати.

Интерес учитъ насъ отгадувати наши дѣла по тому, ци принесутъ намъ довольство. На першій поглядъ намъ здається, что ничъ подлого въ тѣмъ, если да кто хлопочитъ, абы мавъ забезпе-чену свою будучнѣсть. Але при глубшѣмъ мѣркованію, мы увидиме, что такіе люди думаютъ лемъ на себѣ, что другій для нихъ не значитъ ничъ, что мають глуху душу и нѣмое сердце, не чуютъ и не видятъ, якъ коло нихъ страждае ближній. Такій чоловѣкъ хоче для себѣ все май лѣпше, а до того другого ему дѣла нѣтъ. А такъ видиме, что дѣла наши не треба чинити лишъ изъ желанія забавокъ, природы и скупого интереса! Треба, чтобы побужденіемъ нашихъ дѣлъ была наша внутренна повин-нѣсть, которая намъ указуе дорогу на дѣла добрѣ для всѣхъ, насъ окружающихъ.

Повиннѣсть и право. Повиннѣсть тѣсно связана съ правомъ. Коли признаеме свои права, признаеме рѣвножъ и права своего сосѣда а наслѣдкомъ того и свои повинности почитати сесѣ права. Если сосѣдъ мае право на животъ, то я маю по-винности его животъ сокотити. Не лемъ держава мае повинности къ гражданину, але тоже и люди мають къ державѣ повинности. Шкода, что на сесѣ повинности много не памятають. А прецѣнь лишъ точне и до-бросовѣстне выповненіе всѣхъ повинностей есть грунтомъ, фундаментомъ живота въ каждѣмъ содруженію. Если тайное желаніе да какое у насъ появляеся, абысьме не конали свои повинности, туй представиме собѣ, что было бы, если занедбають подѣбнѣ повинности всѣхъ остатнѣ!

Главнѣ повинности. Великій рядъ повинностей можна бы

было роздѣлити на: 1) повинности к собѣ, 2) к семейству. 3) ко свои державѣ, 4) ко громадѣ, людям. Всѣ повинности требуют добросовѣстнаго отношенія ко всякому чоловѣку и к дѣлу, которе нам призначено конати. Понеже законы относятся до всѣх куточков нашего животи и представляют собою собраніе всѣх горожанских повинностей, мали бысьме дбати законѣв и так выповниме всѣ повинности. В державѣ, истинно демократичнѣ, непослушнѣ до законѣв есть непослушностею против себе, понеже каждый через своих выборных до сойму, ци парламенту працюе над законодарством. Абы была сохранена сила державы и добре управление еѣ дѣлами треба всѣм членам державы, всѣм гражданам помагати нести и тяжкѣсть державы, особливо тяжкости податковѣ (порціи). Гражданин мае быти готовый всѣгда на защиту свои отчины против каждого непріятели. Понеже демократичный народ не держит вѣйска анѣ для подневоленья своего сусѣда, анѣ для подавленья прав и свободы своих граждан и лем для защиты их прав и их землѣ, то не буде гражданам служба во войску тяжка и против совѣсти. Ганьба бы была, если бы здоровый хлопец утѣкав от повинности защищати землю свою и своих согражан. Крѣм того он зможе доповнити свое просвѣщеніе во вѣйсковых курсах.

Добрый вояк есть послушный дисциплинѣ, котора из него не чинит раба, але котора приводит к побѣдѣ. Вѣйско без дисциплины есть побито раньше, чим увидит непріятели. Добрый офицер есть хлопотливый ненько своих вояков а рѣвнож их ласковым братом. Гражданин дбае всѣх дѣл державных и сельских и не отрѣкается от сих дѣл. Каждый по мѣрѣ своих способностей мае добросовѣстно працювати для полѣпшенія всѣх отношеній в селѣ, где живе. Мае брати участь во всѣх выборах, але не смѣе из-за свои партіи забывати на интересы державы. Найлѣпша политика—добра праця!

П р а в а.

Ядро права. Да которѣ дѣла бываютъ нашимъ природнымъ правомъ, которе получаемъ простымъ своимъ бытіемъ, яко право на животъ, на воздухъ, счастіе и т. д. Але большу часть прав достаемъ только своего рода договорами. Маеме право на заработную плату, если выполнили съеда яку роботу, получаемъ право на мѣсто въ театрѣ на представленіе, если купили съе билетъ и подобно. Сесѣ права можеме выконати, але не мусиме. Хоснованье сякого права е добровольне.

Насиліе. Не позволяется чинити то, на что не маеме права. Добра воля покрывженого, когда мовчки намъ позволяе хосновати изъ его права, але не можеме отъ него такого мовчанья жадати. Ходити черезъ свое поле може господарь намъ позволити, або запрѣтити по властномъ своимъ разумѣ. Если сесе учиниме и черезъ его нежеланіе, то чиниме насиліе. Насильство есть попиранье права. Класти силу по надъ право, то значитъ повертати до старыхъ часѣвъ, дикарскихъ. Насильникъ показуе недостатокъ почтенія ко правамъ другихъ, становитъ ся мимо кругъ честныхъ людей, ибо кто дбае надъ чистотою свои чести, тотъ нѣколи не порушитъ права другого.

Права. Рѣвно съ правами, которыхъ достаеся намъ за нашу пильность и працю для всѣхъ, стоятъ и права, яки достаетъ каждый гражданинъ по закону. Грунтомъ всѣхъ правъ въ нашей республицѣ есть рѣвность всѣхъ гражданъ. Привелегіи пола, рода и занятія не признаются. Если свои права добре знаеме, то легко можеме защищатися съ помощію закона отъ тыхъ, кто намъ уквивдивъ, або старався уквивдити.

Право живота. Законъ охраняе животъ гражданъ уже отъ самого зачатія во чревѣ матери, преслѣдуючи строго каждый способъ ушкодити плоду. По рожденію законъ охраняе животъ дитины и чоловіка, караючи не только убійство, але и каждое пораненье тѣлесне. Чинитъ разнѣ здравіе охраняючи роспоряженія, абы животъ гражданина не загинувъ на шкоду людства, але розвивався про успѣхъ и хосень всѣхъ. Только въ случаю войны жадае законъ отъ гражданина, абы поставився на защиту свои державы.

Право личной свободы. Лична свобода для каждого забезпечена. Ограниченіе личноѣ свободы може статися только на подставѣ закона. Арештъ смѣе быти выконанный лемъ по

приказанію суда. Полиція або жандари можуть однако арештовати и без приказанія суда, если да кто був пойманий на злѣм дѣлѣ, або в том его, не без причины, підозрѣвають. Але арештований через 48 годин має бути або освобожден, або дан під суд. Если да кто был арештован незаконно, має право жадати заплаченя шкод, которѣ потерпѣв от арешту.

Підданий чужоѣ державы не може бути рѣвночасно гражданином чехословацкой республики. Каждый чехословацкій гражданин може жителъствовати на яком хоче мѣстѣ республики, куповати там недвижимый маєток и в границях вообщого права заниматься заробѣтными дѣлами. Ограниченіе сего права може случитися тѣлько на підставѣ закона. Напр. заборона заробляти гроши тому, кто під час войны перепашовуе за границу молодых рекрутѣв и под.

У порядочного гражданина могут учинити ревизію дому лем урядники по приказанію суда, которое мають показати. Лишь в крайних случаях, когда напр. опасались, что слѣды рабунку, або убійства будут заглаженѣ, може приказати ревизію судовый урядник, жандарь, або и староста. Але в грунтѣ „право дома неприкосновенно.“

Было бы свидѣтельством поганой злобы, если один гражданин на другого учинит донос (денунціюе) без важной причины. Если бережеме яко сокровище свою честь, то одинаково мусиме почитати и честь другого.

Право свободы мнѣнія. Каждый може проявляти законно свое мнѣніе словесно, письменно, в газетах и подѣбно. Яко других свобод не смѣся на зло уживати, и свободы публикованія мнѣнія. За кривду котру несправедливо учинит дакто на другого в газетѣ, суд строго карае.

До области свободы мнѣнія принадлежит тоже право жаданій (петиція), когда письменно высказуются парламенту, ци сойму желанія народа.

Право вѣрованья. Законами республики заручается свобода совѣсти и вѣроисповѣданья. Всѣ религіознѣ исповѣданія перед законом рѣвнѣ. Анѣ хоснованя из гражданских прав, анѣ повинности не залежат от вѣры.

Нѣкто не може бути нѣяким способом примушений до религіозних дѣл (выключаючи право родителя) анѣ не можна ему таки дѣла забороняти. Чинити да которѣ дѣла религіознѣ може бути запрещено, если то противится порядку, або

публичной нравственности. По четырнадцатилѣтнѣмъ возрастѣ може каждый выбрати собѣ по душѣ религію, або остатися без вѣроисповѣданія. Свободолубивый чоловѣкъ есть вѣротерпимый (толерантный): считае религію за дѣло души каждаго чоловѣка а не перешкажае ему вѣровати, як хоче. Буком до раю не приженешъ.

Право свободы науки. Наука есть свободна. Научнѣ працѣ и публикованья ихъ выслѣдковъ, як и художество (малярство, строительство, скульптура и т. д.), доки не порушаютъ законѣв и нравственности, — свободны, остаючися отвѣтственными толькѣ передъ судомъ публичного мнѣнія (критики).

Наука обогащае нашъ живот, наповняе его безмѣрными дарами душевной працѣ, облагоражуе нашъ живот и ставитъ его выше звѣрячого.

Право працѣ. Праця—законъ природы. Здоровый чоловѣкъ чувствуетъ потребнѣсть працювати такъ само, якъ потребу питатися и дыхати. Лѣнивѣсть противится натурѣ чоловѣка. Если позераеме кругомъ себе в природѣ, то видиме, якъ все працюе, выконуе дѣла, которыми пѣддержуе и улегчуе працю остающихъ созданий. Може утѣкати отъ працѣ чоловѣкъ? Нѣтъ! Все что не мѣняея, что не движется, то не живе. Дѣла людей бываютъ такъ разнѣ, что тяжко ихъ роздѣлити на подобнѣ. А прецѣнь людску чиннѣсть можна роздѣлити на двѣ части (грунты): працю душевну и тѣлесну. Сесѣ два сорта працѣ часто одинъ в другого проникаютъ, такъ что часто тяжко рѣшити, где начинаея праця душевна и кончаея тѣлесна, физична. Да котра праця, скажеме напр. польова, або в шахтахъ, потребуе лемъ напруженя тѣлесныхъ силъ, полишаючи мыслѣ свободными. И така праця благородна, ибо есть найпотребнѣйшою всему житію. Есть тоже работа, котра не требуе нѣякого напруженя тѣла, але безмѣрно вычерпуе душевны силы; и сяка праця трудна и ослабляюча (напр. праця розуму ученого чоловѣка в его „мастернѣ“). Розумный чоловѣкъ мае почтеніе до каждой працѣ.

Якъ предъ выбраньямъ занятія, такъ и передъ началомъ работы розмѣркуйме ци маеме до той работы доста силъ, ци способнысьме до неѣ, ци выконаеме ю. Если выясниме собѣ насапередъ дорогу, то уже ноги насъ понесутъ; якъ знаеме, якъ працю конати, то уже работа закипитъ.

Если працюеме, то працюйме с охотою, любовью до працѣ и выконайме ю до конца. Если заслуге праця, абы за ню взятися, то заслуге тоже. абы была выконана добре. Если працюеме не охотно „из пѣд бича“, то и плоды нашей працѣ будут подлѣ, попорченѣ, покалѣченѣ. Праця добро чинит. Не тѣлько что прибавляе сил нашему тѣлу и пѣддержуе обмѣн крови, але и выбрушуе нашу душу, облагорожуе нас думками, находчивостю, осоложуе наш отпочинок, прямо причиняет нам матеріальне и душевне счастье.

Каждый, кто досягнув цѣли своего житя, с радостію оглянеся назад на выконану працю.

Праця промѣнила образ свѣта и запрягла на службу чоловікови силы природы, которѣ колись были ему ворожи, праця дала чоловічеству добробыт и радѣсть житія.

А про то мусиме каждому чоловікови, способному трудитися найти можливѣсть исполняти право працѣ.

Для выконаня да котроѣ праці треба особенной специальной подготовки, знанія. Для того треба, абы каждый, кто таку працю хоче чинити дѣстав ся до отповѣдной школы. Тут уже держава и общественна управа мают дати можливѣсть тому, ци другому способному чоловікови выучитися працѣ. Хочеш быти лѣкарем, правотарем, учителем, машинистом, кравцем, столяром, купцем, мусиш научитися в отповѣдных школах.

При тѣм первое дѣло, абы мы сами пѣзнали себе, свои способности, силы. „Будь тым, для чого тебе создала природа и побѣдиш“. Хиба, если возьмемся за дѣло, на которе наши силы слабѣ. „Люди, як локомотивы, повны силы на своих желѣзных колеях, они безсильны на каждѣм другѣм мѣсцѣ.“

Право маеткове. Из свси працѣ може чоловік собѣ закупити участки земли, дѣм и под., что называеме недвижимым маетком, або цѣннѣ бумаги, коня, корову и подобный движимый маеток. Держава своими законами охраняе маеток граждан от кражи и рабунку. Если гражданин хоче позбытися маетку, то може его продати. Если того пожадают интересы штата, або краю напр. постройка желѣзницѣ, дороги, упорядкованя рѣки и под., то маеток для сего потребный може держава отвластнити, откупити за доб-

ру цѣну у властителя. Каждый може свой маеток и завѣщати кому хоче. Многи благороднѣ люди свой маеток завѣщают по смерти селу, або обществам: обществу помочи бѣдным, калѣкам, школьной помощи, просвѣтительному обществу и подобно. Так сами выстроуют собѣ найкраснѣйшій памятник в сердцах благодарного потомства.

Здравоохраненіе.

Призвани сѣме перед другими, абы народу своему сохранить то тѣлесное, душевное и нравственное здоровье, в котором не зродится нѣчого сказоносного.

Мир. Тыри.

Значеніе здоровья. Связь мѣж душевною быстротою и здоровым тѣлом сознавали уже давнѣ Греки, которѣ се высловили в пословицѣ: „в здоровѣм тѣлѣ — здоровый дух“. И правда. Когда мы хорѣ, то ослабляеся и наша душевна сила, когда выздоровѣе, вертаются знову наши душевны способности. Здоровье есть наибольше сокровище, перед которым уступают всѣ остатнѣ, оно есть грунтом нашего счастья и тех, кто нам дорогой, в нѣм — главный источник успѣшного росту и прогресу нашего народа с господарскоѣ и нравственноѣ стороны. Всего можна знову добути працею и пильностею, але страченого здоровля, во повной силѣ, знову не вернути. Сокотиме его, як свои очи! „Война и еѣ наслѣдки ставят министерству здравоохраненія превелику задачу опѣки над тѣлесным и нравственным положеніем нашего населенія“.

(Масарик.)

Укрепленіе. Чоловѣк не мае выростати, як чужекраинна ростлина пѣд стеклом, але мае розумно укрѣпляти свое тѣло, приучати его переносити острый вѣтеръ и студены дош, жару и холод, голод и жажду (спрагу), переконавати утомленіе дороги одинаково, як нудьгу недвижного ожиданія преодолювати природу и себе. Неправильно чинить той, кто не пускае дитину на улицу, абы вѣтеръ ю не продув, нѣ на дошь, абы не простудилася, нѣ мѣж других дѣтей, абы не встрѣтилася с якою хорою дѣтиною.

Мусит чоловікъ чувствовати радість живота. На свѣтѣ стѣлько источниковъ роскоши, але треба мати сердце, способне принять живот, понеже вся радість выходит от нас, от нашего чувства и желанія. Душевне состояніе мае велике вліяніе на тѣло и весела, радостна мысль есть пѣв здоровья. Старѣе, кто думает, что старѣе, держится молодым, кто познает, что он молод душою. Гигіена. Важность тѣлесного здравоохраненія признает хоть и не повно каждый взглядно к дѣтям, новорожденным и младенцам: родительницѣ купают их, держат в чистотѣ, в теплѣ, выносят на воздух и на солнце. Але уже для дѣтей, трошки бѣльших, огляды здравоохранительнѣ уменьшаются, часто таких дѣтей полишают рости, як кропиву на смѣтю. Лишь уже школа старается знов подходящим способом выровняти нездоровѣ наслѣдки, як минулого занедбаня, так и дѣйство довгого высиживанія в школѣ и общого сожителства. Але треба ласковой опѣки и поза школою, коли дѣтина выйде из школы. Доростаючи, уже каждый сам мусит дбати о своим здоровьем. Безчисленными случаями доказано, что упорядкованым способом живота люди продовжили свѣй вѣк на много лѣт: Чистота тѣла и одежи, правильность и мѣра в поживаніи пищи, ранне вставаніе и сон, движеніе на свѣжом воздухѣ — се буде главный грунт здоровья.

Маеме в республицѣ так много купелей, яко жадна друга держава. Постараймесь, абы каждый хорый мог похоснуватися их добродѣням.

Жилище. Здоровое жилище есть першим требованіем. Окна его мают быти на солнечну сторону. Куда не може прійти солнце, туда приходит лѣкар — каже пословица. Стараймесь жилище удержовати в найлѣпшій чистотѣ. Провѣтруймесь. Не выбираймесь собѣ жилище близко смердячих ям и канав, або каналѣв, близко дымящихся фабричных коминѣв, або шумящих та пѣднимающих порох заводѣв — а на сколько можна посеред зелени садѣв и паркѣв, в тихѣй и чистѣй уличкѣ с садочками. Квѣтками украшаймесь и свое жилище, понеже они и украшают и чистят воздух. Але не даваймесь их до спальни. Праця. Когда чоловікъ тѣлесно працюет на свѣжом воздухѣ, то праця его посильняет, освѣжае цѣлый его организм. Придает силы и гибкости нашим мускулам, позволяет свободно расширяться нашим легким (плюцам) и

помогае обѣгу крови по тѣлу. Ошибочно дивитися на працю, як на проклятя чоловѣка, вигнаного из рая. Найщасливійшій на свѣтѣ есть той, кто залюбится до працѣ так, что она ему есть и потребою и забавою.

Искусвенна гигиена тѣла. Бѣльша часть занятій крадут у чоловѣка не лишъ чистый воздух, але и не позволяют ему природного свободнаго движенія. Кто дбае над своим здоровьем, той поповняе сесь недостаток цѣлою системою искусвенныхъ движеній: игрою, тѣлоупражненіем, спортом, прогулкою, туристикою,

Игры. Розвивают ловкость и гибкость тѣла и примушуют дух к поготовости и рѣшительности. Они — прекрасное средство для воспитанія и здоровья, понеже благодарно дѣйствуют на душу и тѣло.

Тѣлоупражненія, которыхъ цѣль есть совмѣрное развитіе всѣхъ сил, могли бы статися средствомъ идеальным, если бы выконувалися на вольномъ просторѣ, подъ открытымъ небом. Але то часто не можливе. Яку маютъ тѣлоупражненія вартость показуе „Сокол“, который разомъ с развитіемъ тѣлесныхъ способностей дбае тоже и воспитанія душевнаго: прямоти, смѣлости, чесности, дисциплины и под. Таку саму цѣль маютъ и гимнастичны кружки работниковъ.

Нѣкоторѣ, кромѣ гимнастики, провадятъ еще и скаутингъ: чинятъ прогулки до природы, учатся переносити в нѣ всѣ непогоды, всѣми потребами заосмотрюются сами, познаютъ природу, научаются смѣлости, любви и уваженія к другому, чесности и под. Также спортъ в послѣдну пору дуже розвивается и можно тому радоватися.

Мусиме, однако памятати на остатнѣ части культурнаго живота и провадити спортъ, яко доповненіе працѣ и нашихъ повинностей. До спорту можна причислити и туристику, хоть та своѣми вліяннями на чувства относится скорѣйше до искусства а просвѣтительнымъ своимъ характеромъ до науки. Мае великое вліяніе на здоровье тѣла, особенно нервовъ, легкихъ (плюц), на обѣгъ крови, а такимъ способомъ, и на здравый желудокъ. Про то особенно хосенна для людей душевно працюющихъ, запертыхъ цѣлый рѣкъ в канцеляріяхъ, школахъ и т. д.

Лѣкарствомъ, которымъ часомъ загоѣме нарушеное здоровье, есть тоже и забавка.

Особенно молодѣж мае право на радость и веселость. Але роскошь из забавы чувствуем лишь тогда, если в забавѣ отпочиваеме от працѣ, а не дѣлаеме забавку своею животною цѣлею. Забавы подлѣ (игра в карты, танец в запорошенном помѣщеніи) здоровью не помагают, а шкодят и не могут быти забавками порядочного чоловіка.

Самоубійство. Найкрайнѣйшим отказом от опѣки над здоровьем есть самоубійство, насильное знищеня властного живота. Есть то такое самое преступленіе, як и убійство другого. Не маеме права посягати на живот, который собѣ самѣ не дали. Заповѣдь закона нравственности: „Не убій!“ есть ясна и рѣшительна и не допускае ніякого исключенія, ци послабленія. Чому люди сами себе убивают?

1. Абы покончити с якоюсь страшною ганьбою, которая може запаскудити их честь. А чтож може направить дѣло своею смертію, напр. самоубійца, который програв в карты довѣренѣ ему державнѣ гроши? Нѣ. Скорѣйше бы все напавив, если бы жив, пильно працював и програнну сумму заробив и вернув.

2. Велику часть самоубійств чинят из несчастной любви. Легкомысленна молодѣжь любит лѣчити сим способом болести своего сердца. Але то все лишь нерозмѣрковано, понеже розум задержав многих в их послѣднем кроку и учинив их хосенными участниками радостей живота и счастливыми гражданами и родителями. Се показуе, что не правильно мѣркуют таки розбитѣ сердца, что одно без другого не могут жити. Тут розумом треба перейти через вал и все буде добре.

3. Много самоубійств чинят люди, которѣ думают, что они неизлѣчимо хорѣ, и им здается смерть лѣпше як великое страданіе. Але се показуе лишь слабость их волѣ, понеже и найтяжши хоробы, которѣ здаются незагоѣтельными, по лѣтах вылѣчуются и чоловік, ними страдавшій, довго живе на радость другим и собѣ.

Алкоголизм. Повольным самоубійством есть алкоголизм (алкоголь — спирт). Он отравляе чоловіка помалу, але певно. Наслѣдки являются скоро: ослабленіе тѣлесных и душевных сил и ослабленіе воли. Ошибочно думати, что алкоголь загрѣвае: наоборот, алкоголь загрѣе лишь на минуту а потом его ядовитость понижае теплоту и алкоголик мерзне скорѣйше, як чоловік порядочный. Тоже не мае в собѣ

певной силы и если здаеся алкоголик непоборимым, то есть скорѣйше сила скаженного, стратившого розум.

Алкоголь уменьшае выдѣленіе желудочных соков и наслѣдком того появляются хоробы желудка; крѣм того ослабляе очи, причиняе шум в ухах, притупляе чувства и под. Легки (плющи) пьяницѣ нахильнѣ на сухоты, алкоголь порушае его сердце и мозок, у постоянных пьяницѣ бывае падучиця, парализа и сумасшествіе.

Шкодливо алкоголь дѣйствуе и на душу. Борзо слабнут душевны способности и слабѣе воля. Лѣкарѣ доказали, что больша часть сумасшедших (потерявших розум) суть жертвы алкоголю. А если так далеко не досягают наслѣдки алкоголю, то прецѣнь часто в захвату нерозуму от пожитого напитку чинилися и преступленія. Страшны наслѣдки не ограничуются лем на одного пьяницю але и на его семейство: бѣе жестоко жѣнку, дѣтей, честуе их ганебными словами — словом из домашности чинит пекло. А наслѣдки и по смерти дают о собѣ знати: дѣти пьяницѣ родятся тупыми и нервными, впадають тоже в пьянство и нищат себе и других, словом они уже дегенерованы (упавши) тѣлесно и душевно, невинно осужденѣ наслѣдники чужих преступленій.

И в господарствѣ алкоголь есть один из найгѣрших ворогѣв: пьяницѣ выконають меньше працѣ и окрадають себе и нарѣд свѣй, понеже часто стратят свѣй маєток, стають жебраками и наповняють пріюты, больницѣ и темницѣ, удержованя которых требуе великих выдаткѣв. Краины заморены алкоголизмом стоять дуже низко, як в огляду культурнѣм так и в господарскѣм.

По тѣй причинѣ борьба проти алкоголизма есть першою задачою правительства каждоѣ порядочноѣ державѣ. Понеже алкоголизм тяжко перемогти, когда он запустив свое корѣня в населенію, треба боротися с его зародками. Не смѣеме себе обманувати, что малое множество рома, пива, вина не есть пьянство. Небезпечно сему привыкати; кто привык пити трошки, того нѣкто не удержит. Не поѣдаваймеся обману, что алкоголь загрѣвае, освѣжае и под. То приманка многих пороков и грѣхопаденій.

Главным розсадником алкоголизму есть непросвѣщенность и темнота и треба в першѣм рядѣ боротися с ними. Тогди не упадеме до несчастія, коли знаеме его причину,

тогда лѣкаръ найде правильный лѣкъ, если певно знае причину хоробы. Проти темноты борѣмся просвѣщеніем и всѣми способами вѣрно пописуйме страшны наслѣдки алкоголизму. Лѣнь, лакомство и подлѣ забавки то главны источники пьянства. Про то выпѣстуйме любовь до працѣ и повздержаности, залюбленность до пріятных и благородных забавок. Пьянство особливо шкодит для молодѣжи.

Часто и женщины виноватѣ в пьянствѣ мужчин, если не стараются для дѣтей, братьов и мужѣв учинити пріятною пищею и поведеніем домашній круг живота домашним раем. Все бы дома мало приманювати чоловѣка к побыту и воспитати в нѣм ненависть до подлого воздуху, корчмы и подлых, неблагородных „забавок“.

Розумѣется, что и законы туй мусят помагати. Податки спиртовѣ мали бы быти послѣдними, которыми бы хотѣла держава загоювати свои финансовѣ недостатки. Да которѣ державы (Америка, Норвегія) попробовали цѣлком недопускати спиртных напоѣв и статистика показала, что уменьшилися несчастія на улицах, покарѣченія при роботѣ, и под. Где меньше алкоголю, там меньше и темницъ !

Куреніе. Табак содержит 1—9 процентов никотину, того найсильнѣйшого яду. Уживаніем сего яду т. е. куреніем, чоловѣкъ помалу труѣтся. Были случаѣ наглоѣ смертельноѣ отравы. Крѣм того никотин псуе легки и нервы, помагае росширеню сухот, сердечных и желудочных хороб, причиняе рак языка и под. хоробы. Шкодит каждому, а особливо молодѣжи.

Главным средством проти куренію есть познаніе его шкодливости, рѣшимости побѣждати сѣ шкоды, и рѣшительною волею перемогти покушеніе.

Чувство перемоги над покушеніями учинит нас гордыми и довольными собою !

Проституція. Много зла приносит продажность женщин (проституція) и половѣ хоробы, розсѣваючи заразу на всѣх своих ближних.

Половое чувство, сесь врожденный каждому доспѣлому чоловѣкови инстинкт есть удержователем людского поколѣнія. Але есть погибельно для чоловѣка злоупотребленія сим чувством в юношествѣ, и в малженствѣ. Чоловѣкъ тѣлесно доспѣвае между 20—24 роком. В половѣм отношенію доспѣвают молоды люди раньше. Много зла причинило оши-

бочне мнѣніе, что довге сохраненіе половоѣ чистоты ослабляє организм и что заспокоеніе полового чувства есть якимось средством для здоровья. Се неправильно. Надвышка сил можна выхосновати и розумнѣйше для розвитія тѣлесного и душевного. Найлѣпшим средством перемагати инстинкты (натурны чувства) есть правильна праця, душевна и тѣлесна, добре чтеніе и под. Каждое удовлетвореніе полового чувства не в малженствѣ паскудно и недостойно, але найгѣршим есть заспокоеня сего чувства с продажными женщинами, с проститутками. Оно приводит до страшных наслѣдковъ. Если бы юноша, отдаючися минутной роскоши, пѣзнав, что нищит цѣлый свѣй живот и и счастье своих будучих дѣтей, если бы представив собѣ тѣ наслѣдки во всѣй их наготѣ, то бы со страхом отступив перед искушеніем. Найстрашнѣйшою из хоробъ половых есть сифилис (люис). Ся хвороба проѣдае (сифилисовы бацилы) цѣлое тѣло и хребтовый мозок, мозкову пеленку головы и. т. д. Страшна гибельность хворобы повышается тым, что хворобу не мож вылѣчити, а лиш залѣчити: хвороба може на якийсь час нѣбы зникнути, еле скоро появляеся еще в страшнѣйши формѣ . . . не задержно и гидко розрушаючи тѣло . . . Еще гѣрше есть то, что хвороба переносится легко и на людей здоровых. Як часто такій мужчина знищив живот чистой женщины, або наоборот.

Дѣти от такого несчастного малженства родятся часто мертвыми а коли остаются жити, то гѣрше для них: наслѣдуют гидку хворобу по родителях и в страшных муках умирают. Якій то мусит быти безсовѣстный чоловѣк, кто осмѣлится приводити на свѣт сих несчастных. Инфекція. Страшною косою людства суть и други заразнѣ (инфекційны) хворобы. Холера, чума, вѣспа, дифтерит, тиф и под. страшилища, косили животы людей цѣлых краин. В послѣдну пору посчастлило ученым лѣкарям, которѣ часто для науки и добра людства жертвовали собою, найти причины да которых разных хороб (эпидемій). Знаючи ворога легче с ним боротися. Было найдено, что сѣ хворобы причиняют малюсеньки тѣла, невидимѣ для ока (бактеріѣ, бацилы), которѣ розличными способами (бѣльше всего прямым касательством и при нашѣм дыханію) переносятся с тѣла на тѣло, и в нѣм скоро, до миліонѣв, розмножаются и розрушают организм. Науцѣ удалось найти способ, як нѣкоторых бацил нищити, або учинити

их безвредными. Сесь способ есть прищѣпка (скипят въспу, холеру, тиф, дифтерит), с помочию которой ломлят силу бацил. Але проти сухотинам и инфлюенцій до сеѣ поры не нашли певного способу поборюваня. И тут можна много учинити оборонительными средствами (превентивными). Треба вароватися людей хорых тыми хоробами, а если не можеме се учинити, коли напр. доглядаеме на них то, сокотиме за чистотою : умывайме руки роствором карболового квасу, або другими обезврежующими (дезинфекційными) средствами. Вообще, если да где близко нас начинаются заразнѣ хоробы, то стараймесь ходити чисто, не переѣдатися, ѣсти страву из чистоѣ посуды, не допускати до хаты мух и слухаймесь роспоряженія и приказу лѣкаря. Проти сухотам (туберкулезѣ,) найскрытѣйши из заразных хороб и найгѣрши, есть найлѣпше средство чистота : чистота улиц и площадь, чистота домѣв, дворѣв, пищи, одежи, тѣла, понеже бацилы сухотины (коховѣ палочки) брудом лапаются и с брудом дѣстаются до наших легких, абы их смертельно розѣбли. Не сидѣме там, где порошок, не ошупуйме предметов поживы руками, не берѣм до роту нечистых предметѣв ; не цѣлуйме каждую встрѣчну дѣтину, о которѣ не знаеме ци есть здорова, ходѣме, кѣлько можна в чистѣм лѣснѣм воздуху.

Питаймесь здоровою пищею, понеже чистый воздух и свѣжа смачна пища то — главны вороги туберкулезных бацил, як то видиме на хорых в Лужи, або на Плешѣ, коло Праги.

Першая скоро помочь. Руководствуймесь правилом : остерегатися хоробы. Лѣкаря закличѣме завчасу а не тогди, коли уже поздно. Часом треба помогти раньше, чим прійде доктор. Треба знати, что в таких случаях чинити. Передовсѣм рану треба старательно обмити чистою водою и перевязати чистым, мягким полотном. Обѣм лѣлому натирайме виски (части чола между ухом и оком) студеною водою, або снѣгом. Утопленного, або задушенного положиме наознак и двигайме до пѣвкругу его руками, аж начне дыхати. Отруѣнному дайме да что, абы зунѣтовав (молоко, теплу воду), або лоскочиме его пѣрѣям в горлѣ. Попареное або попалене мѣсце натрѣме маслом. Во великих городах при важных случаях закличиме карету скороѣ помощи. Институціѣ. Для спеціального лѣченія и догляду над хорыми служат больницы и санаторіѣ. Для нѣкоторых

хороб (сумасшествіе, сухоты, заразнѣ хоробы) служат особѣ больницѣ. В малых городах не можна строѣти больницѣ про недостаток капиталу, а строятся окружнѣ больницѣ на цѣлый округъ, Худобных лѣчат там задар на рахунки их сельскоѣ управы. Где есть университет там можут пожадовати лѣченія на клиницѣ.

Земледѣльство.

Значеніе рѣлѣ (почвы). Земля есть кормительницею всего созданія. Еѣ плодороднѣсть — условіе людского бытія, понеже без хлѣба анѣ не можеме подумати о житію. В часы, когда рѣля по да якої причинѣ перестае давати урожай, доставляется найстрашнѣйшій гость людского общества: голод. А за ним его пріятельницѣ: нужда, хоробы, смерть. С той причины есть старым желаніем людей выхосновати из землѣ, як наибѣльше плодин.

Обробленіе поля. Бывают блажены края с природным урожаем. Доста наилегшой работы а рѣля дасть наибѣльшій урожай. Але чим довше хоснуеме из рѣлѣ, тим меньше и меньше родит, так як уменьшается вино из бочки при питію. Треба значит приляти нового. А так и землѣ треба часом прибавити новых сил плодоносных. Хлѣбороб мусит присвятити землѣ свои силы и быстрый розум, ибо часто приходится ему поборювати наслѣдки засухи, градобитія, хоробу скоту, шкодливых насѣкомых (хробакѣвъ, мух, мотылѣвъ, полевых мышей и т. д.). В борьбѣ с рѣлею побѣждае на ровнѣ с пильными руками просвѣщенный и мѣркующій дух. Про то в державах с великим населеніем селяне бывают на високом степенѣ просвѣщенія и ведут раціональное (розумне) господарство.

Розумный господар не лем перемѣнюе плодины найотповѣднѣйшим способом, але пробуе содержаніе рѣлѣ, абы мог в ню засадити, ци засѣяти тѣ плодины, которѣ найлѣпше в нѣ будут родитися. Глядае, ци нива потребуе искусственноѣ помочи, натурного, ци искусственного гноенія. Для лѣпшого обробленія уживае разных машин,

не вдовольняется лишь тым, чому научився от ненька, але постоянно чинит пробы, полѣпшае рѣлю и потѣм урожай показуе степень его способности. Чим пыльнѣйшій и просвѣщенѣйшій господарь, тым бѣльшій успѣх в господарствѣ, в чим пресвѣдчуеся господарь веденіем дневных счетов (рахункѣв) и цѣлорочною инвентурою (маетком). Непорядочность и недбалость знищила уже много хлѣборобѣв!

Меліорація. Розум поможе побѣдити и природны недостатки. Если да где нива есть не урожайна, або мало урожайна про свою воднатѣсть, туй пробуе еѣ полѣпшити отведеніем вод; если да где шкодит сухо, там заводит искусственное заводненіе.

Такою меліораціею можна много учинити. Бывало, что сим способом цѣла краина обращалася прямо в рай, а потом знов пустынею стала, когда перестали над рѣлею печуватися (Месопотамія).

Господарски школы. Нынѣшний хлѣбороб не може довольствоватися для успѣшнаго газдовства лем общою школьною наукою, котора не може себе посвящати одному якомусь призванію, або занятію и с сеѣ причины научаеся потребным вѣдомостям для газдовства в господарских школах. Загальнаго поученія такого достанеся хлѣборобу в господарских школах, бѣльшу науку дают уже середнѣ господарски школы и для высокой господарской науки суть выши господарски школы, або земледѣльческій факультет политехникума. Добре тоже подприняти научное путешествіе до просвѣщенных земледѣльческих держав, наприклад до Даніѣ. Кому не было можна так просвѣтитися, той мусит хотѣ стремитися черпати поученія из отповѣдных книжок и новинок. Также господарски выставки дают случай о многѣм поучитися.

Земледѣльская рада. Поднятіем и развитіем газдовства в наших краях занимается земледѣльская рада. Для меньшого округа дѣятельности закладывают газдовски кружки и спеціальнѣ дружества, которѣ дбают о добрѣ продажѣ земледѣльческих плодин и виробѣв.

Родственны развѣтвленія. Важною частею земледѣльства есть лѣсництво. И оно требует крѣм працѣ много спеціального знанія, которому научают лѣсникѣв в лѣсничих школах. Учат не тѣлько разумно доглядати над звѣриною, котора

дае смачное мясо и, нищити шкѡдливу звѣрину, але головно доглядати над порядком и ростом лѣса. Вырубанѣ дерева, которѣ не выхоснуются на будовы, або топливо, обробляються на лѣсопильных заводах на доски, на латѣ и под. на фабриках на папер, а в особенных великих печах на деревлянне угля и п. Плоды садѡв выхоснуються разнѡ: овощи сушятся, маринуються, переваруються на лекварь, переробляються на разнѣ соки, на лѣкеры и под.

Виноградарѣ дѣлають из винограду вино.

Хов скота. Рука в руку с розведеніем зерновых плодин есть хов скоту. Из сметаны машиною отдѣляется и сбывается масло а из молока коз роблят дуже добрый сыр. Кал есть найлѣпшим подкрепленіем слабой нивѣ. Скот сѣдае також земледѣльчески отпадки, которѣ бы иншак пропали за дар. Абы [полѣпшити племя дѡстають наши господарѣ племянницъ и быков из заграничѣ (из Швейцаріи) для якой цѣли дѡстаються запомогу от земледѣльской рады.

Пчѡльництво в добрых, не в соломяных ульях, дуже мало еще у нас развито. А перецѣнь добре и чисто веденое пчѡльництво приносит великій доходок.

Земледѣльская промышленность. (Индустрія). Державы, в которых бѡльша часть населенія занимается хлѣборобством называеме земледѣльскими; тѣ, населеніе, которых прокормляется працею на фабриках и заводах называеме промышленными (индустріальными). Нашой державѣ не можна сказати, что есть просто земледѣльская, або чисто промышленна, понеже и хлѣборобство и промысл оба в нѣ находятся на высоком степенѣ развитія, Промысл ляльковый, гончарскій, výroба мебели и под. мали бы чередоватися с працями хлѣборобскими, особенно в зимѣ, когда нѣт полевых работ; выгода бы из того была велика.

Нѣкоторѣ части промышленности (индустріи) находятся в тѣснѡм связку с земледѣльчеством, переробляючи его плодины. Свѣтова слава чешского пивоварництва заложена на дуже доброй вартостѣ чешского хмелю и ячменю; цукроварництво переробляе бураки на цукор; крумплѣ и иншаки плодины переробляються на алкоголь; в фабриках на мебель переробляют дерево из лѣсов и под. Ся промышленность постачае нашим потребностям и, кромѣ того, позволяе много виробков вывозити за границу, особенно цукроварова промышленность.

Хлѣборобска торговля. Сеся у нас дуже слаба, понеже найважни плодины схоснуеме самѣ. Вывозится за границу лем конюшиновое насѣня, хмѣль, дерево и под.

Цѣли будучности. Цѣль державы есть, абы всѣми силами там, где хлѣборобство, еще мало розвинуте, пѣднати его и полѣпшити, абы в сѣм дѣлѣ моглисьме певно и всегда себе завдовольнити. „Мусиме старатися, абы наша земля могла нас добре прокормити!“ (Масарик.)

Промышленность (индустрія) и еѣ сопутники.

Природа и промышленность. В промышленности мы видиме найлѣпше, як людска праця зависит от натурных богатств той ци другоѣ землѣ. Наприм., державы, которѣ не мают своего угля и желѣза не мают почти нѣякой промышленности. Водны сполученя и путѣ (море, сплавны, не плитки рѣки) являются дешевою дорогою для довозу, або вывозу товарѣв; быстры воды гор и водопады, яко источники дешевоѣ силы электрическоѣ, добре пѣдпомагают развитію промыслу. Да которы выробки (напр.: цукор, порцелян и другѣ) причиняются богатством отповѣдных сыровин в краю и преуспѣвают лишь там, где сесѣ находятся або растут. Се май главны пута, которыми спутана людска праця с природным богатством.

Министерство працѣ. Наша республика мае особенне министерство, старанію которого довѣренно розумне выходнованя богатства краины и помѣчь всему, что служит державному благу. То—министерство общественных работ. Организація працѣ есть наибѣльшим вопросом бытія народа. Так як в политицѣ мусиме поднятися до свѣтового розгляду, до истинноѣ свѣтовоѣ политикѣ, так одинаково наше народне газдовство наша промышленность, земледѣльство, наша торговля и наше банковничество мусят статися в найлѣпшѣм смыслу сего слова свѣтовыми (Масарик).

Водны путѣ. По приморских державах (Англія) и по исторіи поодиноких пристаней (Антверпы) судиме, яку велику важность мают водны дороги. Наша держава не мае моря

и хоснуе водяными путями лем со своих рѣк. Крѣм Дунаю не маеме и великих рѣчок, по природѣ свои сплавных, понеже Лаба с Молдавою и Одра принадлежат нам тѣлько своими горѣшними частями, часто непригодными для плаванія. Для того, абы они сталися жилками, приводящими живый сок до державного живота, буде треба их до сего искусственно приспособити. Треба буде выломати плитки со дна, помощею великих загатей проглубити и уможнити да где сплавнѣсть коморowymi будовами и спусками для борокѣв. На Дунаю в Братиславѣ, на Молдавѣ в Празѣ и на Лабѣ в Устю нужно выбудовати найновѣйши пристанѣ и перекладовища товарѣв.

Абы досягнути прямого сполученія Сѣвернаго моря с Чорным нужно буде выстроѣти проплавы, которѣ бы соединяли Лабу с Моравою, при случаю и Одру с Моравою, або конечно Молдаву с Дунаем. Такими проплавами можна буде провозити товары по водѣ от Гамбурку аж до найюжных мѣст Словачины, або наоборот. Так наша держава сталася бы провозною державою для близких и отдаленных наших сусѣдѣв. Потѣм уже Триест и Гамбург, где маеме заарендовано на 99 лѣт частѣ пристаней, будут истинно нашими пристанями и чехословацкій прапор запестрится на свѣтовых морях нарѣвнѣ с фарбами других народѣв.

Регуляція рѣк. На наших рѣках не было еще учинено порядочной регуляціѣ и с той причины при весенных затопах вода заливае цѣлѣ плодороднѣ ланы и, вырываючи плодородну землю, относит ю до чужины. Природной водяноѣ силы у нас выхосновано дуже мало и тут на нас чекае много важноѣ працѣ. Передовѣм мусит конечно прійти в живот промѣркована электризація, для якой цѣлѣ выхоснуются стрѣмки воды гор, великих природных загатей и, яко поганяюча сила, воды великих рѣк. Электричества треба не лише для освѣтлюваня, але главно, як поганяючей силы на желѣзницах, в промыслових заводах и мастернях, в господарствѣ, конечно, и в домашности для вареня, глаженя и под.

Банѣ (Копальнѣ). Что угля удержуе не лишь тепло в домашних печах, але удержуе желѣзницу, промышленнѣсть и цѣлый господарскій розмах и ход державы, се показалося ясно особенно за послѣднѣ лѣта. Угля дае великое множество двигающей силы. Роботник-угля чинит за 3 кор. тѣлькож

працѣ, за котору бы работник-чоловѣк хотѣв 1500 кор. 5000 гѣрникѣв (шахтерѣв) добудут за один рок миллион тунѣв угля, которе потѣм учинит працѣ за 5 миллионѣв работникѣв; по сей причинѣ угляне богатство опредѣляе господарске и тым самим и политичне положеніе народа. Тепер всѣм вѣдомо, что оно есть один из найважнѣйших предметѣв нашего заграничного товарообмѣну. Абы его бѣльше выкопали то в заводах, где працуюе бѣльше 100 работникѣв, дают сим право, участвовать в управлѣ завода и брати часть с чистого заробку, яка часть отдається на вообщѣ, хосеннѣ цѣли работникѣв. (Закон с 25 февр. 1920.)

Одинаково треба уважати и на копальнѣ руды, особенно желѣзноѣ.

В послѣдних лѣтах мае великое значеніе нафта а особенно еѣ сплодина бензин при растушим выхоснованю его для автомобилѣв и нафтовых моторѣв. 1 кило нафты дасть 11.600 выгрѣвных единиц двигающей силы (калорія) а 1 кило антрациту (чорного угля) лем 10000. Значит потребно мѣркувати, ци не можна розмножити наши нафтовѣ источники на Словакіѣ и Подкарпатской Руси новыми находженіями.

Дороги. До правомощи министерства общественных работ спадае и будова дорог и мостѣв, станцій и тунелѣв и под. Яку цѣну и хосень мае добра порядочна комуникація (дорожне сообщеніе) не треба обяснати.

Патент. Патенты (право на výroбу) и их охорону выдае патентный уряд. Право выробляти предметы, храненѣ патентом, або организовати их výroбу мае лем властитель патенту, а если да кто другѣй так учинит, то властитель мае право его подати в суд. Своѣ выробки означуе охоронною маркою. Розумѣся что може свѣй патент и продати. Когда хочет свѣй способ выробки товара сохраниати для себе и за границую, мусит и там дѣстати на него патент.

Абы драгоцѣнности не приготавлилися с подлого золота, предкладаются на пробу отповѣдному уряду, который истинность драгоцѣнности подтвердит значком (пунцом). Торговельнѣ мѣры и важки цейхуются на знак того, что не фальшивы.

Сыровина, товар, выробок. Мало вещей нам дае природа готовыми, которы могли бысьме хоснувати без приправы (як овощи); бѣольшу часть мусиме много раз мѣняти,

приготовляти: настьня лѣну, засться, лѣн вымыкают, мочут, сушат, чешут, прядут, с прядива тчут уже полотно и лѣм тогда можна сшити сорочку. Лѣн есть сыровына, полотно — товар, сорочка — выробок. Кѣлькома руками пройде вещь доки дѣстанѣся потребителю!

Ремесло и промышленность. Сыровину обробляють: ци ручным способом ремесленник в свои майстернѣ, ци фабрикант, у которого працѣе много работников обслу- жующих машины. Часто бывае проведено до подробности роздѣленіе працѣ, и каждый робѣтник постоянно обробляе лѣм одну да яку часть выробку, так, что навчаея великой ловкости и умѣня. Выробок рукодѣльный бывае певнѣйшій и дорожшій; выробки фабричны, которых машина приготовит бѣльше в наименьшій час могут быти туньшѣ, май гладшѣ, але уже меньше выдержат. Але помало фабричнѣ выробки про свою туньшѣсть выганяют с торгу рукодѣльности. Ремесла и фабричное производство называея промыслом, промышленностію (индустріею), хоть пѣд сѣм именем обы- чайно розумѣея производство фабричне.

Для нѣкоторого промыслу (земледѣльческаго, древар- ского, скляного и т. д.) есть у нас сыровин доста, а для нѣкоторых текстильных (платяных) мусиме всѣ сыровины довозити из заграницѣ.

Условія розвою. Промышленность потребуе отповѣд- ных условій, абы могла успѣшно розвиватися. Передовсѣм залежит на дешевых сыровинах, потом на дешевости попоганяющей силы. Понеже парова машина спотребуе много дорогого угля а нафтовы моторы бензину, то ся погоняюча сила есть дуже дорога. Найтуньша есть водяна сила, але не всюду можна нею хосноватися. Приходит мѣрковати об элек- тричествѣ. А для сего нужно провести что найширшу элек- тризацію.

Великое значеніе мае також сбут товарѣв. Поки нѣко- торых товарѣв выробится тѣлько, скѣлько самѣ спотребуе, доста, если охранным цѣлом, запрѣтѣм довоз подобных выробков из заграницѣ, и товар у нас не застоѣтся. Але во многих видах наша промышленность выробит бѣльше, чѣм спотребуе и мусиме, абы работа не остановилася, товары вывозити (напр. солод, пиво, цукор, стѣкло, древарски и текстильнѣ выробки и под.). Але вывозити зможеме лѣм

тогда, когда добротою товару и его цѣною будеме способны конкуровати на мѣждународных торгах, иначе наши выробки останутся, промысл перестане выробляти и наступит безработнѣсть многих кормильцев семейств. Цѣны також залежат от величины фабрикантинаго заробку, робочѣм дню, и заробѣтнѣ платѣ и способности робочих.

Вывозу товарѣвъ помагае розумне установленіе перевозных тариф (поплаткѣвъ), пограничных цел и торговых договорѣвъ с чужими державами.

В послѣдну пору часто нищат промысл споры меж робѣтниками и фабрикантами за заробѣтну плату, споры, часто приводячи до забастовок (стрейк). Робѣтники домагаются соціализаціи заводѣвъ, властителѣ со свои стороны боронят приватнѣсть пѣдприемства. Было бы для промысла счастьем, если бы удалося спор розрѣшити мудро, понеже без капитала, без пѣдприемства и без працѣ нѣтъ промышленности, нѣтъ живота для державы. Радостно засвѣтило бы солнце для всѣх людей, если бы классовая ненависть счезла. Взаимный живот всѣх пластов населенія мусит руководитися любовью: капитал не смѣе выкорыстовывати працю, а робѣтник мусит порозумѣти, что упадок промышленности буде причиною безробѣтности и его властной бѣды.

Торговля.

Початок торговли. Нынѣшний культурный чоловѣкъ не може выстарчити для себе лишь своею працею и своими выробками. Потребуе выробкѣвъ и товарѣвъ, выроблюваных другими, одинаково як сѣ потребуют его выробкѣвъ. Так выробки взаимно обмѣняются. Для удобства и скорости обмѣну началось употребленіе грошей.

Тяжко поодинокѣму вышукѣвати потребный товар и того, кто сесь товар обробляе. Для сего нѣкоторѣ люди посередничат мѣж производителем товарѣвъ (продуцентом) и потребителем (консументом). Называеме их купцами.

Цѣна товарѣвъ. Купцѣ не занимаються торговлею из любви ко ближному и мусят также завдовольняти свои животнѣ

потребы. Природно, что за свою працю хотят дѣстати и да якій заробок. Если производитель рѣвнож есть продавцем своего товара, то прибавляе до виробковоѣ цѣны еще часть, абы наградив из выслѣдку працѣ свои потребы. Так само купец прибавляе до покупной цѣны. Сесе початок торговоѣ цѣны, за котору товар дѣстае потребитель. Если товар, поки дѣстанется в руки потребителя пройде через руки многих купцѣв и перекупщикѣв, то сильно подорожѣе. При тѣм безсовѣстнѣ купцы стараются выхосновати часом нужду потребителя и жадають от него неотповѣдного, незаконного заробку. Таку продажу называеме лихвою и она караеся судом. Лихварь есть найгѣршій звѣрь людского общества, который без власноѣ працѣ выхоснуе нужду другого, и дуже справедливо, если лихварям укладаются найтяжши кары. Причиною того, что часом товары дуже дорожѣють, або тунѣють, бывае доброта товару, его множество, ци недостаток. Коли появляется надвышок товаров, а особенно тых, которых не можна довго держати, напр. овощѣв, то обычайно сесѣ товары тунѣють, понеже каждый купец волѣе товар продати и за низшу цѣну, чим полишити, абы сесѣ спортився. Если, наоборот, да якого товару мало, напр. зерна, мяса, а потреба его велика, то купец знае, что продасть товар и по наибольшим цѣнам. А так отношеніе мѣж предложеніем товару и спросом на него, потребою его, руководит цѣнами.

Сорта торговлѣ. По великости торгового пѣдпріятія маеме велики торговли дома и крамницѣ. Богатый купец закупует собѣ множество товарѣв, напр. кавы, чаю, рѣжу, прямо с тых краив, або городѣв, где товар виробляеся, або родится и в меньших частях закупленный товар перепродует до крамницѣ. Из сего слѣдует, что купец мусит добре знати свѣт и свѣтовое господарство, абы не купив товар дорогій и из предалеких краин.

Абы сесѣ обстоятельства выпозерав, посылает властник великаторговых домѣв своих агентѣв (представителѣв) для установленія торговельных связѣв в чужих державах и в малых крамницах. Для письменных выконѣв держит купец корреспондентѣв которѣ знают и торговельны дѣла и чужи языки. В установленіи торговельных сношеній мае помагати и правительство. Оно должно вышукати всѣ урядовѣ и при-

ватнѣ институціи, занимающіеся господарским розвитіем, уможливити им взаимнѣ сношенія, порадитися со всѣми виробцами господарских товарѣвъ, составить подробнѣ письменнѣ книжки о всѣх землях, которыми интересуется наша загранична торговля, абы знати потребности тых земель и народѣвъ.

Каждый купецъ мав бы памятати, что найлѣпша рекомендація есть добрый товар, посереднѣ цѣны, и честность.

В городах, где спотребуется много товарѣвъ, куда товары привозятся и из околиц бывают в опредѣленѣ днѣ торги (ярмарки) на ремесленнѣ виробки, на худобу, на плодины, зерновѣ, на овощи, зеленину и т. п. В меньших городах бывают торги раз в мѣсяць, ци инакъ, а в бѣльших и каждого тыждня. Велики торги (напр. в Празѣ) продовжаются да кѣлько днѣвъ а то и тыжднѣвъ.

Крамарѣ продают товары в крамницѣ, а дробнѣ торговцѣ часом носят товары от дому до дому и по селах.

Перекупщик мае лем просту хатчину для товарѣвъ дневной потребности (одежу, обувь) и поправивши сѣ старѣ вещи, продае тому, кто не мае на нове. Антикварист торгуе стародавными художественными предметами, образами, малюнками, старинною историчною одежою, порцеляном, костяными, або стекляными виробками, мебелью и под.

Торговля в границах властной державы называется внутренною, на роздѣл от торговлѣ заграничной. Вывоз товарѣвъ за границу называется экспортом, довоз из заграницѣ — импорт. Держава, котора привозит бѣльше, як вывозит, скоро ростратит свои богатства и обѣднѣе, як той, что бѣльше тратит, чим заробляе. А если вывозит бѣльше, чим привозит, то богатѣе. Да которы товары лем провозятся через нашу державу до другой. Се мы называем транзитом (провозом). Провоз приносит державѣ великій хосень и буде одною из задач нашей торговельной политики, абы, будучи в сердцю Европы, мѣж Западом и Востоком, привелисьме дороги свѣтовоѣ торговлѣ через своѣ желѣзницѣ.

Финансовы вопросы. Часто купецъ мае случай купити наибѣльше доброго и хосенного товару, чим на то мае капитала. Може той товар прецѣнѣ купити лем тогди, коли мае кредит, т. е. если продавецъ повѣритъ ему и продать товар на борг. Начинаящій купецъ може надѣятися на кредит лишь у тых, кто знае его честность и способность заплатити,

потом уже призыскуе довѣренность працею, честностью, доброю поголоскою и маетком. Перед кредитованіем незнакомоѣ фирмы треба на ню запитатися у других фирм (дѣстати інформаціѣ). Коли фирмѣ не дуже довѣряеме, то посилаеме товар на до платок. Часом продавець, дающій купцю товары без платы на мѣстѣ продажи, жадае, абы купец ему выставив вексель по которому гроши продавцевы заплатят подписанѣ на векселю поручителѣ, если купец сам не зможе заплатити.

Когда купец не додержит своих грошевых обовязкѣв, то ему уже нѣкто не даст товару в кредит и торговля его по мало заникае, приходит на конкурс, упадае. Се може случитися и без вины торговця напр., если товары его были роскрадены злодѣями, або и сам завинив упадок своею недбалостю. Упадок, завиненый самим купцем, караетсѣ. Да коли купец договоритсѣ со своими кредиторами, что заплатит им напр. 75% их позычки, ци кредиту (розквѣтався на 75%). С той причины каждый торговец, который другому купцеви дае в кредит, рискуе да что стратити.

Биржа. Торговля часто провадитсѣ не с товарами, але со взорцами товарѣв (плодин, насѣня и под.) на плодинѣвѣ биржѣ, або с цѣнными бумагами (акціями, лосами, банковыми бумагами) на грошовѣ биржѣ. Цѣннѣ бумаги с початку продавалисѣ за номинальну цѣну, напр. за 200 Кч. Однако, если пѣдпріемство, которе выдало цѣннѣ бумаги, много зарабатяе (напр. акціонерный пивовар), то его акціѣ каждый бы хотѣв купити и за курс высшій, напр. 300 Кч. Курсы пѣдоймаются. Кто купуе цѣннѣ бумаги, той може добре выиграти, але также и все что мае проиграти, когда курсы начнут понижатися. Найпевнѣйше дѣло есть честный заробок честною працею.

Торговельны Управы (коморы). Для успѣху торговлѣ и ремесла утворенѣ торговельнѣ и ремесленнѣ управы, до которых всѣ купцѣ и ремесленники выбирают своѣх представителѣв, абы дбали про успѣшный розвой и преуспѣваніе торговлѣ и ремесла.

Реклама. Каждому купцевы важно, абы продав своего товару наибѣльше. Он конкуруе с другим купцем, мающим таіѣй самый товар, и стремитсѣ, абы пѣднявся над своим конкурентом и оттягнув от него что наибѣльше его покупа-

телѣв. Для сеѣ цѣли обрашае увагу на свои товары всѣми способами (реклама): в окнѣ, крамницѣ, объявленіями в газетах, налѣпками, плакатами на улицѣ, объявленіями по домах, освѣтлюющими украшеніями и т. д. Се его коштуе много грошей, але он считае (калькуляція), что все верне, если привабит до своего краму больше покупателей. Чим остроумнѣйша реклама, тым бѣльше хосну. Але криклива реклама розсчитуе на дурных купующих и купец с неѣ мае коротку радость, если дае подлый товар за дороги цѣны. Часто устроюют купцѣ выставку товарѣв, где стараются красною приправою и прикрасою приманити собѣ постоянных покупателей.

Торговельное общество. Для великих торговельных выслѣдков треба вложити до дѣла такий капитал, якого один чоловѣк або не мае, або боится до непевного дѣла на початок вложити. Але за то скорѣйше найдется да кѣлько особ, которѣ на потребный капитал сложатся, ризикуючи каждый в случаю неудачи лишь частею своего богатства. Так зарождаются торговельные общества. Если хотят, абы и найширши круги населенія приняли в дѣлѣ участь, то распродают акціи (по Кч. 200, 400, 500, 1000 и т. д.) каждому, кто хоче принять участь. Заробком потом дѣлятся взглядно ко числу акцій (акціонерное общество). Для управленія підприємством акціонарѣ выбирают управу. Нѣкоторые заводы, абы підприємити интерес рабочих на хосен заводу, выбрали их заступников до управы и признали работникам часть из чистой прибылѣ. Часто особы, беручи участь в таком обществѣ, обовязуются, что в случаю упадку підприємства ручаются цѣлым, або частею своего маетку: „Общество с ручательством неограниченным, — ограниченным“.

Купеческій персонал. Купец и всѣ его торговельнѣ помощники мусят быти выученѣ книжно и практично торговому дѣлу, если оно мае быти удачным. Практику получают, яко помощники в крамницѣ 3 роки и ходят на курсы торговельноѣ школы. Для веденія торговых книг, корреспонденціѣ и вообще канцелярской працѣ треба окончити торговельну школу, або академію.

Внутреннее гражданское правленіе.

Едність дає силу.
(Символ Бельгії.)

Важность внутреннего порядку. Несмѣрно важно для державы, абы она была внутренно сильна, абы была здоровым тѣлом, способным рѣшати всякую цѣль живота. Таку силу можемо черпати лишъ из внутреннего порядку, гармоничноѣ едности всѣх частей населенія. Если бы да яка часть населенія старалася вводити лишъ безпорядок и беззаконіе, то се было бы небезпечным для цѣлоѣ державы.

Исторія нас о тѣм много научае. Недовольство народѣв Турціи, Мадяріи, и бывшоѣ Австріи привело конечно до розпаду сих держав, меж тим, як Швайцарія сохранила порядок и в страшну пору свѣтовой войны. Споры религіознѣ и шляхотскѣ в 18 столѣтію привели до розпаду несчастну Польшу, борьба мѣж робѣтниками и правителями в старѣм Римѣ учинили кѣнец республицѣ, соціалнѣ боѣ пѣдтяли силу Россіи. Вѣчнѣ гражданскѣ войны ци с мечом в руцѣ, ци с выборчим билетом, ослабляют державу так, что она потѣм, при першѣм случаю, падае до рук смѣлого проходимця. Про то кажде правительство, которое носит в сердцѣ благо людей и силу державы, старается о упорядкованіе своего внутреннего житія и гражданин перед каждым своим чином за дивится в будущность: ци не буде сесь чин на шкоду его державѣ? Дѣло правительства есть дѣлом каждого гражданина, понеже в порядку живется каждому спокѣйно. „Республика и демократія потребуют не тѣлько правительственного апарату и войска, але и певного нравственного грунту; без нравственных и характерных людей, без здоровых семейств, без вѣрноѣ дружбы, без правдивого отношенія до общественных организацій, в которых состоѣме членами, без честности во всѣх наших дѣлах, не може быти сильной республики“. (Масарик.)

Организація внутреннего управленія. Внутреннее управленіе в чехословацкой республицѣ выконуют жупнѣ уряды и подчиненѣ им окружнѣ уряды. Сесѣ оба уряды пѣдчиняются министерству внутренних дѣл. Вся республика роздѣляется на жупы, которѣ рѣвнож (выключаючи Словакію) бывают и wyborовыми округами. Столиця Прага в пра-

вительственнѣм (але не выборовѣм) смыслу не стоит в жупном связку. Окружнѣ уряды выконуют дѣла, которѣ до сеѣ поры выконували капитанаты. В окружных правленіях берут участь граждане (окружнѣ комитеты, або окружнѣ сенаты). Тоже и в правленію жуп, которѣ переймут внутреннее правленіе от краевых политичных управ, краевых соймѣв и краевых комитетѣв, будут участвовати граждане ци яко жупное представительство, ци жупнѣ сенаты.

Начальником окружного уряду есть окружный начальник, а жупного уряду жупан. Окружный начальник подчиняется жупану.

Окружна Управа старается над публичным здоровьем своего округа. Для сеѣ цѣли при каждѣ управѣ есть окружный лѣкарь и лѣкарь для скоту (ветеринар) Они дбают, абы в округу не было заразных, эпидемичных хороб и охраняют людей перед ними; прищѣпляют оспу, чинят дѣла, обеззаражованія (дезинфекцію), карают продажу фальшованных и шкѣдливых предметѣв поживы и т. д.

Общества, товариства. Дѣла обществ, содружеств и кружков, подлягают рѣшенію внутреннего управления державы, ци прямо министерству внутренних дѣл. Право творити общества и содружества законами республики (§ 153 конституції) забезпеченѣ, рѣвнож и право защищати и помагати господарскому преуспѣванію. Всѣ дѣла поодиноких людей и содружеств, которѣ шкодят правовому порядку другого хосенного общества, караются (§ 114) Повод для содружества, або созданія общества бывае разный: да коли есть желаніе росширяти своими силами просвѣщеніе и науку (общества просвѣтительнѣ), або забавку (забавнѣ), або желаніе працювати в области политики (политичнѣ) ци чинити милосердіе (благодѣтельнѣ) помагати собѣ взаимно при хоробах (запомоговѣ) ци защищати интересы своих сопрацownikѣв, або проглублювати источники науки (научнѣ) и т. д.

Всѣ подобнѣ общества мают всегда якусь добру цѣль. Але бывають и общества, которѣ слѣдуют и цѣль шкѣдливу для державы. Розумный гражданин старается таких обществ не поддѣржувати.

Если хотят, абы общество было основано, то присылают для одобренія его у с т а в (статут) в которѣм означена цѣль

общества, его організація, средства, якими хоче досягнути свои цѣли и под. Когда отповѣдный политичный уряд (до днесь краева управа) не покладе во означеный час своего за-прещенія, то уже общество може выбрати собѣ власных чиновниковъ: предсѣдателя, намѣстника, дѣловода, кассира, управу и т. п. О составленѣ управѣ увѣдомляют окружный административный уряд.

Обществу, кружку отѣймается право дѣйствовати тогды, если его дѣлами ци рѣшеніями нарушается публичный спок-кой, порядок. Законом можна ограничити заложеніе товариств заробковых (§ 113).

Собранія. Одно из найважнѣйших прав гражданина есть право спокойно и без зброѣ собиратися. Общества могут устроувати членскѣ собранія своих члѣнов, або також и собранія публичнѣ не-членов, в случаю объявленія собранія наименьше трома днями наперед административно-му уряду (полицейна управа) и по согласію сего уряда. Уряд мае право послати на собраніе своего представителя, кото-рый може собраніе розѣгнати, если запримѣтит, что на собранію хотят державу, або покой гражданскій нарушити. Такое собраніе по заявленію представителя администраціи всѣ члены мусят безоткладно покинути. Але тоже позволяет-ся скликати собранія довѣренных особ лем для нѣко-торых приглашенных, если приглашеннѣ один другого знают. Уряд може однако и тут прійти, абы пересвѣдчитися о до-вѣренности собранія и если найде непорядок в способу по-кликания членов то и такое собраніе може запрѣтити. Але на дѣло розбирательству довѣренных собраній заступник уряду не смѣе присутствовати. Да коли конаются собранія в больших размѣрах: на улицѣ, ци площадѣ (табор людей). И на сесѣ собранія мусят дѣстати позволеніе от уряду, одинаково як и на публичнѣ процесіѣ. Позволеніе не треба на собраніе выборовѣ перед выборами), на славнѣ торжества, на свадьбовѣ забавы, на отпуст и под.

Инаки цѣли. Министерство внутренних дѣл тоже об-являе выборы и организуе все, чого для сеѣ цѣли треба. Та-кож чинит считаніе народонаселенія и приготавлиае из выслѣдков считанія статистику населенія и его за-нятія. Особенный статистичный уряд виробляе на научном-грунтѣ разнѣ статистичнѣ працѣ со всѣх областей житія, по-

неже добросовѣстна статистика, язык чисел, стае певным основаніем нашей працѣ а часто нас контролюе и веде к успѣху.

Министерство внутренних дѣл тоже дозирае над правильным хоснованіем из разных завѣщаній — подарунков (надація), которѣ закладывают поодинокіи люди, або общества, чи кружки наибольше для добродѣтельных цѣлей, напр. абы из процентов тоѣ надаціѣ давалися запомоги худобным студентам и подобно; дозирае над веденіем метрик, в которѣ при церквах вписуеся каждое рожденіе, смерть и свадьба. Граждан без вѣроисповѣданія записуют в окружнѣ управѣ, магистратѣ.

Жендарѣ и полиція. Безпечность людей и их маетку припадае до прав министерства внутренних дѣл. Сесю безпечность оно выконуе посредством жендаров и полиціѣ. Жендарѣ, из большой части бывшѣ вояки, организованѣ по войсковому. Конают сторожову службу в краю: глядают и выловлюют злодѣев, разбойников и под.; бывают присутнѣ при домовых оглядах, при успокоеню побунтованого народу и т. д. За безпечностею дбае полиція. Абы легко поймати хитрого, затвердѣлого злодѣя, або преступника, уживают стражников, одягнутых до цивѣльноѣ одежи (детективов). На пожаданіе детектив мусит легитимоватися. В державах строго правовых и демократичных детективов уживают лем в тяжких случаях и населеніе их любит и честуе. Стражник, або жендар конают свою повинность, и так само хосеннѣ людям, як лѣкар, который борется с росширеніем да якоѣ хоробы, пошести, понеже они заборонюют росповсюженю преступных чинов и преступников. Кром того укрывати злодѣя, або подпалителя, жаловати убійця, помогати выробцю фальшивых грошей, то есть то самое, что чинити сесѣ злѣ дѣла.

Дѣла заграничнѣ.

В каждом случаю мусиме привыкати при своѣ публичнѣ дѣятельности дома памятати на то, як ю пріймают за границею.

Т. Г. Масарик.

Кто их веде? Сношенія со всѣми остальными свѣтовыми державами и все, что до сего относится и, что нас за границами интересуе — веде министерство заграничных справ.

Для непосредственных и верных вѣдомостѣвъ о политических отношеніяхъ в главных частяхъ свѣта и для доброго связку с правительствами другихъ державъ бываютъ в столицахъ тихъ державъ устроены посольства. Тѣ державы со свои стороны маюти свои посольства у насъ. Вопросы торговельны и практичну торговлю посередничаютъ консулаты. Посольства находятся в столицахъ а консулаты и в другихъ, важныхъ для торговлѣ, мѣстахъ.

Послы и урядники посольства, такожъ и консулаты хоснуються особенными правами и защитою. Порухити свободу посла значитъ порухити мѣждународное право. Домъ посольства мае право погостинности (азилу) значитъ, что в помѣщенію и маютку посольства не смѣе быти заарештованный нѣкто, кто туда сховався.

Послы однако мусятъ честно дбати того, абы не злоупотребляли своими правами на шкоду погостинноѣ державы. Секретнѣ вѣстки подае посольство свои державѣ (або держава имъ), тайными буквами (шифромъ) и письменнѣ вѣстки посылаютъ черезъ курьеровъ, которѣ на границахъ не подлежатъ огляданю.

Загранична политика. С чужими державами заключаютъ торговельны договоры, с да которыми и политичны союзы, военны договоры на взаимну оборону и под.

Торговельны договоры маюти для насъ превелику важность, понеже они позволяютъ намъ вывозити пребыточнѣ плодины за границу и привозити тѣ, которыхъ потребуеме. На выгѣдности такихъ договоровъ есть заложенъ нашъ господарскій розвой и добробутъ. В вопросахъ заграничныхъ бѣльше якъ где треба, абы рѣшавъ о всѣмъ розумъ, а не чувство.

Особовѣ сношенія. Граждани нашей республики на чужинѣ будутъ обращаться к своимъ посольствамъ, або консулатамъ, якъ только будутъ потребовати порады, або защиты. Розумѣеся, что мусиме тамъ поѣдчинятися и законамъ чужой державы. Абы увароватися неперѣмностѣвъ заосмотриме собѣ на дорогу паспортъ. За границу, якъ слѣдуе приготуемъ. Треба хоть трохи знати языкъ и животъ землѣ, куда приготуемъ ѣхати. За границу ѣздятъ, якъ для торговлѣ, такъ и для ознакомленія с чужимъ краемъ, або для науки. Але всегда есть добре доѣстати отпорученія на чоловіка, который бы насъ на першій часъ увѣвъ до незнакомаго для насъ способу живота.

Финансы.

Для нашего счастья важно не то, что человек мае, але то, якій есть он.
Шопенгауер.

Державный бюджет. Министр финансов всегда на один рок составит бюджет возможных державных доходов и выдатков, абы в яснѣм свѣтлѣ показалось державное господство. Показателем важной ошибки в державном животѣ есть убыток (дефицит) во державных финансах т. е. больши выдатки, чим доходы. Бюджет распадается на двѣ части: на бюджет ординарный и надзвычайный. В ординарном бюджетѣ показаны постояннѣ выдатки (плата урядникам, выдатки на школы, на войско, хлѣбоборобски субвенції и под.) и постояннѣ доходы податки (порціѣ), заробок державных фабрик, желѣзных дорог и под.) В надзвычайном бюджетѣ показаны выдатки случайнѣ (на войну, запомоги мобилизованным и безработным и под.).

Дебаты одобренія, ци непринятіе бюджета, составленного правительством, бывают наигорячійши и непринятія бюджета значит тоже недовѣріе правительству.

Доходы. Главным источником доходѣв бывают податки (порціи) все одно подушнѣ, ци инаки. Подушну порцію платят граждане, которѣ:

а. мают поземок (порція поземельна, ци грунтова) а то тим большу, чим лѣпшій и большій поземок (с сеѣ причины поземки роздѣляются до отдѣлов),

б. мают жилищный дѣм (дань с дому)

в. пронаймают дѣм (дань с пронайму),

г. занимаются ремеслом (ремесленна дань),

д. живут с капиталу (дань с капиталу),

е. мают большій доход як 1600 К. (дань с зарабѣтку).

Всѣ сесѣ податки предписуются в опредѣлену сумму, установлену законом, и выплачуются прямо податковому уряду (прямѣ, безпосереднѣ податки).

2. Але и граждане, которѣ не платят нѣ одного из сих податков, платят в формѣ дорожке купленного товару, посредничеством купцов, або фабрикантов. Для того называеме таки податки непрямыми, або потребительными, по-

неже они касаются главно предметов дневноѣ потребы. Напр. с каждого кила цукру мусит цукровар заплатити предписанный податок. Финансова стража контрольное в цукровару множество выробленнго цукру, цукровар продае купцям цукор на той податок дорожче, а купцѣ людям. Подобно пивовары платят порцію с пива, виноградарѣ с вина и т. под. До непрямых податковъ принадлежат и штемпель, которым мусят заосмотрюватися документы, податки с наслѣдства, або покупки недвижимого маетку и цла, которѣ каждый платит на границѣ за привезеный, або вывезеный товар. Абы не платили цло, и мали туньшій товар нѣкоторѣ люди занимаются перевозом товаровъ из-за границѣ, або за границу тайно. Але така контрабандна торговля строго карается. Нѣкоторѣ товары, напр. табак, порох выроблюе и продае сама держава посередництвом своих продавцовъ за предписану цѣну. То называеме монополем. Держава мае тоже доходы от державной лотереѣ.

Податковы уряды. Предписаны населенію податки платятся податковым урядам. Податковѣ уряды с сих грошей выплачуют мѣсячну плату урядникам в своим округу и под. Недбалых свои повинности граждан заставляют платити податки екзекуціями (забирают маеток). Други финансовы уряды суть окружнѣ и жупнѣ финансовѣ управы. Благодатность податков. Многим покажется смѣшным, что податки могут быти благодатны. Гляньме правдѣ в очи. Держава потребуе для свого населенія грошей и заплаченный податок в той ци в другой формѣ знову вернется чоловікови с добрыми процентами. Напр. держава с податковых средств удержуе школы и учительство и розумный чоловік легко высчитае, ци не дорожче бы его обійшлося, если бы он сам старався научати своѣх дѣтей и яких неприяностей его збавляе держава систематичным просвѣщеніем и воспитаніем дѣтей. Держава с податковъ удержуе желѣзны дороги, пошту, пути и каждому ясно, які с того хосен. Суды, которѣ защищают честь и право каждого, полиція, жендарѣ и войска, охраняючи маеток перед злодѣями и розбойниками, и живот чоловіка перед убійцами, больницѣ и все добродѣятельнѣ институции — все то платит и в порядку удержуе держава. Кто представляе собѣ добре и то, что держава сокотит хорых, жебраковъ и безсильных,

той зрозумѣ и благодатность податков, без которых держава бы не могла сего всего организувати и поддерживать, поста-рается в час заплатити податки и другим то порадити. Нужно, абы плата податкѡв была что найсправедливым способом роздѣлена на одиноких граждан. Кто бѡльше мае и бѡльше заробит, мусит и бѡльше платити. Справедливѣйшими податками будут податки прогрессивнѣ, податки из роскошеств и под.

Смысл грошей. Не може быти нашою цѣлею, абысьме лем нагромажували гроши, але абы помогали людскому духу до розвитія, помогали господарству своему и других, облагорожували людски сердца. Залюбленіе до грошей без огляду на живот есть хороба, котора знищила много людей.

Финансовы институціѣ. Грошѣ, которѣ мы сберегли, вкладаеме до сберегательнѡй кассы почтовоѣ, або до банку, которѣ нам за то будут платити проценты. Сесѣ институціи потом позычают гроши на проценты другим особам для полѣпшенія хлѣборобства, ци торговлѣ, ци промыслу — вообще для працѣ. Понеже в том есть розумное господарство с грошми, абы тѣ, кто не умѣют, або не можут гроши выхосновати для розмноженія людских богатств, довѣрили их тим, кто хосновати умѣе.

Валюта. Взглядно ко грошам из дорогих металлѡв (золота и серебра) и дрѡбным грошам из никлю, бронзы, або желѣза, суть гроши б у м а ж н ѣ удобнѣйши и практичнѣйши. Однако тим, что кусок безцѣнной бумаги попечатаеме образком, не придаеме ему истинну цѣну грошей, анѣ тим, что держава тѣ „образки“ пріймае за гроши такой, або иншакоѣ цѣны. Стают грошми и мают цѣну лишь через довѣріе в них каждого властителя, довѣріе, что за них по желанію може в державнѡм банку дѡстати истиннѣ грошѣ золотѣ, або серебрянѣ, або просто дорогого металлу в тѡй самѣй цѣнѣ. Про то мусят бумажнѣ гроши отповѣдати кѡлькости маетку дорогоцѣнных металлѡв. Если за границую не довѣряют, что державный (цедуловый) банк мае достаточно золота, абы мог вымѣняти всѣ бумажнѣ гроши, то уменьшаеся и довѣріе до бумажных грошей и люди принимают их неохотно и за меньшу цѣну. Бумажнѣ гроши тратят в цѣнѣ, в а л ю т а грошей понижаеся. Когда валюта понижается сильно, то дорожают товары, господарски отношенія погбр-

шаються б́льше а б́льше, аж остане одно рѣшеніе — державный упадок (банкрот, крах).

Гроши. Обычайнo кaждa держaвa мaѣ свои особѣ гроши (монеты), гроши золотѣ, серебрянѣ або бумажнѣ. Грошевою одиницею у нас єсть корона, в Германіи — марка, в Америцѣ — доллар, в Англіи — фунт штерлингѣв, в Голландіи — золотый, в норвежских державах — корона, в Россіи — рубель, в Румыніи — лев, в Болгаріи — лей, в Сербіи — динар, в Греції — драхна, в Італії — лира, в Іспанії — пизетта, во Франції, Бельгії и Швейцарії т.е. в державах латинской унії — франк.

Комуникація.

(Дороги.)

Не трать дурно часу : с часовых одиниць соткано житіє.

Франклин.

Значеніе провозовых средств. Новѣйша почта с телеграфом, телефоном, пароходом, желѣзницею и аеропланом представляе красну картину, где прослѣдиме прогрес 19 и 20 столѣтъя: Без сих прогрес немислим. Они связали людство всѣх частей свѣта, соединили духовное свѣтовое богатство и дали розуму крыла. Посредством них люди всего свѣта бавятся, совѣщаются, радуются, нѣбы в дружеской бесѣдѣ.

Почта. Почта за маленькую плату подасть наше письмо и найвздаленѣйшим пріятелям (п. л и с т о в а), додасть им нѣжнѣ и милѣ подарунки (п а к е т о в а), выплатит им наши гроши, которѣ мы почтѣ для них дали (г р о ш о в а).

Телеграф. Телеграф в нѣсколько секунд подасть наше желаніе на другій кѣнец земли, кабель через безконечнѣ просторы океяна сполучае нас с заморскими краями, радіо уможливит говорити с пароходом (шифом), плавающим на неспокойнѣм морѣ и с воздушным самолетом, носящимся в величественнѣ высотѣ воздушнѣ. Сын, смѣло летящій на встрѣчу солнцю, посылает привѣт мамцѣ-землѣ.

Телефон. Телефоном мы чуемє слова говорячого, отда-

ленного от нас на тысячу километров, доносит наш голос одинаково охотно як до підземных глубин, так и на вершины высоких гор.

Желѣзницѣ. Желѣзны дороги являются найважнѣйшею частію комуникаціи.

Сесе жилки торговлѣ, народного продовольствія и вообще всего живота.

Прогресивнѣ державы стараются выбудовати найгустѣйшу сѣтку желѣзных дорог, а державы заосталѣ в своем розвоу сих жилок живота мают дуже мало. Там, где треба пѣдойматися на дуже прикру гору будуються дороги зазубленѣ. Если близко есть великій спад воды, то дороги подганяються електрическою силою. Для перевозу особ и товарѣв во великих державых служат дороги висячи, пѣдземнѣ, и поуличнѣ (трамваѣ). Поверхность рѣк и моря бороздят пароходы (шифы) в чистѣм воздуху лѣтают величественнѣ воздушнѣ шары и самолеты.

Поплата. Министерства повѣренѣ будовати потребнѣ желѣзнѣ дороги, телеграфы, або телефоны, удержовати их в добрѣм положенію и порядочноѣ ѣздѣ на них. Для сего потребно службовоѣ платы для персоналу. С сеѣ причины мусят тѣ, кто из всего назначенного хоснуе, платити предписанѣ по платки (тарифы). Як бы преуспѣвали без сего всего новинки. А чоловѣк теперь без новинок, которыми обогащае своѣ познанія, не обѣдется. Через них он слѣдит за дѣлами всего свѣта, учится ошибкам и успѣхам, и прислухуеся до біенія сердца своѣх братѣв в далеких краях.

Туристика. Люди теперь не так припутанѣ до своего жилища, як колись. Росширилося не лишѣ путешествіе торговельне, ради интересу до заробку, але и путешествіе для освѣженія и забавы — туристика, понеже путешествіе обогащае наш дух, розвивае розум и смѣлость. Туристика мае благодарнѣ наслѣдки и с матеріяльной стороны. Нѣкоторѣ державы заробляют миліоны на красотах природы (Швейцарія, Норвегія, Альпски землѣ), други на остатках староѣ культуры (Италія), которѣ приманюют любителей сих дѣл. И наша держава славится красными мѣстами (Крконошски горы [Исполиновѣ], Чешскій рай, Шумава, пещеры Моравского Красу, Татры и т. д.) а столица Прага есть признана найкраснѣйшим городом в Европѣ. От нас зависит

зыскати сюда прилив чужоцстранцѡв. Особенно на Подкарпатской Руси бы сесе при организаціи дуже обогатило народ и край, понеже туй есть прекрасна природа, кваснѣ воды, купальнѣ, але... не достаточно желѣзницѣ и интересу людей. Для цѣли туристики в Празѣ есть чуженецкій уряд, подающій заграничным гостям добрѣ информаціѣ и помогающій успѣшному развитію туристики. Также скѡлька путешественных канцелярій служат для удобства и хосну путешествующих.

Н а р о д.

Тебе чиню наслѣдником всего,
что да коли от предкѡв своѣх уна-
слѣдовав и через тяжки и смутнѣ
часы переховав. („Отчина“)

Я. Коменскій.

Народнѡсть. Не легко точно назначити понятіе „народ“. Больше всего понятіе „народ“ опредѣляют языком на которѡм говорят люди того, ци другого краю. Але такое об'ясненіе народности не правильне: народ жидѡвскій говорит найразнѣйшими языками на свѣтѣ. Еще меньше опредѣляе народ религія, вѣра: в однѣ и тѣ самѣ державѣ часто бывае много способѡв вѣроисповѣданія. Опредѣляе понятіе „народ“ положеніе краю? Та не. Англичане напр. рострушенѣ по всѣм частям свѣта. А чтоже племенное подобіе? Оно тоже не рѣшае понятіе „народ“. Днесь нѣт анѣ одного чистого народа на свѣтѣ, каждый есть мѣшаниною многих рас (племен). Значит не окремо язык, вѣра, солнце, покровнѡсть опредѣляют народ, але все то совмѣстно. Ходом исторіи с сих частей выкристализовалися единицѣ, маючи свою особу натуру обычай, одежду и таланты, так, что знающій може распѡзнати всюду Англичанина, Француза, Итальянца, Мадьяра и не в их краю.

Отчина. Край, в котором живе народ, со всѣми природными богатствами, созданнями працѣ цѣлых поколѣнь — то есть отчина. Волю защищати, желаніе полѣпшати и умножати сесѣ богатства матеріально и духовно и любовь к от-

чинѣ называеме патріотизмом. Безоглядный патріотизм, не уважающій прав інших народѣв, называеме шовинизмом.

Любовь к отчинѣ. Уже по нашѣ натурѣ любиме край, в котором родилися, народ, до которого принадлежиме. Але, не будеме проявляти сю любовь лем словами и воздыханіем, пѣснями и прапорами, але передовсѣм працею. Народ не може иначе досягнути побѣды и побороти недостатки, як своею властною внутренною силою, а внутренна сила народа залежит в его просвѣщенію, пильности, нравственности.

Повинность к отчинѣ. Любовь до отчины приказуе и строги повинности. Если мы знаеме, что за все, что маеме, дякуеме поколѣням, которѣ дрѣмают на цвинтарях, то туй кладеме собѣ задачу абысьме мы были пильными творцами дальшого розвою, основывателями краснѣйшого и высшого живота для всѣх будучих робѣтників на народном полѣ. В сознанію, что наша доля есть нерозлучно сполучена со силою и успѣхами нашей отчины, напинаме всѣ силы тѣла и духа, абысьме привели свой край до идеального добробыту. Сесь идеал — есть идеал права и справедливости, красоты и любви, науки и миру — идеал людскости (гуманиты). Не хочеме учити ненавидити Нѣмця анѣ Мадьяра за то, что говорят чужим языком але ненавидиме их, если хотят нас угнѣтати и других насилувати. Не ненависть — наш идеал, але любовь. Мадьяри были жестоки и суровѣ. Мы не будеме оплачувати им злом“ (Масарик). Але мусят и други быти к нам справедливыѣ. Наша любовь то не слабѣсть, котору бы могли выхосновати тайнѣ, ци явнѣ наши непріятелѣ — не, есьме и будеме приготовленѣ всягда на сторожи Нѣт пріятности спати с заряженным револьвером, але да коли потребно Нѣкто не буде гнѣватися на нас, если будеме по так многих нам кривдах осторожнѣ. Войны не хочеме. Хочеме жити силою духа, але не насиліем тѣла. Вѣриме, что прійде день, коли в свѣтѣ правити. буде не насильство, але мир и справедливѣсть.

С добрыми будеме жити в покою и любви, але со злыми на сторожѣ, абы не порушили наши права и нашу свободу.

Народная оборона.

Войско. Держава на оборону свои землѣ, живота и маютку своих граждан а своего дѣйства, постоянно держит да какое множество вояковъ (армія). Збыточное залюбленя до войска и подчиненіе всего управленія потребам арміи называеме милитаризмом. Было бы лѣпше вообще не потребовати постоянного войска, вдовольнитися милиціею, удержованіем порядку с помощью граждан. Але для идеалу сего нужно цѣлком пріятельских сусѣдѣв и людей искренно любящих республику в каждѣм смыслѣ. На жаль в нынѣшну пору не можеме анѣ в одном из сих быти певнѣ.

По способу, яким вояки выконуют службу для республики, распѣзнаеме войско пѣшое, кавалерію, артилерію, воздухоплавательнѣ роты, телеграфнѣ, телефоннѣ и т. д.

Стараніе над хорыми и ранеными мае санитарное отдѣленіе. Заосмотреніе арміи всѣми потребами — мае интенданство. Над планами для обороны державы и на случай войны працюе генеральный стан. Если начинается вѣйна, то покликаются до зброѣ запаснѣ (мобилизація); по кѣнцѣ войны часть войска пускается домѣв до своего занятія (демобилизація). Мобилизацію (частичну ци повну) приказуе президент республики по выслуханю правительства; приказ о повнѣ мобилизаціѣ предлагае Народному Собранію для додаточного одобренія.

Войскова повинность е всеобща, одинакова для всѣх и всѣми мусится выконувати, каждым за себе. Начинается роком, коли гражданин довершит 20 лѣт и кѣнчается, когда довершит 50-лѣтного возрасту (у вояковъ по занятію в 60 лѣт). При мобилизаціѣ и войнѣ войсковѣ повинности подлежат молодшѣ и старшѣ от 17 лѣт до 60 лѣт, взгядно к способностям и силам про оборону землѣ. Особы, увѣльненѣ от войсковоѣ службы платят войскову таксу. Выповненіе войсковой службы есть грунтом для державноѣ и публичноѣ службы и выборов прав. Всѣ рожденѣ в календарнѣм годѣ, в которѣм довершат 20, 21, 22 лѣт, покликаются каждогодно до набору, где опредѣляется их потребна душевна и тѣлесна способность. Кто сего не сповнив, або скалѣчив нарочно себе перед набором, або утѣк, той повинен ходити до набору аж до 50 лѣт.

Правильна служба войскова продовжается 14 мѣсяцѣв.

Принятѣ на службу в лѣтахъ 1920—22 повиннѣ по скѣнченію службы еще прослужити (без прерыванія службы першой) 10 мѣсяцѣв, а принятѣ 1923—1925 г. еще 7 мѣсяцѣв. По кѣнцѣ службы вояка зачислюют „до запасу.“ Запасный повинен да коли повторити упражненіе со зброею (цѣлком на 14 тыжднѣв) особенно если заведена нова зброя. Тѣ, которѣ из важныхъ державныхъ интересѣв потребнѣ при своимъ гражданскѣмъ занятію от войсковоѣ службы освобождаются.

При мобилизаціѣ и войнѣ могутъ быти а) всѣ, принятѣ до войсковоѣ службы, заразъ зачисленѣ до полку, б) приказано ранѣйше принятіе на службу 19-ти и 18-ти-лѣтнихъ, в) повторный набор (асентерунок) непринятыхъ, або признанныхъ неспособными. (В случаяхъ б) и в) есть потребно одобренія Народнаго Собранія.) Особы войсковѣ во службѣ пѣдлѣгаютъ до военныхъ карныхъ и дисциплинарныхъ судѣв. В гражданскихъ дѣлахъ пѣдлѣгаютъ гражданскимъ законамъ и урядамъ. Особы, которѣ не выповнили порядочно свою войскову повинность могутъ женитися лишь с позволенія. При мобилизаціѣ и войнѣ може быти запрѣщено выѣзжати за границу особамъ повиннымъ войсковою службою.

Похвальною новиною есть в нашѣмъ войску библіотеки и читальнѣ, пѣвческіи и театральнѣ кружки, просвѣтительнѣ курсы, школы для неграмотныхъ и т. д. такъ что животъ при войску не значитъ уже для молодого мужа страту часу и безнравственность, але якусь продовжуючу школу живота и случай для большаго облагороженія.

Оправданіе войны. Мы народъ миролюбивый и не хотимъ войны. Наша армія есть лем оборонна а не нападающа, приликана, лем для того, абы защищала цѣлость и свободу республики передъ врагами внѣшними и помагала удерживати порядокъ и безпечность.

Але бываютъ случаѣ, когда до войны насъ примуситъ непріятель нападаючи на насъ, хоснующи изъ нашего миролюбія. Для того мусиме быти всегда на сторожѣ.

Если сильнѣйшій народъ нападе на слабшаго и сесь буде просити нашоѣ помочи можеме ему в помощьѣ отказати? Исторія показуе, что всѣгда сильнѣйшѣ народы помагали слабшимъ: Франція помагала воюющимъ за свободу в Америцѣ, Россія освободила Болгарѣв, Англія заступилася за

Бельгію, Америка в послѣднѣ войнѣ заступилася за Францію и т. д. Содружность культурныхъ народѣвъ есть найлѣпшою порукою миру.

Гражданска война. Самою смутною войною есть гражданска, когда сыны того самого народа выступаютъ одинъ противъ другого, братъ проти брата, сусѣдъ на сусѣда. Нищатъ маетокъ, господарство, пустошатъ сами себе. Сей братоубійственности мае вароватися каждый честный чоловѣкъ и гражданинъ.

Инвалиды. Воинѣвъ, которѣ на войнѣ, або и в мирѣвъ службѣ, были покалѣченѣ называютъ инвалидами.

Инвалидамъ стараетсяъ держава и люди найти занятіе, або помѣстити в домахъ, где могутъ при помощи ученыхъ научиться работѣ с искусственнымъ членомъ тѣла и могутъ жити в радости, як и другій и быти хосенными собѣ и другимъ.

Храбрость. Смѣлымъ защитникамъ отчины есть благодарный цѣлый народъ. Войну признаеме лишь в крайномъ случаю, и храбрость воинску радо бы замѣнилисьме на храбрость и смѣлость гражданску, котору можеме проявити в дневномъ животѣ: при пожарѣ, при поводнѣ, при несчастіяхъ в копальняхъ, або на шифахъ (пароходахъ), в часы великихъ хоробъ (эпидемій) и т. д. Така храбрость розсѣвае лишь радость и счастье. Найбѣльшимъ геройствомъ тоже есть перемогти своѣ злѣ привычки и злу натуру.

Чоловѣчество.

О люди! Столѣтны ваши желанія свободы выповняются во свѣтлорожденный свободный день; нѣчь тяжкого рабства заходитъ; гой чоловѣчество, день твой уже приближается!

Я. Нефуда.

От гражданина к чоловѣчеству. Совершенство гражданского живота есть лишь одна ступень в драбинѣ розвою, а коли досягнеме сеѣ ступенѣ, мусиме знову пѣзерати выше до совершенства всечоловѣчного. Однако бѣльша часть изъ

нас останется цѣлый свѣй живот в сожитію со гражданами лишь свои державы, своего народа, лем да кто на коротку добу, або и на всегда достанется до широкого свѣта, где стаеме лицом до лица перед потребою приспособити свѣй живот во сгodu с нравственностью всего людства. А прецѣнь и остальнѣ, которым не суждено прійти до сношеній с другими народами мусят знати и чувствовати свою принадлежность к великому сѣмейству, к чоловічеству.

Законы. Нравственны законы признают всѣ просвѣщеннѣ народы цѣлого свѣта, як напримѣр: мнѣніе на кражу, убійство и подобно, лишь писаннѣ законы бывают разнѣ: в одной державѣ карают убійство смертію для убійцы, а в другой землѣ-довголѣтною темницею. Бывают дѣла, на которѣ и в культурных державах дивлятся различно, напр., в одних за оскорбленіе головы державы карают тяжко, а в другик не карают. Если да кто путешествуе, або живе в чужѣ державѣ, мусит руководитися тамошними законами.

Мѣждународное право. Наибольше поѣдданѣ разных держав сходятся мѣж собою в пору войны и для сих случаѣв всѣ вопросы, касающіся разных народѣв, собраны в мѣждународном правѣ. Давно, в пору середних вѣков исторіи людства и за дикарства, побѣдитель мог с побѣжденными чинити что хотѣв. Убійство не-вояков, старцѣв, жен и дѣтей, мученіе, рабство, позволеніе рабовати маеток побѣжденных, — все позволялося, поки не было мѣждународного права, т. е. договору бо́льшости держав всего свѣта о том, як поводитися в час войны и мира.

Передовсѣм держава не смѣе напасти на другу державу без попередного об'явленія войны. Если сосѣднѣ державы не хотят принять участь в войнѣ, то об'являют свою несторонно́сть, нейтралитет. Посол австрійскій в Бѣлоградѣ, наприм. 23. юлія 1914 р. дав сербскому правительству ультиматум, рѣшителъне требованіе своего правительства (вѣденського), абы Сербія приняла тѣ требованія до 48 годин, иначе буде нападена войском. По непринятію требованій австрійскій посол лишив Бѣлоград, а Сербскій — Вѣдень (Беч), и такой перерыв дипломатичных сношеній був началом войны. Если часть войска да якой воюющей державы переступила границу нейтральной, то сеся мае право отняти

от перешедших оружїе и безоружне войско интерновати, задержати аж до кѣнця вѣины.

Анѣ самолеты не смѣют лѣтати над нейтральною землею, анѣ военнѣ шифы (пароходы) плавати в еѣ водах. Каждое нарушеніе нейтральности могло бы считатися за вражескій чин. Цивилисты не смѣют помогати чинно своему войску, иначе непріятель може с ними поступати без пощады.

Часто непріятель забере край и то называют окупаціею. Понеже в минулых войнах лѣкарѣ находили большу часть ран от отравных куль, або притупленых (дум-дум), что сесѣ причиняют великое страданіе, то мѣждународное право запретило их уживати. Лѣкарѣ, больничнѣ роты, больницѣ, больничнѣ поѣзда и шифы для раненых мѣждународным правом от оружїа охраняются. Для того они означены великим червоным крестом, защитным мѣждународным знаком. Раненого непріятельского воина треба лѣчити так само, як свого. Добивати раненого, або убивати сдающихся в плѣн запрещается. С плѣнниками треба обращаться ласкаво, уживати их на легки работы, але не близко поля битвы.

И непріятель мусит обращаться с жителями забраного краю чоловѣчно. Може жадати помѣщенія для вояков, потреб для живота, але повинен за все платити. Ганьба, если да котрый народ, або чоловѣк платит фальшивѣ гроши. В послѣднѣ свѣтовѣ войнѣ прибавилися к средствам уничтоженья культуры и людей еще таки грознѣ средства, яко верженіе огню против непріятеля, бомб из лѣтающих самолетѣв, потопленья шифѣв при помощи пѣдводных торпед и подобно.

Если да яка держава хочет договорювати мир, то мусит с початку послати с бѣлым прапором парламентаря (договорчика), абы установлював с непріателем перемиріе. Коли мир пѣдпишут обѣ стороны и их парламенты, або соймы сесѣ мир одобрят (ратификууют), то начинаются мировѣ сношенія мѣж воювавшими.

Вѣчный мир. Война в свои сущности есть да что так грозное, что тѣлько представленіе о нѣ душит чувствующого чоловѣка. Спаленое село, опустошены города, пропитанѣ людскою кровью поля битвы, тысячи покалѣченных мертвецѣв и раненых, прикликающих смерть, жены и матки, плачучи над стратою своих дорогих — то все главнѣ картины войны.

А наслѣдки войны тяжко и довго держатся: краина лишилася десяткѣвъ тысяч добрых робѣтників, упадае. Хлѣборобство пустуе, торговля приостановляеся, просвѣщеніе и наука выйшли с правильного пути, нравственность упала — а то як у побѣдителя, так и у побѣжденного. Грозне явленіе, яке поляканному чоловічеству ставит перед очи война, выкликае во всѣх благородных сердцах горяче желаніе вѣчного миру. Хотят, абы не сила, але право рѣшало споры народѣвъ. По вѣчном мирѣ тужили чешскій король Юрій Подебрадскій, учитель народѣвъ, чех, Ян Амос Коменскій, а по нынѣшнѣ войнѣ президент Вильсон, который предложив, абы всѣ споры рѣшав союз народѣвъ. Далеко, далеко, посвѣчуе из темноты искра вѣчного мира. Але она розгорится в ярку звѣзду! Средство, як того досягнути есть простое: люби ближнего, як самого себе. Люби его, як любит в порядочном семействѣ брат брата, ибо мы братья в семействѣ всечеловѣчскомъ. Будь ко каждому справедливый и милосердный и не чини в том разницѣ. Не дивися на то, ци мае твоѣй ближній шкѣру бѣлу, ци чорну, говорит по нѣмецки, ци по французки, ци по мадыярски, не питай ци есть робѣтник, ремесленник, рѣльник, торговец, урядник, ци ученый, не позерай ци есть то социалиста, ци буржуй, язычник, ци христіанин: люби каждого просто, як чоловіка.

Цѣлею каждого мае быти не тѣлько счастье властне, але благо всѣх.

Бог.

Бог и религія. Чоловѣк посужуе любознательным оком свѣт и дух его, розмѣрковуючи о величію и загадочности таемных свѣтовых явищ, скоро сотворив собѣ образ высшего бытія, которе уже приняв, яко первопричину всѣх явищ и назвав Богом. Однѣ считали солнце за божество про чудеснѣ дѣйства солнца на живот, други бурю и грѣм считали в простѣтѣ свои за проявленіе гнѣву божества, третьи считали за божество смерть, добро, зло и так далѣ. Довго народы почитали да кѣлько богѣвъ. То были язычники. Лишь послѣ розвитія

людского духу и розуму прійшли до нагляду, что чудесный строй свѣта може удержатися в гармоніи то́лько тогда, если ним управляє одно существо, которе мусит быти прапричиною всѣх явищ, загадок и таинств природы, мусит быти вѣчным, всемогущим, абы мог управляти и всѣми ужасными явлениями свѣта, бытіем наибольше доконалым, которе само было создателем найкрасших и найлѣпших откровеній и дѣл, и которе бы было творцем чудесного розуму людей. Одни назвали се найвысше бытіе „Іеговою“, други „Аллахом“, третѣ „Отцем“, четвертѣ „Буддою“. Вѣдомости о сѣм божествѣ, непреложну вѣру в него и чувство, которе слѣдует из людского отношенія до сего бытія называеме религіею. Истинной религіи не можна научитися, ю можна лем чувствовать. Не той, кто просто наподобляе, чему его научили, кто слѣпо вѣрит, что ему други для вѣры подают, кто без мыслѣ и понятія бубнуе молитву, составлену другими, не сесь набожный але той, кто сам через тайны свѣта своим духом приблизився и почувствовав Бога, кто сердцем увидѣв его и почувствовал в величію красоты и роскоши свѣта, кто истинно чувствуете неограничену покорнѣсть в отношеніях до Него.

И так само, як истинное чувство не можна надиктовати, оно само об'явится при тых, ци других условіях, — и нельзя примусити до истинной побожности. Истинно побожный, религіозный чоловікъ може быти побожным не лем в церквѣ, але и дома, в природѣ, всюду, где отповѣднѣ условія, або явления выкликують со дна его души се высоке чувство. Мы хвалиме Его всѣ: Та жѣнка, что спѣшит во храм, где выявляется Он в прикрасах олтаря в квѣтках золототканых и пламены свѣчок; и той, кто хвалит и корится Ему серед лугѣв зеленых, где горит в живых квѣтках лем искриста роса.

Не каждый побожный, кто клякае в церквѣ перед святостями и сильно бѣе себе в груди, або без понятія и чувства говорит научены слова молитвы. Крестится да коли и убійца, идучи на недобрый чин, а до костела часом заблудит и злодѣй, приготавлиючися обкрасти своего ближнего. Истинноѣ побожности не можна научитися, або до неѣ примусити, она приходит сама, если мы властным сердцем и розумом чувствуеме Бога. И лем така побожность есть чесна и высокоблагородна! Все друге есть покрывецтво.

Церква. Вѣроисповѣданіе. Люди, которѣ вѣрят в одного Бога, творят одно религіозное содружество, церковь. Церковь и религія не то самое. Много людей принадлежит до церкви але в душѣ Бога не мають, а бывае, что люди глубоко побожнѣ до жадноѣ церкви не принадлежат.

Церкви, крѣм разных символѣв вѣры (догмы), розличаются и совнѣшными знаменіями: крест, звѣзда, пѣвмѣсяць и т. д., и обрядами (служба Бога). Тоже и организація церков есть разна: в католической церкви ведут дѣла найвысшѣ церковнѣ чиновники, в других мають вліяніе на дѣла и свѣтски люди (не священники). До религіозных движеній треба считати и спиритизм, теософію и др. Народ чехословацкій есть побожный и проявив свою побожнѣсть в движенію гуситѣв и чешских братѣв.

Держава и церковь. В наипросвѣщеннѣйших державах религія есть особое дѣло каждого, церквам позволяется абы (не переступаючи державных законов) зыскували собѣ вѣрных и удержовали их красотою и святостію свои науки, еѣ внутренною силою. Держава, абы не примушувала в той ци другій способ вѣрити, не дае на сѣ цѣли своих средств. Церква не мае нѣякого впливу анѣ на законодарство, анѣ на управленіе державы, есть от державного управленія цѣлком отлучена (отлученіе церкви от державы).

В сѣм нѣтъ нѣчого против религіи, а напротив религія сохраняется тым самым от разных политичных случаѣв, которѣ бы могли ю посквернити.

В таких державах есть повна религіозна свобода: нѣкому не перешкажають проявляти свою побожнѣсть, але и нѣкто не примушуется, абы выконав да что сполученое с его религіею. Граждане такой державы мають уважати и чужѣ религіи (толерантность): не посмѣхатися истинно побожным, не перешкажати им в религіозных дѣлах, не примушовати их до того, что неприятно их религіозному чувству, не питаются другого какой есть религіи, але судят о нѣм по дѣлам. Если думаю, что мѣй ближний хибит, то одно лем право маю: научити его не хибити и показати истину.

Из такого отношенія церкви и державы слѣдуете само собою, что держава не мае нѣякой повинности старатися о тѣ, ци иншакѣ церкви, ставити храмы, платити духовникѣв, на-

учати в еѣ вѣрѣ своихъ граждан и под. Сѣ потребы муситъ церква и еѣ вѣруючи сыны завдовольняти сама.

Держава лишь мае охраняти свободу религіозныхъ дѣл, доки не перешкажаютъ всѣмъ интересамъ людей, порядку, або не псуютъ публичной нравственности и не поѣдывають силы и покою державы. Если бы вѣрники якои церкви поступали на шкоду державы, або еѣ законамъ, то безъ огляду на вѣру будутъ отповѣдаться передъ судомъ. Религія есть правомъ чоловѣка-гражданина, але не его привилегією, не особеннымъ правомъ, позволяющимъ ему чинити непристойнѣ дѣла.

СОДЕРЖАНІЕ.

	Сторона
Наш президент	3—5
Подкарпатска Русь. Генеральный статут.	5—11
Отношеніе чоловѣка к природѣ. Закон нравственный	11—15
Чоловѣк	15—16
Сѣмья	17—21
Громада	21—26
Держава	21—31
Президент	31—33
Правительство, администрація	33—35
Школьство	35—37
Соціална опѣка	37—44
Справедливость	44—48
Повинности	49—50
Права	51—55
Здравоохраненіе	55—63
Земледѣльство	63—66
Промышленность и еѣ сопутники	66—70
Торговля	70—74
Внутреннее гражданское правленіе	75—78
Дѣла заграничнѣ	78—79
Финансы	80—83
Комуникація	83—85
Народ	85—86
Народная оборона	87—89
Чоловѣчество	89—92
Бог	92—95
